

2101 672.3-4

IOSTVRMII

Al

DE AMISSA DI-

CENDI RATIO-

NE LIBRI

DVO.

*

Eiusdem,

DE LITERARVM

LVDIS RECTE APERI-

ENDIS, LIBER

VNVS.

*



VIRTUTE DVCE,



COMITE FORTVNA.

LVGDVNI, APVD SEB.

GRYPHIVM,

1542.

DE AMISSA

DICENDI

RATIO

NE,

IO STVRMII

LIBER PRI-

MVS.

AD FRANCISCVM FROSSIVM
IVRISCONSVLTVM.



A RERVVM bonarum, Frā-
cisce Frossi, natura est, ut qui me-
liore mente præditi sunt, eos ad
se amandum excitent, quibus ue-
rò uitiosum est, & peruersum in-
genium, hos aut iniquos habere,
aut certè non multum delectare
uideantur. Sed illud mirabile est, cum bonarum & mala-
rum rerum contraria uis sit, atque natura, cumq; uiri stu-
diosi, hominibus non bonis permultum sint dissimiles,
esse tamen magnam in erroribus consensionem generis
humani. Pluribus enim in locis, non solum quæ infério-
ra dignitate sunt, exercentur ita, ut melioribus antepo-
nantur: sed mala etiam sic excoluntur, ut rebus præ-
claris non locus ad laudem retinendā relinquatur. Nam
Regna & nobiles populi non modò militari rationi ma-
iora quàm ciuili scientiæ præmia constituerunt, esset e-
nim hæc ferenda comparatio: sed luxus etiam, quod gra-
uissim

uissimum est, & ambitio, & impudētia, ita usu atq; consuetudine recepta sunt, ut frugalitatis, & integritatis, & pudoris exigua ratio habeatur. Hoc tum deprauato iudicio naturæ male, tum etiam bonorum ingeniorum fit imbecillitate. In rebus enim arduis & præclaris uia & ratione est opus, & cum omnia præclara difficultatem coniunctam habeant, carent plerunq; hoc ordine & modo etiam laudata ingenia: quò fit, ut rerum pulcherrimarum studia contempta iaceant, & ea laudabilium artium doctrina magno consensu præferantur, quæ à uitiosis naturis solent celebrari. Quàm uerò sit eius, quod excellit, difficilis & ardua inuentio, hinc uideri potest, quòd eiusdem postquam perfectum traditumq; est, non potest diu, ut non contaminetur, usus retineri. Purissimè maioribus nostris diuina uoce tradita religio est: sed eadem non multis post annis ita est deformata, ita deinceps uitiorum & cupiditatum licentia atq; indulgentia labefactata & corrupta, ut qui locus portus esse putabatur, & statio doctrinæ Christianæ, is malarum artium sedes, & scelerum uitiorumq; perfugium extiterit. Est hæc natura cum rerum omnium bonarum, ut facile hominum cupiditate & stultitia uitientur, tum præcipuè ut religionis, sic etiam rationis dicendi. Cum enim maxime floreret Romæ Eloquentia, ibi non multis annis ita deformata & spoliata est, ut neque inde ad nostra usq; tempora uetustæ sit restituta elegantia: & posthac perpetuò sua pulchritudine, quam in natura habet, inter homines caritura uideatur, nisi aliqui oriantur, qui maximo ingenio præditi, nobis ordinem uiamq; illam in discendo ostendant, quæ ueterum Romanorum Græcorumq; rationi sit quàm maxime consentanea. Hanc enim propè

propè uniuersam amisimus : quocirca nisi tales homines
mutantur diuinitus, qui eandem perditam inueniant, atq;
reportent, nulla spes erit reliqua restituendæ & instau=
randæ nobis eloquentiæ. Etenim si cùm maximè atque
mirabiliter exulta esset, tum non potuerunt eam sum=
ma ingenia conseruare : maximopere his temporibus ara=
duum erit amissam recuperare, & suo quasi reddere po=
pulo. Inuestigandæ igitur nobis hoc in loco, Froßi,
causæ sunt, quamobrem nunc careant illa Ciuitates : &
cur posteaquã ætas superior habuerit homines, & doctri=
na & diligentia excellentes, & nostra ingenij etiam non
malis abundet, tamen propè nihil absolutum perfectumq;
oratione cognoscatur. Nam tametsi per Germaniam
permulti sunt, ut nosti, qui in sermone quotidiano lin=
guam & puram & ornatam habent, tamen non eam
habent magis politam, quàm hi, qui cum Ennio, aut cum
Thucydide uixerunt, quos constat eleganti sermone &
grauī Oratione usos esse, sed facultate, usu, atque natura
comparata, non arte perpolita. Quibus etiam per Ita=
liam melior mens ad imitationem summi & præstantis=
simi oratoris excitata & erecta est, hi mihi uelle elo=
quētiae laudem scribendo, non dicendo, consequi uiden=
tur. Qui uerò paulò uixerunt ante hæc tempora, in suo
quisq; genere delectatus, imitationem optimi non per=
penderunt. Quam igitur causam esse dicemus, quò munus
eò, quò ueteres peruenerunt, non quoque accedere pos=
simus? Videbimus opinor hanc, si quæ summis uiris pro=
posita fuisse atq; placuisse considerabimus. Crassus apud
Ciceronem cùm omnia quæ oratori necessaria sunt, sub=
tiliter & uerè notat : tum etiam rationem indicat, &
ordinem signat, per quem id quod uolamus, assequa=
mur.

mur. Neq; ambiguum est, Cicronem eo sermone, quem Crassus habuit, sententiam suam expressisse, in qua tum erat, cum illa scriberet. Non enim sententias solum singuli suas in illa disputatione declarant, sed naturam etiam et aetatem, et tempus, significant. Verum enim quæ sunt illa quæ Crasso et Cicroni placuerunt in dicendi studio ad considerandum annotare? Dicam equidem, Frossi, sed non quasi unus ex his qui maximo ingenio, ut dixi, et nisi diuinitus amissam eloquentiâ reddere nobis debent: sed ita dicam, ut is, qui huius rei studiosus et cupidus neq; amicis neque cuiquam qui uiuit, quod à se annotatum obseruatumq; sit, et quod ad publicas utilitates pertineat, uelit incognitum. Prodesse cupio nostris hominibus, non mihi laudem comparare. Sed quæ nobis Crassus proposuit, quoniam ea ad rem maximè pertinent, sunt celebranda. Sunt autem hæc, Natura et studium, Educatio doctrinæq; puerilis, Cognitio subtilior, Ratio literarum, Consuetudo sermonis quotidiani, Lectio scriptorum, Usus, Memoria, Studium permanens. Omnia enim, si quæ in diuersis locis meminit Crassus colligantur, intra hæc nouem consistunt. Itaque eloquentiam, ut Apollinem atq; Mineruam nouem Musis poëtæ præficiunt: sic nos hæc nouem oratori et sapienti subijciamus. Non enim Sapientiam ab Eloquentia separamus, neque patimur cordis rursus atque linguae dissidium fieri. Quare ad reconciliandam amicitiam orationis et cognitionis, rectè illa nouem ad obseruandû præcipit siue Crassus, siue Cicero: utriusq; scilicet enim habenda sententia est. Quid igitur est in his, quod etas nostra magis, quam illorum desiderat? In quo illi nobis sunt beatiores? ubi illa sunt, quorum nos destitutione

mufcri

miseriores sumus? Videmus annis iam compluribus &
 industria & subtilitate præclara efflorescere ingenia, lin-
 guarum explicatores infantieq; informatores in omni-
 bus ciuitatibus abundare, eloquentiæ doctores præmijs
 maioribus quàm antea comparari, non deesse ceterarū
 etiam artium atq; doctrinarum magistros, summam co-
 piam & oratorum & Poëtarum, omniumq; scripto-
 rum extare, exercitationem tantam, & præcipuè per
 Galliam, ut etiam his, qui docent, nimia esse uideatur:
 receptum esse in consuetudinem Latini sermonis usum;
 recordationem ingenij, & susceptam uitæ humanioris
 atque liberalioris institutionem, in multis non nisi mor-
 te finire, & cum omnia hæc nobis communia sint cum
 illis, qui tamen nobis præstiterunt, quæ causa est, Fro-
 si, tantæ infelicitatis? Certè illud est, quia nō satis honora-
 ta res est, & quia modo atq; ordine caremus, quia exi-
 gua ratio iuuentutis habetur, non potest non uiolari in-
 quam spectamus perfectio. Fuerunt per annos nonagin-
 ta, & amplius, inauspicati labores discentiū, & sum-
 ma fuit iuuentutis destitutio. Nam quoniam qui docue-
 runt, aut sœdam rationem secuti erant, aut nondum eru-
 ditam, caruit pueritia docta & eleganti informatione:
 & quibus Deus uim ingenij præstantem dedit, illi se-
 rò quid optimum esset, potuerunt animaduertere, quod
 dum secuti sunt, magnum quidem illi nomen compara-
 runt, sed ex doctrina magna, non ex dicendi ratione
 tali, qualem ueteres tum Romani, tum Græci habue-
 runt. Præterea qui potuerunt illud assequi quoniam
 literarum magistris parua erant proposita præmia, &
 ad contemptum maior, quàm ad laudem locus relictus
 fuit, scribendo utilitates adtulerunt, docendo parum
 4 4 profue

profuerunt adolescentiæ. Itaque senescimus antequàm uerborum facultatem, & dicendi scribendiq; rationem assequamur, si tamen quisquam est etiam decursa ætate affecutus. Socrates Gorgiam Leontinum, Protagoram Abderiten, & reliquos Sophistas uehementer insectatur, quòd in magna professione ignari rerum essent: quid si hodie uiueret Socrates? neminem certè in literis & in illa Philosophia posset inuenire, quem cum illis compareret. Fuerunt enim non professionis nouitate magni illi uiri, sed rerum etiam habebant cognitionem tantam, ut ciuitatibus admirationi essent, & Gorgiæ etiam soli non inaurata, sed aurea statua eadem de causa fuit à Græcis constituta. Sic optimè constitutæ Respub. non solùm militiæ & forensibus occupationibus præmia constituerunt, sed liberorum etiam rationem summam habuerunt, neque utilitatibus modò, uerum etiam honoribus literarum & dicendi magistros prouocauerunt. Quamobrem non ingenijs solùm consulendum est, sed ciuitates etiam excitandæ, ut quàm diu se non posse sine liberorũ posteritate cõsistere sciũt, tam diu etiã literarum magistros retineant, atque ita retineãt, ut suo uitæ genere contenti, non ad alias, ubi plures utilitates sint, uitæ rationes defleant. Sed non hæc eò dico, quasi ad me etiam istud pertinere arbitrer. Neque enim me inter eos, qui quod requiro id possunt, numero, & liberaliter mecum actum est: sed illud uelim considerent etiam ceteri homines, nisi propositis utilitatibus, rarò excitari ad res magnas, atque necessarias ciuitatibus, ingenia. Nisi suscepta & per annos multos perpetua uitæ meæ ratio delectatione & uoluptate retineat, nisi respicerem quo me Deus in hominum genere uiuere

uiuere uelit, & ad quas res me miserit, iam dudum fortasse commutarem hoc docendi munus cum quaestiuosa & hisce moribus auara alicuius artis professione. Sed uiuendum mihi in literis est, & acquiescendum ei institutioni, cui me mea natura, atque Deus addixit, inde etiam tantæ nostris hominibus adferendæ commoditates, quantas diligentia & studio potero, comparare. Magnum & arduum opus est, restituere uetustam dicendi rationem, stultum illud polliceri, insani assecutum se putare: sed quia ea rei natura est, unius uires in tantis difficultatibus succumbent, & multorū opera opus est: res etiam ipsa summum otium, diligentiam singularem, iudicium exactum, ingenium ad eam rem aptum, naturam idoneam requirit. Itaque uereor ne si etiam ego aliquid coner adferre, uidear plus arrogare mihi, quàm uel ingenio, uel facultate queam comprobare. Quanquam enim primum mihi & optatum otium comparatum sit, licet operam diligentiam que promittere possim, tametsi natura me ad literarum studium duxerit: libenter tamen agnosco, & fateari debeo, ingenium in me admodum esse exiguum, & iudicium ita tenue, ut sine pudore de rebus non debeam pronuntiare. Sedenim in ea sum sententia, ut putem si quid bene sit ab alijs, qui arte præstant, id etiam à rudibus posse non arroganter annotari. Cum enim non parum in faciundo doctus ab indocto differat, in iudicando tamen magna similitudo est. Verum est etiam aliquod discrimen, & qui non inuidioso ingenio sunt, & qui sunt publicarum utilitatum cupidi, in rebus magnis & difficilibus, si quid habent, qualecunque illud sit, si commoditatem habeat, debent proferre in medium, et

uideri uoluisse prodesse, & profuisse, quoad potuit fieri, humanis necessitatibus. Itaque ego in re leui & abiecta declarare eiusmodi uoluntatem statui, & Oratione, quam Cicero pro Quintio habuit, proposita, breuiter explicare, quæ ad intelligendum, & ad obseruandum, & ad imitandum pertinere uidebuntur. Hoc enim modo uidebitur quomodo amissa sit eloquentia, & qua ratione uetus illa consuetudo exercitatioq; dicendi sit repectenda. Facilius etiam magnarum rerum formæ, quæ sub sensum ipsæ non ueniunt, animo teneri possunt, cum id quod ab accommodato ad eas perfectioq; habitu profectum est, ante potuimus inspicere.

M. T. C I C E R O N I S

pro P. Quintio Oratio

tio 1.

QUAE res in ciuitate duæ plurimum possunt: hæc contra nos ambæ faciunt in hoc tempore: summa gratia, & eloquentia, quarum alteram C. Aquili uideor: alteram metuo. eloquentia Q. Hortensij ne me dicendo
 5 impediatur, non nihil commoueor. gratia Sexti Neuij ne P. Quintio noceat, id uero non mediocriter pertimesco. Neque hoc tantopere querendum uideretur, hæc summa in illis esse: si in nobis essent saltem mediocria. uerum ita se res habet: ut ego, qui neque usu satis, & ingenio parum possum, cum patrono disertissimo cõparer: P. Quintius, cui tenues opes, nullæ facultates, exiguæ amicorum copię sunt, cum aduersario gratiosissimo contendat. illud quoque nobis accedit incommodum: quod M. Iunius, qui hanc aliquoties apud te egit: homo & in alijs

alijs causis exercitatus, & in hac multum & sepe uer-
 satus, hoc tempore abest, noua legatione impeditus: &
 ad me uentum est: qui, ut summa haberem cetera: tem-
 poris quidem certe uix satis habui: ut rem tantam, tot
 controuersijs implicatam, possem cognoscere. ita, quod
 mihi consuevit in ceteris causis esse adiumento, id quo-
 que in hac causa deficit. nam quo minus ingenio possum,
 subsidio mihi diligentiam comparauī: quæ quanta sit,
 nisi tempus & spatium datum sit, intelligi non potest.
 Quæ quo plura sunt C. Aquili, eò te, & hos, qui tibi
 in consilio adsunt, meliori mente nostra uerba audire o-
 portebit: ut multis incommotis uarietas debilitata tan-
 dem æquitate talium uirorum recreetur. Quod si tu iu-
 dex nullo præsidio fuisse uidebere contra uim, & gra-
 tiam, solitudini, atque inopiæ: si apud hoc consilium ex
 opibus, non ex ueritate causa pendetur: profecto nihil est
 iam sanctum, atque syncerum in ciuitate: nihil quod hu-
 militatem, cuiusquam grauitas & uirtus iudicis console-
 tur. certæ aut apud te, & eos qui tibi assunt, ueritas ua-
 lebit: aut ex hoc loco repulsa ui, & gratia, locum ubi
 consistat, reperire non poterit. Non eo dico C. Aquili,
 quo mihi ueniat in dubium tua fides & constantia: aut
 quo non ijs, quos tibi aduocasti, uiris electissimis ciuita-
 tis spem summam habere P. Quintius debeat. quid ergo
 est: primum magnitudo periculi summo timore hominem
 afficit, quod uno iudicio de fortunis omnibus decernit.
 id quæ dum cogitat: non minus sepe ei uenit in mentem
 potestatis, quam æquitatis tuæ: propterea quod omnes,
 quorum in alterius manu uita posita est, sepius illud co-
 gitant: quid possit is, cuius in ditione ac potestate sunt:
 quam quid debeat facere. Deinde habet aduersarium
 P. Q.

- P. Quintius uerbo Sex. Neuiū, reuera huiusce ætatis homines disertissimos, fortissimos, ornatissimos nostræ ciuitatis: qui communi studio summis opibus Sex. Neuium defendunt: si id est defendere, cupiditati alterius obtemperare: quos is facilius quem uelit iniquo iudicio opprimere possit. Nam quid hoc iniquius aut indignius C. Aquili dici aut commemorari potest? quàm me, qui caput alterius, famam, fortunas que defendam, priore loco causam dicere: cum præsertim Q. Hortensius qui hoc iudicio partes accusatoris obtinet, contra me sit dicturus: cui summam copiam facultatem que dicendi natura largita est. Ita fit, ut ego qui tela depellere, et uulneribus mederi debeam, tum id facere cogar: cum etiam telum aduersarius nullum iecerit, illis autem id tempus impugnandi detur: cum et uitandi illorum impetus potestas adempta nobis erit: et si qua in re, id quod parati sunt facere, falsum crimen, quasi uenenatum aliquod telum iccerint: medicinæ faciendæ locus non erit. Id accidit prætoris iniquitate, et iniuria: primum quod contra omnium consuetudinem, iudicium prius de probro, quàm de re maluit fieri. deinde quod ita constituit id ipsum iudicium: ut reus, ante quàm uerbum accusatoris audisset, causam dicere cogeretur, quod eorum gratia, et potentia factum est: qui quasi sua res, aut honos agatur: ita diligenter Sext. Neuij studio et cupiditati morem gerunt: et in eiusmodi rebus opes suas experiuntur: in quibus quo plus propter uirtutem nobilitatemque possunt: eo minus quid possint, debent ostendere. Cum tot tantis que difficultatibus affectus atque afflictus in tuam C. Aquili fidem, ueritatem, misericordiam P. Quintius confugerit: cum adhuc ei propter uim aduersariorum non ius par,
- non

non agendi potestas eadem, non magistratus æquus re-
 periri potuerit, cui ei summam per iniuriam omnia ini-
 mica atque infesta fuerint, te C. Aquili, uos que qui in con-
 silio adestis, orat atq; obsecrat, ut multis iniurijs iacta-
 tam atque agitatum æquitatem, in hoc tandem loco confi- 5
 stere, & confirmari patiamini. Id quo facilius facere pos-
 sitis, dabo operam, ut à principio res quemadmodum ge-
 sta & cōtracta sit, cognoscatis. C. Quintius fuit P. quin-
 tij huius frater: sanè caterarum rerum paterfamilias &
 prudens & attentus, una in re paulominus consideratus, 10
 qui societatem cum Sex. Neuiio fecerit, uiro bono, uerun-
 tamen non ita instituto, ut iura societatis, & officia certi
 patrisfamilias nosse posset: non quo ei deesset ingenium,
 nam neque parum facetus scurra Sex. Neuius, neque in-
 humanus præco est unquam existimatus. quid ergo est? 15
 cum ei natura nihil melius quàm uocem dedisset, pater ni-
 hil præter libertatem reliquisset, uocem in quæstum contu-
 lit, libertate usus est, quo impuniùs dicax esset: quare quod
 socium tibi cum uelles adiungere, nihil erat, nisi ut in tua
 pecunia condisceret, qui pecuniæ fructus esset: tamen in- 20
 ductus consuetudine ac familiaritate Quintius fecit, ut
 dixi, societatem earum rerum, quæ in Gallia comparaban-
 tur: erat ei pecuaria res ampla, & rustica sanè bene cul-
 ta, & fructuosa: tollitur ab atrijs Licinijs, atque à præco-
 num confessu in Galliam Neuius, & trans alpes usque 25
 transfertur. Fit magna mutatio loci, non ingenij. Nam
 qui ab adolescentulo quæstum sibi instituisset sine impen-
 dio, posteaquàm nescio quid impendit, & in cōmune con-
 tulit, mediocri quæstu contentus esse non poterat. Nec
 mirum, si is qui uocem uenalem habuerat, ea quæ uoce 30
 quæsiuerat, magno sibi quæstui fore putabat. Itaq; hercu-
 le

- le haud mediocriter de communi quicquid poterat, ad se
in priuatam domū seuocabat : qua in re ita diligens erat,
quasi ij, qui magna fide societatem gererent, arbitrij
pro socio condemnari solerent. Verum his de rebus non
3 necesse habeo dicere ea, quæ me P. Quintius cupit com=
memorare : tamen causa postulat : tamen quia postulat,
non flagitat, præteribo. Cum annos iam complures socie=
tas esset, & cum sæpe suspectus Quintio Neuius fuisset,
neq; ita commode posset rationem reddere earum rerum,
10 quas libidine, non ratione gesserat, moritur in Gallia
Quintius, cum adesset Neuius : & moritur repentino,
hæredem testamento reliquit hunc P. Quintium, ut ad
quem summus mœror morte sua ueniebat, ad eundem
summus honos quoque perueniret : quo mortuo, nec ita
15 multo post, in Galliam proficiscitur Quintius. ibi cum
isto Neuiō familiariter uiuit : annum serè unū sunt, cum
& de societate inter se multa communicarent, & de tota
illa ratione atque re Gallicana, neque interea uerbum ul=
lum interposuit Neuius, aut societatem sibi quippiam de=
20 bere, aut priuatim Quintium debuisse. Cum aris alieni a=
liquantulum esset relictum, quibus nominibus pecuniam
Romæ curari oporteret : auctionē in Gallia P. hic Quin=
tius Narbone se facturum esse proscribit : earū rerum, quæ
ipsius erant priuatæ. Ibi tum uir optimus Sex. Neuius ho=
25 minem multis uerbis deterret ne auctionetur : cum non ita
commode posse eo tempore quæ proscripisset uendere,
Romæ sibi nummorum facultatem esse, quam, si saperet,
communem existimaret, pro fraterna illa necessitudine,
& pro ipsius affinitate : nam P. Quintij consobrinam ha=
30 bet in matrimonio Neuius, & ex ea liberos. Quia quod
uirum bonū facere oportebat, id loquebatur Neuius, cre=
didit

didit Quintius, cum qui orationem bonorum imitaretur:
 facta quoque imitaturum, auctionem uelle facere desisset,
 Romam proficiscitur: decedit ex Gallia Romam simul
 Neuus. cum pecuniam C. Quintius P. Scapulae debuisset:
 per te C. Aquili decedit P. Quintius, quod liberis
 eius dissolueret. Hoc eo per te agebatur, quod propter
 aerariam rationem non satis erat in tabulis inspexisse
 quantum deberetur, nisi a Quaestoribus quaesisset quan-
 tum solueretur: decidis, statuisque tu propter necessitudi-
 nem, quae tibi cum Scapulis est, quid ijs ad denarium sol-
 ueretur. Haec omnia Quintius agebat auctore et con-
 suasore Neuio: nec mirum, si eius utebatur consilio, cu-
 ius auxilium sibi paratum putabat. non modo enim polli-
 citus erat in Gallia, sed Romae quotidie, simulatque sibi
 hic annuisset, numeraturum se dicebat. Quintius porro
 istum posse facere uidebat: debere, intelligebat: mentiri,
 quia causa cur mentiretur non erat, non putabat: quasi
 domi nummos haberet, ita constituit Scapulis se daturum:
 Neuium certiore facit, rogat ut curet quod dixisset.
 Tum iste uir optimus (uereor ne se derideri putet, quod
 iterum iam dico optimus) qui hunc in summas angustias
 adductum putaret, ut cum suis conditionibus in ipso arti-
 culo temporis astringeret, assem sese negat daturum, nisi
 prius de rebus rationibusque societatis omnibus decidisset,
 et scisset sibi cum Quintio controuersiae nihil futurum.
 Posterius inquit ista uidebimus Quintius, nunc hoc ue-
 lim cures (si tibi uidetur) quod dixisti. negat se alia ra-
 tione facturum. quod promississet, non plus sua referre, quam
 si, cum auctionem uenderet, domini iussu quippiam pro-
 misisset. Destitutione illa perculsus Quintius, a Scapulis
 paucos dies aufert, in Galliam mittit, ut ea quae proscripse-
 rat,

5

10

15

20

25

30

- rat, uenirēt. Deteriore tempore absens auctionatur, Sca-
 pulus difficiliore conditione dissoluit: tunc appellat ultro
 Neuium, ut, quoniam suspicaretur aliqua de re fore
 controuerfiam, uideret ut quā primum & quā nūni-
 5 ma cum molestia tota res transigeretur. Dat iste amicum
 M. Trebellium: nos cōmunem necessarium, qui istius do-
 mi erat educatus, & quo utebatur iste plurimum, propin-
 quum nostrum Sex. Alphenum. Res conuenire nullo mo-
 do poterat, propterea, quod hic mediocrem iacturam
 10 facere cupiebat: iste mediocri praeda contentus non erat:
 itaque ex eo tempore res esse in uadimonium cœpit. Cum
 uadimonia sæpe dilata essent, & cum aliquantum tempo-
 ris in ea re esset consumptum, neque quicquam perfectum
 esset: uenit ad uadimoniū Neuius. Obsecro te C. Aquili,
 15 uos'que qui adestis in consilio, ut diligenter attendatis,
 ut singulare genus fraudis, & nouam rationem insidia-
 rum cognoscere possitis. ait se auctionatum esse in Gal-
 lia, quod sibi uideretur, se uendidisse, curasse ne quid sibi
 societas deberet: se iam neque uadari amplius, neque ua-
 20 dimonium promittere. si quid agere secum uelit Quin-
 tius, nō recusare. Hic cum rem Gallicanam cuperet reui-
 sere, hominem in præsentiā non uadatur: ita sine uadimo-
 nio disceditur. deinde Romæ dies x x x. frē Quintius
 cōmoratur, cum cæteris quæ habebat uadimonia differt,
 25 ut expeditus in Galliam proficisci posset. Proficiscitur:
 Roma egreditur ante diem 1 1 1 1. Cal. Februarij, Spu-
 rione & Norbano Consul. queso ut eum diem memoriæ
 mandetis. L. Albius Sext. filius Quirinas, uir bonus &
 cum primis honestus unā profectus est. Cum uenissent ad
 30 Vada Volaterrana quæ nominantur, uident persāmi-
 liarem Neuij, qui ex Gallia pueros uenales isti adduce-
 bat,

bat, L. Publicium: qui ut Romam uenit, narrat Neuio, quo in loco uiderit Quintium. quod nisi ex Publicio narratum Neuio esset, non tam cito res in contentionem uenisset. Tum Neuus ipse pueros circum amicos dimittit, ipse suos necessarios ab atrijs Licinijs & à fau- 5
cibus macelli corrogat, ut ad tabulā Sextiam sibi absint hora secunda postridie: ueniunt frequentes. testificantur isti P. Quintium non stetisse, & se stetisse. Tabulæ maxime signis hominum nobilium consignantur. disceditur. postulat à Burrieno Prætorē Neuus, ut ex edicto bona 10
possidere liceat: iussit bona proscribi eius, qui cum familiaritas fuerat, societas erat, affinitas liberis istius uiuis diuelli nullo modo poterat. qua ex re intelligi facile potuit, nullum esse officium tam sanctum atq; solenne, quod non auaritia cōminuere atq; uiolare soleat. Etenim si ueritate amicitia, fide societas, pietate propinquitās colitur: necesse est, iste qui amicum, socium, affinem, famā ac 15
fortunis spoliare conatus est, uanū se & perfidiosum & impium esse fateatur. Libellos Sex. Alphenus procurator P. Quintij familiaris & propinquus Sex. Neuij deijcit: 20
seruulū unū quem iste præhēderat abducit, denūtiat sese procuratorē esse, istū equū esse famæ fortunisque P. Quintij cōsulere, & aduentū eius expectare. quod si facere nolit, atq; inhibuerit eiusmodi rationibus illum ad suas conditiones perducere: sese nihil precari, & si quid agere 25
uelit, iudicio defendere. Hec dum Romæ geruntur, Quintius interea contra ius & consuetudinem, edicto Prætoris de saltu agroq; communi à seruis communibus ui traditur. Existima C. Aquili id, modo & ratione omnia Romæ Neuium fecisse: si hoc, quod per literas 30
istius in Gallia gestum est, recte atque ordine factum uidet

uidetur. Expulsus atque eiectus è prædio Quintius, accepta insigni iniuria, confugit ad C. Flaccum imperatorem, qui tum erat in prouincia, quoniam, ut ipsius dignitas poscit, honoris gratia nomino. Is eam rem quam uementer uindicandam putarit, ex decretis eius poterit cognoscere. Alphenus interea Romæ cum isto gladiatore uetulo quotidie pugnabat, utebatur populo sanè suo. propterea quòd iste caput petere non desinebat. Iste postulat ut procurator iudiciũ solui satisfaret: negat Alphenus æquum esse, procuratorem satisfacere, quod reus satisfacere non deberet, si ipse adesset. Appellantur Tribuni, à quibus cum esset certum auxilium petatum, ita tamen disceditur, ut Idibus Septembribus P. Quintium fisci Sext. Alphenus promitteret. Venit Roman Quintius, uadium monium fisciit: iste homo acerrimus bonorum possessor, expulsor, creptor, annum et sex menses nihil petit: quiescit: cõditionibus hũc quoad potest producit. à Cn. Dolabella deniq; Prætorè postulat, ut sibi Quintius iudiciũ solui satisfaret, ex formula, quod ab eo petat: quoniã eius ex edicto Prætoris Romani bona dies x x x. possessa sint. Nõ recusabat Quintius quin ita satisfacere iuberet, si bona possessa essent ex edicto. Decernit, quàm æquum, nihil dico: unum hoc dico, nouum: et hoc ipsum tacuisse mallet, quoniam utrunque quibus intelligere potuisset. Iubet P. Quintium sponsonem cum Sext. Neuiò facere, si bona sua ex edicto P. Burrieni Præt. dies x x x. possessa non essent: recusabant qui aderant tum Quintio: demonstrabant de re iudicium fieri oportere, ut aut uterque inter se, aut neuter satisfaceret, non necesse esse fam alterius in iudicium uenire. Clamabat porrò ipse Quintius, sese iccirco nolle satisfacere, ne uideretur iudicasse

casse bona sua ex edicto possessa esse : sponsonem porro
 si istiusmodi faceret, se (id quod nunc euenit) de capite
 suo priore loco causam esse dicturum. Dolabella (quem
 admodum solent homines nobiles, seu recte seu perperam
 facere ceperunt, ita in utroq; excellent, ut nemo nostro
 loco natus assequi posset) iniuriam facere fortissime per-
 scuerat : aut satisfacere, aut sponsonem iubet facere, & in-
 terea recusantes nostros aduocatos acerrime submoue-
 ri. Conturbatus sanè discedit Quintius : neq; mirum, cui
 hæc optio tam misera tamq; iniqua daretur, ut aut ipse se
 capitis damnaret, si satisfecisset : aut causam capitis, si
 sponsonem fecisset, priore loco diceret. Cum in altera re
 causæ nihil esset, quin secus iudicaret ipse de se, quod iu-
 dicium grauißimum est : in altera spes esset ad talem ta-
 men uirum iudicem ueniendi, unde eo plus opis auferret,
 quo minus attulisset gratiæ, sponsonem facere maluit :
 fecit, te iudicem C. Aquili sumpsit, ex sponso egit. In
 hoc summa iudicij causaq; tota consistit. Iudicium esse C.
 Aquili non de re pecuniaria, sed de fama fortunisq; P.
 Quintij uides, cum maiores ita constituerint, ut qui pro
 capite diceret, is posteriore loco diceret, nos inaudita cri-
 minatione accusatorum, priore loco causam dicere intel-
 ligis. Eos porro qui se defendere consueverunt, uides accu-
 sare : & ea ingenia cõuertere ad perniciem, quæ antea uer-
 sabatur in salute atq; auxilio ferendo. Illud etiã restiterat,
 quod hesternò die fecerunt, ut te in ius adducerent, ut no-
 bis tempus quandiu diceremus, præstitueres. Quam rem
 facile à Prætore impetrassent, nisi tu quod esset tuum ius,
 & officium, potestasq; docuisses. Neq; nobis adhuc præ-
 ter te quisquam fuit, ubi nostrum ius contra illos obtine-
 remus : neq; illis unquã satis fuit illud obtinere, quod pro-

bari omnibus posset. Ita sine iniuria potentiā leuem atq;
 inopem esse arbitrantur. Verum quoniā tibi instat Hor-
 tensius, ut eas in consiliū: à me postulat, ne dicendo tem-
 pus absumam: queritur priore patrono causam defenden-
 5 te, nunquam perorari potuisse: non patiar istam manere
 suspicionem, nos rem iudicari nolle. Nec illud mihi arro-
 gabo, me posse causam commodius demonstrare q̃ antea
 demonstrata sit: neq; tanē tam multa uerba faciam, pro-
 pterea quod & ab illo qui tum dixit informata iam cau-
 10 sa est, & à me qui neq; excogitare, neque pronuntiare
 multa possum, breuitas postulatur: quæ mihi met ipsi a-
 micissima est. Faciam quod te sepe animaduerti facere
 Hortensi: totam causæ meæ dictionem certas in partes
 diuidam. tu id semper facis, quia semper potes. ego in
 15 hac causa faciam: propterea quod in hac uideor posse fa-
 cere. quod tibi natura dat, ut semper possis: id mihi cau-
 sa dat ut hodie possim. certos mihi fines terminosq; cō-
 stituam, extra quos egredi non possim, si maxime uelim:
 ut & mihi sit propositum de quo dicam: & Hortensius
 20 habeat exposita, ad quæ respondeat: & tu C. Aquili iam
 ante animo prospicere possis, quibus de rebus auditurus
 sis. Negamus te bona P. Quintij Sexte Neui possedisse
 ex edicto Prætoris. In eo sponsio facta est. Ostēdam pri-
 mum causam non fuisse, cur à Prætore postulares, ut bo-
 25 na P. Quintij possideres: deinde, ex edicto te possidere nō
 potuisse. postremo nō possedisse. Quæso C. Aquili uosq;
 qui estis in consilio: ut quid pollicitus sim, diligenter
 memoriæ mandetis. Etenim rem facilius totam accipietis,
 si hæc memineritis: & me facile uestra existimatione re-
 30 uocabitis: si extra hos cancellos egredi conabor, quos
 mihi ipse circund. li. Nego fuisse causam cur postula-
 ret.

ret. nego ex edicto. possidere potuisse. nego possedisse.
 hæc tria cum docuero, perorabo. Non fuit causa cur
 postulares. qui hoc intelligi potest? quia Sex. Neuius
 neque ex societatis ratione, neque priuatim quicquam de
 buit Quintius. quis huic rei testis est? idem qui acerrimus
 aduersarius. in hac re, te, te inquam testem Neuius citabo.
 annum & eo diutius post mortem C. Quintij fuit in Gala
 lia tecum simul Quintius: doce te petiisse ab eo istam ne
 scio quam innumerabilem pecuniã: doce aliquando men
 tionem fecisse, dixisse deberi: debuisse concedam. mori
 tur C. Quintius: qui tibi, ut ais, certis nominibus grandem
 pecuniã debuit, hæres eius P. Quintius in Galliam ad te
 ipsum uenit, in agrum communem: eò denique, ubi non modo
 res erat: sed ratio quoque omnis, & omnes literæ. quis tam
 dissolutus in re familiari fuisset? quis tam negligens?
 quis tam tui Sexte dissimilis? qui, cum res, ab eo, qui cum
 contraxisset, recessisset, & ad heredem peruenisset: non
 heredem cum primum uidisset, certiore faceret? appela
 ret, rationem afferret? si quid in controuersiam ueni
 ret: aut intra parietes, aut summo iure experiretur? ita
 ne est, quod uiri optimi faciunt, si qui suos propinquos
 ac necessarios charos & honestos esse atque haberi uolunt:
 id Sex. Neuius non faceret? qui usque eò fruetur fer
 turque auaritia, ut de suis commodis nolit aliquam partem
 amittere: ne quam partem huic propinquo suo ullius or
 namenti relinquat. & is pecuniam, si qua deberetur, non
 peteret? qui quia quod debitum nunquam est, id datum
 non est: non pecuniam modo, uerum etiam hominis pro
 pinqui sanguinem uitamque eripere conatur. huic tu mole
 stus esse uidelicet noluisti: quem nunc respirare libere
 non sinis? quem nunc interficere nefarie cupis: eum tum
 b 3 puden

- pudenter appellare nolebas? Ita credo, hominem propinquum, tui obseruantem, uirum bonum, pudentem, maiorem natu, nolebas, aut non audebas appellare. Sape, ut fit, cum ipse te confirmasses, cum statuisses de pecunia
- 5 mentionem facere, cum paratus meditatusq; uenisses, homo timidus, uirginali uerecundia, subito ipse te retinebas: excidebat repente oratio: cum cuperes appellare, non audebas, ne inuitus audiret: id erat profecto. credamus hoc, Sext. Neuium, cuius caput oppugnet, eius auri
- 10 bus pepercisse. Si debuisset Sexte, petisses, sed petisses statim: si nō statim, paulo quidē post: si nō paulo, at aliquādo: sex quidē mensibus profecto: anno uertente sine controuersia: anno et sex mensibus uero, cum tibi quotidie potestas hominis fuisset admonēdi, uerbū nullū facis: biennio iam cōfecto ferē
- 15 appellas: quis tam perditus ac profusus nepos, non adesa iam, sed abundanti pecunia sic dissolutus fuisset, ut fuit Sex. Neuius? cum hominem nomino, satus mihi uideor dicere. Debuit tibi C. Quintius, nunquam petisti. mortuus est ille, res ad heredem uenit: cum eum quotidie uideres, post biennium denique
- 20 appellas. dubitabitur utrum sit probabilius, Sex. Neuiū statim si quid deberetur, petiturum fuisse: an ne appellaturum quidem biennio? Appellandi tempus non erat? at tecum anno plus uixit. In Gallia agi non potuit?
- 25 at et in prouincia ius dicebatur, et Romae iudicia fiebant. Restat, ut aut summa negligentia tibi obstiterit, aut unica liberalitas. Si negligentiam dices, mirabimur: si bonitatem, ridebimus: neque præterea quid possis dicere inuenio. Satis est argamenti nihil esse debitum Neuiō, quod tam diu nihil petiuit. Quid si hoc ipsum quod
- 30 nūc facit, ostēdo testimonio esse, nihil deberi? quid enim nunc

nunc agit Sext. Neuius? qua de re controuersia est?
 quod est hoc iudicium, in quo iam biennium uersamur?
 quid negotij geritur, in quo ille tot & tales uiros defati-
 gat? pecuniam petit. nunc denique? ueruntamen pe-
 tit. audiamus. De rationibus & controuersijs societatis
 uult dijudicari: sero. Verum aliquando tamen. conceda-
 mus. Non, inquit, id ago C. Aquili, neq; in eo nunc labo-
 ro: pecunia mea tot annos utitur P. Quintius: utatur sa-
 ne, non peto. Quid igitur pugnas? an, quod saepe multis
 in locis dixisti, ne in ciuitate sit? ne locū suum quem ad-
 huc honestissime defendit, obtineat? ne numeretur inter
 uiuos? decernat de uita & ornamentis suis omnibus? a-
 pud iudicē causam priore loco dicat? & eam cū orarit,
 tum denique uocem accusatoris audiat? quid? hoc quò
 pertinet? ut ocyus ad tuū peruenias? at, si id uelles, iā pri-
 dem actum esse poterat. ut honestiore iudicio conflicte-
 re? at sine summo scelere P. Quintium propinquum
 tuum iugulare non potes. ut facilius iudicium sit? at ne-
 que C. Aquilius de capi te alterius libenter iudicat: &
 Q. Hortensius contra caput uon didicit dicere. Quid
 à nobis autem C. Aquili refertur? pecuniam petit: nega-
 mus deberi. iudicium fiat statim: non recusamus. num
 quid præterea? si ueretur, ut res iudicio factio parata sit,
 iudicatum solui satis accipiat. quibus à me uerbis satis
 accipiet, iisdem ipse quod peto, satisfacet: actum iam po-
 test esse C. Aquili, iam tu potes discedere liberatus mo-
 lestia propè dicam non minore, quàm Quintius. Quid
 agimus Hortensi? quid de hac conditione dicimus? pos-
 sumus aliquando depositis armis, sine periculo fortuna-
 rum, de re pecuniaria disceptare? possumus ita rem
 nostram persequi, ut hominis propinqui caput in-

colume esse patiamur? possumus petitoris personam capere, accusatoris deponere? imò inquit abs te satis accipiam, ego autem tibi non satisfabo. Quis tandem nobis ista iura tam æqua describit? quis hoc statuit, quod æquum sit in Quintium, id iniquum esse in Nevium? Quintij bona, inquit, ex edicto prætoris possessa sunt. Ergo id ut confitear, postulas ut quod nunquam factum esse iudicio defendimus, id perinde quasi factum sit nostro iudicio confirmemus. Inueniri ratio C. Aquili nō potest, ut ad suum quisque quamprimum sine cuiusquam decore, infamia, perniciēq; perueniat? profecto siquid deberetur, peteret: non omnia iudicia fieri mallet, quàm unum illud unde hæc omnia iudicia nascuntur. Qui inter tot annos ne appellarit quidem Quintium, cum potestas esset agendi quotidie: qui quo tempore primum male agere cœpit, in uadimonijs differendis tempus onne consumpsit: qui postea quoq; uadimoniū missum fecerit, hunc per insidias ui de agro communi deiecerit: qui cū de re agendi nullo recusante potestas fuisset, sponsionem de probro facere maluerit: qui cum reuocetur ad id iudicium unde hæc nata sunt omnia, conditionem æquisimā repudiet, fateatur se nō pecuniam, sed uitam et sanguinem petere: is non hoc palam dicit? mihi siquid deberetur, peterem: atq; adeo iam pridem abstulissem: nihil hoc tanto negotio, nihil tam inuidioso iudicio, nihil tam copiosa aduocatione uterer: si petendum esset. extorquēdum est inuito atq; ingratum: quod non debet, eripiendum atq; exprimendū est: de fortunis omnibus P. Quintius deturbandus est: potentes, diserti, nobiles omnes aduocandi sunt: adhibenda uis est ueritati: minæ iactentur, pericula intendantur: formidines opponantur: ut his rebus

rebus aliquando uictus & perterritus ipse cedat. quæ me
 hercule omnia, cum qui cōtra pugnent, uideo: & cum il-
 lum confessum confidero: adesse atq; impendere uidetur,
 neq; uitari ullo modo posse. cum autem ad te C. Aquili
 oculos animumq; retuli: quo maiore conatu studioq; agū
 tur, eo leuiora infirmioraq; existimo. Nihil igitur debuit:
 ut tu ipse prædicas. quid si debuisset? continuo ne causa
 fuisset, cur à prætore postulares, ut bona possideres? non
 opinor id quidem, neque ius esse: neque cuipiam expedi-
 re. quid igitur demonstrat? uadimonium sibi ait esse de-
 fertum. Antequam doceo id factum non esse: libet mihi
 C. Aquili ex officij ratione, atque ex omnium consuetu-
 dine rem ipsam & factum simul Sex. Neuij considera-
 re. Ad uadimonium non uenerat ut ais, is, qui cum tibi
 affinitas, societas, omnes deniq; causæ, & necessitudines
 ueteres intercedebant. illico ne ad Prætorem ire conue-
 nit? continuo ne uerum fuit postulare, ut ex edicto bona
 possidere liceret? ad hæc extrema & inimicissima iura
 tam cupide decurrebas, ut tibi nihil in posterum, quod
 grauius atq; crudelius facere posses, reseruares? Nā quid
 homini potest turpius, quid uerò miserius, aut acerbius
 usu uenire? quod tantum euenire dedecus, quæ tanta ca-
 lamitas inueniri potest? pecuniam si cuipiam fortuna ad-
 emit: aut si alicuius eripuit iniuria: tamen dum existima-
 tio est integra, facile consolatur honestas egestatem. at nō
 nemo aut ignominia affectus, aut iudicio turpi conuictus,
 bonis quidem suis utitur: alterius opes, id quod miserrim-
 um est, non expectat: hoc tamen in miserijs adiumento
 & solatio subleuatur. cuius uero bona uenierunt: cuius
 non modo illæ amplissimæ fortunæ, sed etiam uictus uesti-
 tusque necessarius sub præcone cum dedecore subiectus
 est:

- est: is nō modo ex numero uiuorum exturbatur: sed, si fieri potest, infra etiam mortuos mandatur. Etenim mors honesta sepe uitam quoq; turpem exornat: uita turpis ne morti quidem honeste locū relinquit. Ergo Hercule cum
- 5 ius bona ex edicto possidentur: huius omnis fama, & existimatio cum bonis simul possidetur. de quo libelli in celeberrimis locis proponuntur, huic ne perire quidem certe tacite obscureque conceditur, cui magistri fiunt, & domini constituuntur, qui qua lege, & qua conditione
- 10 pereat, pronuntient, de quo homine præconis uox prædicat, & pretium conficit: huic acerbissimum uiuo uidentiq; funus ducitur: si funus id habendum sit, quo nō amici conueniunt ad exequias cohonestandas, sed bonorum emptores, ut carnifices, ad reliquias uitæ lacerandas, & distrahendas. Itaq; maiores nostri raro id accidere uoluerunt: Prætores, ut considerate fieret, comparauerunt: uiri boni cum palam fraudantur, cum experiundi potestas nō est, timide tamen & pedetentim istuc descendūt, ui ac necessitate coacti, inuiti, multis uadimonijis desertis, sepe illi
- 20 lusi ac destituti: considerant enim quid & quantum sit, alterius bona proscribere. iugulare ciuem ne iure quidem quisquam bonus uult. mauult enim commemorare se, cum posset perdere, pepercisse, quàm cum parcere potuerit, perdidisse. hæc in homines alienissimos, deniq; ininiciissimos, uiri boni faciunt, & hominū existimationis, & communis humanitatis causa: ut cum ipsi nihil alteri scientes incommodarint, nihil ipsis iure incommodi cadere possit. Ad uadimonium non uenit. quis? propinquus. si res ista grauissima sua sponte uideretur, tamen eius atrocitas necessitudinis nomine leuaretur. Ad uadimonium non
- 30 uenit. quis? socius. etiam grauius aliquid ei deberes concedere,

cedere, qui cum te aut uoluntas congregasset, aut fortuna
na coniunxisset. Ad uadimonium non uenit. quis? is qui
tibi præsto semper fuit. Ergo in eum qui semel hoc com-
misit, ut tibi præsto non esset, omnia tela coniecisti, quæ
parata sunt in eos, qui permulta male agendi causa frau- 5
dandi; fecerunt. Si de prædijs tuis ageretur Sex. Neui, si
in paruula re captionis aliquid uerere, non statim ad
C. Aquilium, aut ad eorum aliquem, qui consuluntur,
concurrisses? cum ius amicitie, societatis, affinitatis age-
retur: cum officij rationem atq; existimationis duci con- 10
ueniret, eo tempore tu non modo ad C. Aquilium, aut
L. Lucillum, sed ne ipse quidem te consuluiſti, sed ne ipse
quidem ad te retulisti, ne hæc quidem tecum locutus es,
horæ duæ fuerunt: Quintius ad uadimonium non uenit;
quid ago? si mehercule hæc tecum duo uerba fecisses, 15
Quid ago? respirasset cupiditas, atq; auaritia paululum:
aliquid loci rationi et consilio dedisses, tu te collegisses,
non in eam turpitudinem uenisses, ut hoc tibi esset apud
tales uiros confitendum, quæ tibi uadimonium non sit
obitum, eadem te hora consilium cepisse, hominis propin- 20
qui fortunas funditus euertere. Ego pro te nunc hoc con-
sulo post tempus in aliena re, quod tu in tua re, cum tem-
pus erat, consulere oblitus es. Quæro abs te C. Aquili, L.
Luculle, P. Quintili, M. Marcelle, uadimonium mihi non
obiit quidam socius et affinis meus, qui cum mihi neces- 25
sitas uetus, controuersia de re pecuniaria recens in-
tercedit: postulo ne à Prætoribus, ut eius bona mihi pos-
sidere liceat? an cum Romæ domus eius, uxor, liberi
sint, domum potius denunticem? quid est quod hac tan-
dem de re uobis possit uideri? profecto si recte uestram
bonitatem atq; prudentiam cognoui, non multum me fū- 30
lit,

- lit, si consulamini, quid sitis responsuri. primum expectare, deinde si latitare, ac diutius ludificare uideatur, amicos conuenire, querere quis procurator sit: domum denuntiare. dici uix potest quam multa sint, quæ respons
- deatis ante fieri oportere, quam ad hanc rationem extremam necessariam deuenire. Quid ad hæc Neuus? ridet scilicet nostram amentiam, qui in uita sua rationem summi officij desideremus, & instituta bonorum uirorum requiramus. quid tibi inquit cum ista summa sanctimonia,
- ac diligentia? uiderint inquit ista officia uiri boni. de me autē ista considerent, nō quid habeā, sed quibus rebus inuenerim querant: & quemadmodū natus: & quo pacto educatus sim. memini, uetus est de scurra, multo facilius diuitem quā patremfamilias fieri posse. hæc ille si uerbis non audet: re quidem uera palam loquitur. Etenim si uult uirorum bonorum instituto uiuere, multa oportet discat, atq; dediscat: quorum illi ætati utrumque difficile est. non dubitauit, inquit, cum uadimonium desertum esset, bona proscribere. improbe. uerum, quoniam tu id tibi ar
- rogas, & concedi postulas: concedamus. quid si nunquam deseruit? si ista causa abs te tota per summam fraudem & malitiam ficta est, si uadimonium omnino tibi cum P. Quintio nullum fuit, quo te nomine appellemus? improbum? at etiam si desertum uadimonium esset: tamen
- in ista postulatione & proscriptione bonorum improbisimus reperiēbare. num malitiosum? negas. fraudulentum? iam id quidem arrogas tibi: & præclarum putas. audacem, cupidum, perfidiosum? uulgaria & obsoleta sunt: res autem noua & inaudita. quid ergo est? uereor mehercule, ne aut grauioribus utar uerbis, quā natura fert; aut leuioribus, quā causa postulat. ais esse uadim

uadimonium desertum. quæsiuit à te statim, ut Romam
 redijt Quintius: quo die uadimonium istuc factum esse
 diceres. respōdisti statim, nonis Februarij. discedens in me-
 moriā redijt Quintius, quo die Roma in Galliam profec-
 ctus sit: ad ephemeridem reuertitur: inuenitur dies pro-
 fectiois, pridie Calend. Februarij. nonis Februarij si Ro-
 mæ fuit: causæ nihil dicimus, quin tibi uadimonium pro-
 miserit. quid? hoc inueniri quî potest? profectus est
 unâ L. Albius homo cum primis honestus. dicet testimo-
 nium. prosecuti sunt familiares et Albius et Quin-
 tium. dicent hi quoq; testimonium, literæ P. Quintij: te-
 stes tot: quibus omnibus causa iustissima est, cur scire po-
 tuerint: nulla, cur mentiantur: cum à stipulatore tuo com-
 parabuntur. et in hac cuiusmodi causa P. Quintius labo-
 rabit? et diutius in tanto metu miser periculoq; uersabi-
 tur? et uehementius eum gratia aduersarij perterrebit,
 quàm fides iudicis consolabitur? Vixit enim semper in-
 cultè atq; horride: natura tristi ac recondita fuit: non
 ad solarium, non in campo, non in conuiujs uersatus est:
 id egit, ut amicos obseruantia, rem parsimonia retineret:
 antiquam officij rationem dilexit: cuius splendor omnis
 his moribus obsoleuit. At si in causa pari discedere infe-
 rior uideretur: tamē esset non mediocriter cōquerendum.
 nūc in causa superiore: ne ut par quidem sit, postulat: in-
 feriolem esse patitur: duntaxat usq; eò, ne cum bonis, fa-
 ma, fortunisq; omnibus sex. Neuij cupiditati crudelita-
 tiq; dedatur. Docui quod primum pollicitus sum C. Aquil-
 li, causam omnino cur postularct, non fuisse: quod neque
 pecunia debebatur: et si maxime deberetur, commissum
 nihil esse, quare ad istam rationem perueniretur. Attēde
 nunc, ex edicto Prætoris, bona P. Quintij possidere nul-
 lo mo

lo modo potuisse. *Tracta edictum. QVI FRAVDATIONIS CAUSA. Non est is Quintius, nisi latitavit, qui ad negotium suum relicto procuratore proficiscitur. CUI HAERES NON EXTABIT. Ne is quidem. QVI EXILII CAUSA SOLVM VERTERIT.*

Quo tempore existimas oportuisse Neui absentem Quintium defendi? aut quomodo? tum, cum postulabas, ut bona possideres, nemo adfuit. neque enim quisquam diuinare poterat, te postulaturum. neque quemquam attinebat id recusare, quod *Prætor* non fieri, sed ex edicto suo fieri iubebat. qui locus igitur absentis defendendi procuratori primus datus est? cum proscribebas, ergo affuit: non passus est: libellos deiecit *Sex. Alphenus*. qui primus erat officij gradus, seruatus est à procuratore summa cum diligentia. Videamus quæ deinde sint consecuta. hominem *P. Quintij* deprehendis in publico: conaris abducere, non patitur *Alphenus*: uè tibi ademit: curat ut domum reducatur ad Quintium. hic quoque summe constat procuratoris diligentis officium. Debere tibi dicis Quintium: procurator negat. uadari uis: promittit. in ius uocas: sequitur. iudicium postulas: non recusat. quid aliud sit absentem defendi: ego non intelligo. At quis erat procurator? credo aliquem eiectum hominem, egentem, litigiosum, improbum: qui posset scurræ diuitis quotidianum conuicium sustinere. nihil minus. *Eques Roma.* locuples, sui negotij bene gerens, denique is, quem quoties *Neuius* in Galliam profectus est, procuratorem Romæ reliquit: et audes *Sex. Neui* negare absentem defensum esse Quintium, cum eum defend

fenderit idem, qui te solebat: & cum is iudicium acciperet pro Quintio, cui tu & rem & famam tuam commendare proficiscens, & concedere solebas: conaris hoc dicere, neminem extitisse qui Quintium iudicio defenderet. postulabam inquit ut satisfaceret. iniuria postulas, ita uidebare: recusabat Alphenus. ita: uerum Prætor decernebat. tribuni igitur appellabantur. hic te inquit teneo: non est istud pati: neque iudicio defendere: cum auxilium à Tribunis petas. Hoc ego, cum attendo qua prudentia sit Hortensius, dicturum esse cum non arbitror: cum autem antea dixisse audio, & causam ipsam confidero: quid aliud dicere possit, non reperio. fatetur enim libellos Alphenum deiecisse, uadimonium promississe: iudicium quin acciperet in ea ipsa uerba, quæ Neuius edebat, non recusasse: ita tamen more & instituto per eum magistratum, qui auxilij causa constitutus est. Aut hæc facta non sint, necesse est: aut C. Aquilius talis uir iuratus hoc ius in ciuitate constituat, cuius procurator non omnia iudicia acceperit, quæ quisque in uerba postularit, cuius procurator à Prætoribus ad Tribunos appellare ausus sit, cum non defendi, eius bona recte possideri posse: ei misero, absenti, ignaro fortunarum suarum, omnia uitæ ornamenta per summum dedecus, & ignominiam diripi conuenire. quod si probari nemini potest, illud certe probari omnibus necesse est, defensum esse iudicio absentem Quintium. Quod cum ita est: ex edicto bona possessa non sunt. At enim Tr. pl. ne audierunt quidem. fateor, si ita est, procuratorem decreto Pr. Rom. oportuisse parere. quid si M. Brutus intercessurum se dixit palam: nisi quid inter ipsum Alphenum & Neuium conueniret: uidetur ne intercessisse appellatio Tribuno

- bunorum : non moræ sed auxilij causa ? quid deinde fit ?
 Alphenus, ut omnes intelligere possent, iudicio defendi
 Quintium : ne qua subesse posset aliena aut ipsius officio,
 aut huius existimatione suspicio, uiros bonos complures
 5 res aduocat: testatur isto audiente, se pro communi necessitudine id primum petere, nequid atrocius in P. Quintium absentem sine causa facere conetur. sin autem inimicissime atq; infestissime contendere perseveret: se paratum esse omni recta atque honesta ratione defendere,
 10 quod petat, non deberi se iudicio, id quod edat, accipere, eius rei conditionisq; tabellas obsignauerunt uiri boni complures. res in dubiū uenire nō potest. fit rebus omnibus integris, neque proscriptis, neque possessis bonis, ut Alphenus promittat Neuio sisti Quintium. uenit ad uadimonium Quintius. iacet res in controuersijs isto calumniante biennium, usq; dum inueniretur, quæ ratio ne res ab usitata consuetudine recederet, et in hoc singulare iudicium causa omnis concluderetur. Quod officium Aquili cōmemorari procuratoris potest, quod ab Alphen
 20 o præteritū esse uideatur? quid assertur, quare P. Quintius absens negatur esse defensus? an uero id quod Hortensium, quia nuper iniecit, & quia Neuus semper id clamitat, dicturum arbitror, non fuisse Neuio parem certationem cum Alphen, illo tempore, illis dominantibus?
 25 quod si uelim confiteri: illud opinor concedent: non procuratorem P. Quintij neminem fuisse: sed gratiosum fuisse. mihi autem ad uincendum satis est, fuisse procuratorem, qui cum experiri posset qualis is fuerit: si modo absentem defendebat per ius & magistratum, nihil ad rem arbitror pertinere. Erat inquit illarum partium. quid nē?
 30 qui apud te esset educatus, quem tu à puero sic instituis,

isses, ut nobili ne gladiatori quidē haberet: sicut tu sem-
 per summe concupisti. idem uolebat Alphenus ea re tibi
 cum eo par contentio erat. Bruti, inquit, erat familia-
 ris. itaque is intercedebat, tu contra Burrieni, qui iniu-
 riam decernebat, omnium deniq; illorum, qui tum & po-
 terant per uim & scelus plurimum: & quod poterant
 id audebāt. an omnes tu istos uincere uolebas: qui nūc tu
 ut uincas, tantopere laborant? aude id dicere, non pa-
 lam, sed his ipsis quos aduocasti. tamen si nolo eam rem
 commemorando renouare: cuius omnino rei memoriam
 omnem tolli funditus ac deleri arbitror oportere. unum
 illud dico: si propter partium studium potens erat Al-
 phenus: potentissimus Neuus. si fretus gratia postula-
 bat aliquid iniquius Alphenus: multo iniquiora Neuus
 impetrabat. neq; enim inter studium uestrum, quicquam,
 ut opinor, interfuit. ingenio, uetustate, artificio, tu faci-
 le uicisti. ut alia omittam: hoc satis est. Alphenus cum
 his, et propter eos perijt, quos diligebat. tu postquā, qui
 tibi erant amici, non poterant uincere: ut amici tibi es-
 sent, qui uincebant, effecisti. quod si tum par tibi ius cū
 Alphenō fuisse non putas: quia tamen aliquē cōtra te ad-
 uocare poterat: quia magistratus aliquis reperiebatur,
 apud quem Alpheni causa consisteret: quid hoc tem-
 pore Quintio statuendum est? cui neque magistratus
 adhuc æquus inuentus est: neq; iudicium redditum est usi-
 tatam: non conditio, non sponsio, non deniq; ulla unquā
 intercessit postulatio, mitto æqua: uerum ante hoc tem-
 pus, ne fando quidem audita. De re pecuniaria cupio ce-
 tendere. non licet. At ea controuersia est. nihil ad me at-
 tinet: causam capitis dicas oportet. accusa: ubi ita ne-
 cesse est. non inquit, nisi tu ante nouo modo priore loco
 c dixer

- dixeris, dicendum necessario est. restituendæ horæ ad arbitrium nostrum. Iudex ipse arceffetur. Quid tum? tu aliquem patronum inuenies hominem antiqui officij, qui splendorem nostrum et gratiam negligat? Pro me pugnabit L. Philippus, eloquentia, grauitate, honore, florentissimus ciuitatis: dicet Hortensius excellens ingenio, nobilitate, existimatione: aderunt autem homines nobilissimi, ac potentissimi: quorum frequentiam et cōfessum non modo P. Quintius qui de capite decernit: 10 sed quiuis, qui extra periculum sit, perhorrescat. Hæc est iniqua certatio: non illa qua tu contra Alphenum equitabas. huic n. ubi consisteret quidem contra te locum reliquisti. Quare aut doceas oportet, Alphenum negasse se procuratorem esse, non deiecisse libellos, iudicium accipere noluisse: aut, cum hæc facta sint, ex edicto te bona P. Quintij non possedisse concedas. Etenim si ex edicto possedisti: quæro cur bona non uenerint? cur cæteri sponsores et creditores non conuenerint? nemo ne fuit cui deberet Quintius? fuerunt: et 20 complures fuerunt: propterea quod C. frater aliquantum æris alieni reliquerat. quid ergo est? homines erant ab hoc omnes alienissimi: et his debebatur: neq; tamen quisquam inuentus est tam insignite improbus, qui uiolare P. Quintij existimationem absentis auderet. unus fuit, 25 affinis, socius, necessarius, Sext. Neuius: qui, cum ipse ultro deberet, quasi eximio præmio sceleris exposito, cupidissime contenderet, ut per se afflictum atq; euersum propinquum suum non modo honeste partis bonis, uerum etiam communi luce priuaret. Vbi erant cæteri creditores? deniq; hoc tempore ubi sunt? quis est qui fraudationis causa latuisse dicat? quis qui absentem defensum neget esse

get esse Quintium? nemo inuenitur. at contra omnes,
 quibus cum ratio huic aut est, aut fuit, assunt, defendunt,
 fides huius multis locis cognita, ne perfidia Sex. Neuij de
 rogetur, laborant. In huiusmodi sponfionem, testes das
 re oportebat, ex eo numero, qui hæc dicerent, uadimo=
 niū mihi deservit: me fraudauit: à me nominis eius, quod
 inficiatus esset, diem petiuit: ego experiri non potui, la
 titauit: procuratorem nullum reliquit. horum nihil dici=
 tur: parantur testes, qui hæc dicant. uerum opinor uide=
 rimus, cum dixerint. unum tamen hoc cogitent, ita se gra
 ues esse, ut si ueritatem uolent retinere, grauitatem pos=
 sint obtinere. si eam negligēt: ita leues sint, ut omnes in=
 telligant, non ad obtinendum mendacium, sed ad uerum
 probandum, auctoritatem adiuuare. Ego hæc duo quæ=
 ro: primum qua ratione Neuius susceptum negotium
 non transegerit: hoc est, cur bona, quæ ex edicto pos=
 sidebat, non uendiderit. deinde cur ex tot creditoribus
 alijs ad istam rationem nemo accesserit: ut necessario
 cōfiteare, neque eorum tam temerarium quenquam fuisse,
 neque te ipsum id quod turpissime suscepisses, perse=
 uerare & transigere potuisse. Quid si tu ipse Sex. Ne=
 ui statuisti bona P. Quintij ex edicto possessa non esse,
 opinor tuum testimonium, quod in aliena re leue esset,
 id in tua, quoniam contra te est, grauißimum debet
 esse. Emisti bona Sex. Alpheni L. Sylla Dictatore uen=
 dente, socium tibi in huius bonis edidisti Quintium. plu=
 ra non dico. cum eo tu uoluntariam societatem coibas,
 qui te in hæreditaria societate fraudarat: & cum iudicio
 tuo comprobabas, quem spoliatum fama fortunisque omni=
 bus arbitrare. Diffidebā mehercule C. Aquili satis ani=
 mo certo & confirmato me posse in hac causa consistere.

- re. sic cogitabam: cum contra dicturus esset Hortensius: & cum esset attente auditurus Philippus: fore, ut per multis in rebus timore prolaberer. dicebam huic Q. Roscio, cuius soror est cū P. Quintio: cum à me peteret, & summe contenderet, ut propinquum suum defenderem: mihi perdifficile esse contra tales oratores non modo tantam causam perorare, sed omnino uerbum facere conari. cum cupidius instaret: homini pro amicitia familiarius dixi, mihi uideri ore durissimo esse, qui præsente eo gestum agere conaretur, qui uero cum ipso contenderent: eos etiam siquid antea recti aut uenusti habere uisi sunt, id amittere. nequid mihi huiusmodi accideret: cum contra talem artificem dicturus essem: me uereri. tum mihi Roscius & alia multa confirmandi mei causa dixit: & mehercule si nihil diceret, tacito ipso officio, & studio, quod habebat erga propinquum suum, quemuis commoueret. Etenim cum artifex eiusmodi sit, ut solus dignus uideatur esse, qui in scena spectetur: tum uir eiusmodi est, ut solus dignus uideatur, qui eò non accedat. Veruntamen, quid si, inquit, habes eiusmodi causam ut hoc tibi planum sit faciendum: neminem esse, qui possit biduo, ad summum triduo, septingenta millia passuum ambulare? tamen ne uereris ut possis hæc cōtra Hortensium cōtendere? minime inquam. sed quid id ad rem?
- 25 nimirum, inquit, in eo causa consistit. quomodo? docet me eiusmodi rem & factū simul Sex. Neuij: quod si solum proferretur satis esse deberet. Quod, abs te C. Aquili, & à uobis qui adestis in consilio, quaeso, ut diligenter attendatis: profecto intelligetis, illinc ab initio cupiditatem pugnasse, & audaciam: hinc ueritatem, & pudorē,
- 30 quoad potuerit, restitisse. Bona postulat, ut ex edicto possid

posidere liceat, quo die te ipsum Neui uolo audire: uolo
inauditum facinus, ipsius, qui id cōmisit, uoce conuinci.
dic Neui diem. ante v. Calend. intercalares. bene agis.
quā longē est hinc in saltum uestrum Gallicanum? Ne-
ui te rogo. D C C. millia passuum. optime. de saltu deijci-
tur Quintius, quo die? possumus hoc quoq; ex te audire?
quid taces? dic inquam diem. pudet dicere. intelligo, ue-
rum, & sero, & nequicquam pudet. Deijcitur de saltu
C. Aquili pridie Calend. intercalares. biduo post, aut, ut
statim de iure aliquis concurrerit: non toto triduo D C C.
millia passuum conficiuntur. O rem incredibilem: O cu-
piditatem inconsideratam: O nuntium uolucrum. admi-
nistri & satellites Sex. Neuij Roma trans alpes in Sebu-
sianos biduo ueniūt. O hominem fortunatum, qui eiusmodi
nuntios seu potius Pegafos habeat. hic ego si Crassi om-
nes cum Antonijs existant, si tu L. Philippe, qui inter
illos florebas, hanc causam uoles cum Hortensio dicere:
tamen superior sim necesse est. Non enim, quemadmodum
putatis, omnia sunt in eloquentia. est quaedam tamen ita
perspicua ueritas, ut eam infirmare nulla res possit: an
antequā postulasti, ut bona possideres: misisti, qui cura-
rent, ut dominus de suo fundo à sua familia ui deijcere-
tur: utrumlibet elige. alterum incredibile est: alterū ne-
farium, & ante hoc tempus utrunque inauditum. Septin-
genta millia passuum uis esse decursa biduo? dic negas?
ante igitur misisti. malo. Si enim illud diceres: improbe
mentiri uiderere. cum hoc confiteris: id te admississe con-
cedis: quod ne mendacio quidem tegere possis. Hoc
consilium Aquilio & talibus uiris tam cupidum, tam
audax, tam temerarium probabitur? quid hæc amen-
tia? quid hæc festinatio? quid hæc immaturitas tan-

- ta significat? non uim? non scelus? non latrocinium? nō
deniq; omnia potius quā ius, quā officium, quā pu-
dorem? mittis iniussu Prætoris. quo consilio? iussurum
sciebas? quid? cū iussisset, tum mittere non ne poteras? po-
5 stulaturus eras. quando? post dies x x x. nempe si te
non impediret, si uoluntas eadem maneret, si ualeres: de-
nique si uiueres. Prætor iussisset. opinor si uellet, si uale-
ret, si ius diceret, si nemo recusaret, qui ex ipsius decreto
et satisfaret, et iudicium accipere uellet. Nam per deos
10 immortales, si Alphenus procurator P. Quintij tibi tum
satisfaret, et iudicium accipere uellet: deniq; omnia quæ
postulares, facere uoluisset, quid ageres? reuocares cum
quem in Galliam miseris? At hic quidem iam de fundo
expulsus: iam à suis dijs penatibus præceps eiectus, iam,
15 quod indignissimum est, suorum seruorum manibus nun-
tio atq; imperio tuo uiolatus esset, corrigeres hæc scilicet
tu postea. De cuiusquam uita dicere audes, qui hoc con-
cedas necesse est, ita te cæcum cupiditate et auaritia fuisse,
ut cum postea quid futurum esset, ignorares: accidere
20 autem multa possent, spem maleficij præsentis in incerto
reliqui temporis euentu collocares. Atq; hæc perinde lo-
quor, quasi ipso illo tempore, cum te Prætor iussisset ex
edicto possidere, si in possessionem misisses, debueris aut
potueris P. Quintium de possessione deturbare. Omnia
25 sunt C. Aquili eiusmodi: quiuis ut perspicere possit, in
hac causa improbitatem, et gratiam, cum inopia, et
ueritate contendere. Prætor te quemadmodum possidere
iussit? opinor ex edicto. sponso quæ in uerba facta est?
si ex edicto Pr. bona P. Quintij possessa non sunt? re-
30 deamus ad edictum. Id quidem quemadmodum iubet
possidere? num quid est causæ C. Aquili? quin si longe
aliter

aliter possedit, quàm Prætor edixit, iste ex edicto non
 possederit, ego sponſione uicerim: nil opinor. cogno=
 ſcamus edictū, QVI EX EDICTO MEO IN
 POSSESSIONEM VENERIT. De te loqui=
 tur Neui, quemadmodum tu putas: ais enim te ex edicto 5
 uenisse: tibi quid facias, definit: te instituit, tibi præcepta
 dat, EOS ITA VIDETVR IN POSSES=
 SIONE ESSE OPORTERE. Quomodo?
 QVOD IBIDEM RECTE CVSTODIRE
 POTERVNT, ID IBIDEM CVSTODIANT. 10
 QVOD NON POTERVNT, ID AVFER=
 RE ET ABDVCERE LICEBIT. Quid tum?
 DOMINVM (inquit) INVITVM DETRV=
 DERE NON PLACET. cum ipsum, qui frau=
 dandi causa latitet: cum ipsum, quem iudicio nemo defen=
 dat: cum ipsum, qui cum omnibus creditoribus suis male 15
 agat, inuitum de prædio detrudi uetat. proficiſcenti tibi
 in possessionē Prætor ipse Sex. Neui palàm dicit, ita pos=
 sideto, ut tecum simul possideat Quintius: ita possideto,
 ut Quintio ius non auferatur. Quid? tu id quemadmo=
 dum obseruas? mitto illud dicere, cum qui non latitarit, 20
 cui Romæ domus, uxor, liberi, procurator eſſet: cum, qui
 tibi uadimonium non deſeruisset: hæc omina mitto: illud
 dico, dominum expulsum eſſe de prædio: domino à fami=
 lia ſua manus allatas eſſe ante ſuos lares familiares. 25
 hoc dico.

Neuium ne appellasse quidem Quintium, cum simul eſ=
 ſet: experiri poſſet quotidie. Deinde quod omnia iudi=
 cia diſſicilima, cum ſumma ſua inuidia, maximo que 30
 peric

periculo P. Quintij fieri mallet, quàm illud pecuniarium iudicium, quod uno die transigi posset: ex quo uno hæc omnia nata, & profecta esse concedit. Quo in loco conditionem tuli, si uellet pecuniam petere: P. Quintium iudicatum solui satisfidaturum: dum ipse, si quid peteret, pari conditione uteretur. Ostendi quàm multa ante fieri cōuenerit, quàm hominis propinqui bona possideri postularentur: præsertim cum Romæ domus eius, uxor, liberi essent, & procurator æque utriusque necessarius. Docui cum desertum esse dicat uadimonium, omnino uadimonium nullum fuisse: quo die hunc sibi promississe dicat, eo die ne Romæ quidem eum fuisse. id testibus me pollicitus sum planum facturum, qui & scire deberent, & causam, cur mentirentur, non haberent. ex edicto autem non potuisse bona possideri, demonstravi: quod neque fraudandi causa latitasset: neque exilij causa solum uertisse diceretur. Reliquum est, ut eum nemo iudicio defenderit: quod cōtrà copiosissime defensum esse contendi, non ab homine alieno, neque ab aliquo calumniatore atque improbo, sed ab Equite Romæ. propinquo & necessario suo: quem ipse Sex. Neuius procuratorem relinquere antea consueffet: neque cum si Tribunos appellarit, idcirco minus iudicio pati paratū fuisse. neque potentia procuratoris Neuius ius creptū: contra istum potentia sua tum tantummodo superiorum fuisse: nūc nobis uix respirandi potestatem dare. Quæsiui quæ causa fuisset, cur bona non uenissent: cū ex edicto possiderentur. Deinde illud quoque requisui, quæ ratione ex toto creditoribus nemo neque tū idē fecerit: neque nunc contradicat: omnesque pro P. Quintio pugnet: præsertim cū in tali iudicio testimonia creditorum existimentur ad rem maxime pertinere. Postea sum usus aduer

aduersarij testimonio: qui sibi cum nuper edidit soc'um:
 quem quomodo nunc intendit, ne in uiuorum quidem nu-
 mero tum demonstrat fuisse. Tum illam incredibilem ce-
 leritatem, seu potius audaciam protuli: confirmaui neces-
 se esse, aut biduo D C C. millia passuum esse decursa: aut
 Sex. Neuium diebus cōpluribus ante in possessionem mi-
 sisse, quàm postulareret: uti ei liceret bona possidere. Postea
 ea recitavi edictum, quod aperte dominum de prædio de-
 trudi uetaret: in quo constitit Neuium ex edicto non pos-
 sedisse, cum cōfiteretur ex prædio ui detrusum esse **Quin-**
tium. Omnia autem bona possessa non esse constitui: quod
 bonorum possessio spectetur non in aliqua parte, sed in
 uniuersis, quæ teneri ac possideri possint. Dixi Romæ
 domum fuisse, quo iste ne aspirarit quidem: seruos com-
 plures, ex quibus iste possederit neminem, ne attigerit
 quidem. unum fuisse quem attingere conatus sit: prohi-
 bitum fuisse: quicuisse. in ipsa Gallia cognostis in prædia
 priuata **Quintij** Sex. Neuium non uenisse. deniq; ex hoc
 ipso saltu, quem per uim expulso socio possedit: seruos
 priuatos **Quintij** non omnes eiectos esse. Ex quo, & ex
 cæteris dictis, factis, cogitatisq; Sex. Neuij quiuis potest
 intelligere istum nihil aliud egisse, neque nunc agere, nisi
 uti per uim, per iniuriam, per iniquitatem iudicij, totum
 agrum, qui communis est, suum facere possit. Nunc causa
 perorata, res ipsa & periculi magnitudo C. Aquili co-
 gere uidetur: ut te, atque eos, qui tibi in consilio sunt:
 obsecret, obtesteturque **P. Quintius** per senectutem ac
 solitudinem suam, nihil aliud, nisi ut uestre naturæ bo-
 nitati que obsequamini: ut cum ueritas cum hoc faciat,
 plus huius inopia possit ad misericordiam, quàm illius
 opes ad crudelitatem. quo die ad te iudicem uenimus,

eodem die illorum minas, quas ante horrebamus, negligere cœpimus. Si causa cum causa contenderet: nos nostram perfacile cuius probaturos statuebamus: quod uitæ ratio cum ratione uitæ decerneret. Iccirco nobis etiam magis, te iudice, opus esse arbitrati sumus. ea res enim nunc in discrimen uersatur, utrum ne possit se contra luxuriam, ac licentiam, rusticana illa atq; inculta parsimonia defendere, an deformata atq; ornamentis omnibus spoliata, nuda cupiditati, petulantiae addicatur. non comparat se tecum gratia P. Quintius Sex. Neui, non opibus, non facultate contendit: omnis tuas artes, quibus tu magnus es, tibi concedit. fatetur se non belle dicere: non ad uoluntatem loqui posse: non ab afflictâ amicitia transfugere, atque ad florentem aliam deuolare: non profusis sumptibus uiuere, non ornare magnifice splendideq; conuiuium, non habere domum clausam pudori & sanctimonie, patentem atq; adeo expositam cupiditati & uoluptatibus. Contrâ, sibi officium, fidem, diligentiam, uitam omnino semper horridam, atque aridam cordi fuisse: ista superiora esse, ac plurimum posse his moribus sentit. Quid ergo est? non usque eò tamen, ut in capite fortunisq; hominum honestissimorum dominantur hi, qui relicta bonorum uirorum disciplina, & quæstum & sumptum Gallonij sequi maluerunt: atque etiam, quod in illo non fuit, cum audacia perfidiaq; uixerunt. Si licet uiuere eum, quem Sext. Neuius non uult: si est homini honesto locus in ciuitate inuito Neui: si fas est respirare P. Quintium contra nutum ditionemq; Neui: si quæ pudore ornamenta sibi peperit, ea potest contra petulantiam te defendente obtinere: spes est, & hunc miserum atque infelicem aliquando tandem posse consistere.

re. *sin* & poterit Neuus id quod libet, & ei libebit
 quod non licet: quid agendum est? qui Deus appellan-
 dus est? cuius hominis fides imploranda est? qui deniq;
 questus, qui moeror dignus inueniri in calamitate tanta
 potest? Miserrum est exturbari fortunis omnibus: misce-
 rius est, iniuria. Acerbum est ab aliquo circumueniri:
 acerbius, à propinquo. Calamitosum est bonis euer-
 titi: calamitosius, cum dedecore. Funestum est à forti atque
 honesto uiro iugulari: funestius, ab eo, cuius uox in præ-
 conio questum præstitit. Indignum est à pari uinci aut
 superiore: indignius, ab inferiore atque humiliore. Lu-
 ctuosum est tradi alteri cum bonis: luctuosius, inimico.
 Horribile est causam capitis dicere: horribilius, priore
 loco dicere. Omnia circumspectit Quintius, omnia peri-
 clitatus est C. Aquili, non Prætorcm modo, à quo ius im-
 petraret inuenire non potuit: atque adeo ne unde arbi-
 tratu quidem suo postularct, sed ne amicos quidem Sext.
 Neuij, quorum sæpe & diu ad pedes iacuit stratus, ob-
 secrans per deos immortales, ut aut secum iure contem-
 derent, aut iniuriam sine ignominia sibi imponerent.
 Deniq; ipsius inimici uultum superbissimum subiit: ipsius
 Sex. Neuij lacrymans manum apprehendit, in propin-
 quorum bonis proscribendis exercitatum, obsecrauit per
 fratris sui mortui cinerem, per nomen propinquitatis,
 per ipsius coniugem & liberos, quibus propior P. Quin-
 tio nemo est: ut aliquando misericordiam caperet ali-
 quam, si non propinquitatis, at etatis suæ: si non homi-
 nis, at humanitatis rationem haberet: ut secum aliquid
 integra sua fama, qualibet, dummodo tolerabili condi-
 tione transigeret. ab ipso repudiatus, ab amicis eius non
 subleuatus, ab omni magistratu agitatus, atq; perterritus,
 quem

- quem præter te appellet, habet neminem: tibi se, tibi suas omnes opes fortunæq; commendat, tibi committit existimationem ac spem reliquæ uitæ: multis uexatus contumelijs, plurimis iactatus iniurijs, non turpis ad te sed miser confugit, è fundo ornatissimo deiectus, ignominijs omnibus appetitus, cum illum in suis paternis bonis dominari uideret, ipse filiæ nubili dotem conficere non posset: nihil alienum tamen uita superiore commisit. Itaque te hoc obsecrat C. Aquili, ut quam existimationem, quam
- 10 honestatem in iudicium tuum propè acta iam etate decursa que attulit: eam liceat ei secum ex hoc loco efferre: ne is, de cuius officio nemo unquam dubitauit, sexagesimo deniq; anno dedecore, macula, turpissimaq; ignominia notetur, ne ornamentis eius omnibus Sex. Neuius
- 15 pro spolijs abutatur, ne per te fiat, quo minus quæ existimatio P. Quintium usque ad senectutem perduxit, eadem usq; ad rogum prosequatur.

- 20 **P**roposuius Frofi in nouem rebus consistere dicendi facultatem. Erant autem illæ, Ingenij uis & industria, Doctrina pueritiæ, Præcepta rhetorica, Cognitio philosophiæ, Sermonis quotidiani consuetudo, Lectio scriptorum, Vfus, Memoria, Continuatio studiorum. Si hæc propè omnia demonstrauro à nobis esse uolam, causas nimirum indicaui amissæ eloquentiæ, & quare nostri homines ita dissimiles sint oratione perfectis, ut olim fuerunt, scriptoribus: Si uerò indicaro, quare ratione ea consequi possimus, constabit certè aliquo modo qua uia, tandem aliquando sublata ex ciuitatibus dicendi ratio debeat restitui. Nam ut de Natura dicam breuit

breuiter, corrupta sunt nostrorum hominum Ingenia, & deprauata uiuendi ratio est. Tametsi enim permulti acumine & celeritate ad intelligendum præditi sunt per adolescentiam, tamen quotusquisque aut non uoluptate emollescit, aut si hanc euitare potest, manet in literis, neque ad quæstuosas artes deuolat, antequam uel puerilem illam educationem perceperit? mitto enim maiora illa, quæ post hanc erant antè cognoscenda, quam uel ad Medicos, uel ad uos Iurisconsultos deduceretur. Itaque Nature bonitas, quæ philosophiæ præceptis debebat erudiri, & confirmari, ea uel festinatione destitui, uel deprauatione morum corrumpi solet. Nihil tam inimicum studijs est, quam Voluptates, & Animi mollitia: quorum alterum nostris moribus defensionem nimis facilem habet, alterum præmium uirtutis esse creditur, atque à multò maxima parte expetitur. Sed non inde solum deteriores sumus: non modò deformata uoluptatibus, aut aliquo magno affectu impedita natura non sinit nos comparari cum maioribus: non tantum uitia & festinatio nos à uero abducit, sed etiam, quoniam Latinus sermo non est, ut fuit olim, in ciuitatibus, & non nisi à paucis, id quæ uitiose usurpatur, non potest eadem esse ratio puerilis institutionis, quæ fuit olim: & si esset, tamen amissimus, estque nunc rudior & difficilior. Quare hac mutata, commutatus etiam sermo est, & pro puero & Romano, impurus atque peregrinus, pro ornato atque literato, rudis & illiteratus uenit in consuetudinem. Hunc secum Romana & Græca olim adolescentia in scholas & ad Grammaticos attulit, eo quæ nostris aptior fuit, & ad discendum præcepta, & ad cognoscendum Poëtas atque Historicos. Primum igitur in re ipsa

- ipsa est dissimilitudo, & incommoditas : deinde etiam in ratione uiaq; tradendi, quam antehac secuti sumus. Fuit enim uaga uarietate, difficilis obscuritate, iniucunda diuturnitate. Apud ueteres Romanos certa erat & aperta, & breuis : nos multitudine, prolixitate, subtilitate nostra debilitamus ingenia. Itaque nos & methodus illa uetusta Grammaticorum destituit, & ablatu est loquendi usus, non ille impurus, quem augemus quotidie, sed Latinus & literatus, de quo post dicam copiosius.
- 10 Iam uerò præcepta illa dicendi, & institutio artis, multas habent, easq; magnas incommoditates. Nam ut concedam libros Rhetoricos satis esse multos, & qui eos explicant, doctoresq; dicendi, omnia quæ ad hanc rationem necessaria sunt, habere : tamen natura repugnat, ut
- 15 cum doceas Dicere, qui Loqui nesciat. Quotusquisq; est autem hoc tempore, aut fuit ætate superiore, qui sermonem Latinum, si non copiosum, at saltem purum sibi pos sit arrogare ? Itaque nos aut serò, aut ante uerborum copiam comparatam, præcepta cognoscimus, & dicendi
- 20 magistros accimus tum, cum uel ante tempus inutilis est exercitatio, aut post tempus uix usus & orationis copia potest esse talis, qualem requirimus. Cum enim eloquentiæ usus sit maximus, tum in omnibus artibus atque disciplinis, tum præcipuè in Theologia, & ciuili sciëntia:
- 25 tamen quandiu caremus eloquentia, tandiu ad usum non feliciter potest adhiberi. Quousq; etiam consuetudo exercitationis non rectè celebratur, neque excolitur usus rhetoricus : eò usq; nihil oratione politum, nihil elaboratum industria, nihil copia atque uarietate ornatum à nostris exire uidebimus. Est etiam illud incommodum
- 30 in arte, quod à Dialecticis præceptis est separata, quæ ante

ante nostra tempora ita defœdata sunt, ut nunc uel bar-
 bara adhuc institutione obscurentur, uel non satis in illis
 operæ collocetur, uel omnino incognita iaceant. Veteres
 autem illi quos admiramur, & quorum nos similes esse
 uelimus, quique soli oratores dici possunt, ex hac arte, hoc
 est, differendi ratione, & præcepta rhetorica munie-
 bant, & in artis doctrina multa à Dialecticis mutuata,
 ita exercendi consuetudine usurpabant, ut postquam
 dicendi uim consecuti essent, nata illa cum ipsis, non di-
 sciplina comparata uiderentur. Quanquam enim diui-
 sa essent studia in Græcia tum, cum Socratici cum So-
 phistis contenderent: tamen utrique partis aduersariæ müt-
 to rationes, sed uerba quoque habuerunt annotata. Hinc
 est quod in Rhetoricis Philosophorum libris multa ui-
 demus posita, quæ ante à Sophistis fuerunt tradita: &
 apud Græcos, qui de oratoris arte præcepta tradide-
 runt, in eaque professione solum uersati sunt, non pau-
 ca præceperunt sumpta non ex sua officina, sed ex scho-
 lis philosophorum. Itaque uerisimile est Demosthenem
 non ignarum fuisse eorum, quæ à Platone de ratione
 differendi docebantur, & longe certius atque uerius in-
 tellexisse, quàm hi qui inclinata dicendi ratione, sese
 Academiæ & Peripateticis addixerunt. De Cicerone
 nullum dubium est, qui eloquentiam sapientiæ studio
 cum primis reconciliauit. Velim igitur hanc rem nostro
 seculo non carere exemplo: & eos qui ex literarum co-
 gnitione nomen magnum consecuti sunt: in suis scholis
 maiorem instituere explicationem eorum quæ ab Ari-
 stotele sunt tradita. Tametsi enim propè mihi non am-
 biguum est, longe copiosius eum & docuisse & scri-
 psisse, quàm nobis per manus eorum qui in illa familia
 manserunt

- manferunt, sunt tradita : tamen quoniam ea sola extant, & quia nemo melior differendi magister, contenti eo esse debemus, eiusq; præcepta celebrare. Fateor non esse in Dialecticis libris plena omnia atq; explicata, multa etiam aliena interposita, tamen ita sunt coacta, ita etiam digesta, ut methodus illa quam requirimus non sit contrabata. Itaque dolendum est non diligentiores operam in eam rem collocari. Verum sic est natura hominum, peccant in partes contrarias turbata secula. Aetates superiores foedissimam & propè perpetuam in illis exercitationem instituerunt : nos uerò dum illam uitamus, dum barbari uideri nolumus, in summam negligentiam incurrimus, nec patimur in re necessaria naturam nostram erudiri. Sed ueniendum nunc est ad Rerum cognitionem, ad Recordandi uim, ad Constantiam studiorum, hæc enim tria ex illis nouem sunt reliqua. Querendum non est diuisas esse inter se artes, & distincta studia, & separatos à Iurisconsultis Medicos, neque unum utranque artem profiteri. Non enim nos Græcorum linguam Latino sermone inferiorem facimus, & uera est illa apud Platonem Socratis sententia πλεῖον τι μάθηται γινώσκου, καὶ κάλλιον καὶ ῥᾶλλον ὅταν εἰς ἑνὴν κατὰ φύσιν καὶ ἐν καιρῷ ὁλὴν τῶν ἄλλων ἄγων πρᾶτῃ. Si hoc in paruis & abiectis rebus uult esse Socrates, & fecerunt agricolas ab architectis, textorem ab eo qui suta parat, magis nobis id in Medicina & Iuris sciētia est obseruandum. Sed illa reprehendenda consuetudo est, neque Iurisconsultos eloquentiam ad suam facultatem adiungere, neque orationis copię studiosos, ciuilem scientiam, atq; reliquas artes ac disciplinas cognoscere : sed utroque sua professione contentos, aliterius opes contemne-

re. Est enim aliud discere ea quæ necessaria sunt su-
 sceptræ nostræ rationi *κατὰ φύσιν*, ut inquit Socrates,
κατὰ τὴν φύσιν, aliud perceptam rationem proferre in me-
 dium, eamq; conferre in quæstum, & uti vitæ insti-
 tuto. Doctrinarum cognitio, dicendi facultatem non
 solum uberiorem, sed etiam illustriorem facit: doctri-
 næ etiam ipsæ lumen non habent, nisi claritas accedat
 orationis. Conturbata hodie dicendi ratio est, quod or-
 dine careat & modo, quem in disciplinis, Autores &
 scriptores earundem reliquerunt, & hæ ipsæ obscura-
 te sunt sœda & uasta tractatione quorundam homi-
 num, qui antequam loqui Latine scirent, artes expli-
 care sunt conati. Hi sua autoritate nos à uera uia re-
 uocant, & ad loca deuia, & uagabunda, & lubrica, &
 spinosa deducunt. Neq; enim mihi dubium est, Frossi, de-
 liam te rationem secutum esse in ciuili prudentia, & aliā
 nunc animo tenere comprehensam, in tali tantoque re-
 rum forensium usu. Illud etiam statuere, rectam uiam à
 Iustiniani coangustatoribus legum præscriptam, quam
 uestri Pragmatici & interpretes corruperunt. Ab eius-
 cemodi ingenijs inquinata sunt & obscurata omnes phi-
 losophiæ partes. Itaq; quod Oratori necessarium est, hoc
 tempore assequi non possumus, ut quantum satis est u-
 rietatem doctrinæ omnem aspiciamus. Hæc defœdatio
 non solum sapientiam uniuersam à nobis aufert, sed et-
 tiam in singulis eius partibus labefactat memoriam. Illu-
 stris enim tractatio, quam adfert eloquentia, & or-
 dinata atque artificiosa digestio, quæ tum ex cætera-
 rum artium cognitione petitur, tum à Dialecticorum
 præceptis maxime informatur & stabilitur, Memoriæ
 altrix est & custos, quæ nulla re magis aboletur, quam
 d rudi

rudi & barbara atque scopulosa traditione. Habet illa
 quidem ortum à naturæ bonitate, & uitata Natura ui-
 tiatur etiam Memoria: sed cum indigesta multitudo
 laborat, obruitur plerunq;: & cum non uia modoq;
 5 alitur, etiamsi magna permaneat aliquando: tamen in-
 formis sepe numero, & mostrosa conficitur: nos arti-
 ficiosam & expeditam requirimus. Restat studiorum per-
 petuata illa, neque omissa, neque relicta ratio, quam in
 singulis quidem artibus permulti retinent, in uniuerfis
 10 uerò qui ita durent, ut rerum cognitionem semper cū
 orationis copia coniungant, pauci sunt qui eam con-
 suetudinem, aut omnino, aut cum laudabili & præcla-
 ra utilitate retineant. Nam complures sunt Astrologi,
 Geometrae, Musici, Pictores, Poetae, qui sua arte dele-
 15 ctati ceterarum rerum doctrinas reiiciunt. Medici e-
 tiam & in utilitatibus comparandis percepta iam arte
 occupati, & post quasitas commoditates otiose & mol-
 liter uiuentes, ut rem laboriosam sapientiæ studiū repu-
 diant. Iurisconsulti tum in exercitatione artis atque
 20 ciuilibus occupationibus, tum etiam post constitutos ha-
 bitosq; honores, nihil ad se pertinere putant aliud, quàm
 ciuilia negotia: non illa omnia quæ cum sapientia ma-
 gnam coniunctionem habent, sed illa mercenaria, &
 questuosa, in congerendis, conseruandisq; facultatibus.
 25 Theologorum non magnus numerus est, qui eloquen-
 tiam ad se pertinere putent: & si qui sunt, qui eam am-
 plectantur, tamen in re tanta & tam barbara tractatio-
 ne corrupta, non possunt ita uersari, ut uel dignitati rei
 orationis copia respondeat, uel Latini sermonis puri-
 30 tas non conspurcetur uerborum insolentia. In re enim
 ipsa omnes permanent, eloquentiæ uerò studium multi
 rēmit

remittunt, multi comparata quadam uolubilitate se facundos existimant. Sed cum cæteris omnibus artificibus, tum maxime Theologis apparatu ornatiq; orationis est opus. Itaque perpauci sunt qui in omnibus ita durant ut eloquentia cum rerum cognitione coalescat, quod est necessarium: & hi qui sunt, quandiu nihil perfectum proferre possunt, tandiu constat non esse id affectuos, quod uolebant. De linguae exercitatione loquor, scriptoribus suam cuiq; laudem tributam uolo: quam multi non solum utilitate rerum, sed etiam orationis non inani elegantia, scribendo sunt consecuti: dicendo uero quid multi præter linguae celeritatem, & uerborum exultantem audaciam adepti sint, non uideo. Ego demum eloquentem esse illum censeo, qui cum orationis exercitatione rerum coniunxit & philosophorum scientiam: qui utrunque horum apto congruentiq; apparatu instructum habet: qui ita ut earum natura requirit & armare res potest, & illustrare. Qui hoc consecutus sit, non uideo, neq; credo quenquam esse eruditorum uirorum, qui non id libenter agnoscat: & tamen esse uiam, qua possint homines ad arcem rei peruenire. Sed hæc quoniam est in natura rerum, & eam ingressi sunt aliquando Romani, Attici, Asiatici: nobis quoque est annitendum, ut eandem inueniamus. Et quanquam nos quidem serò, tamen adolescentibus, tamen posteris, utilissimum erit, aliquid habere præmonstratum. Cum igitur nouem illa, de quibus dixi, partim conturbata sint, partim repudiata, non mirum est amissam esse omnem facultatem & elegantiam orationis. Nam ut ex nouem Musarum uarijs modis, pulcherrimus quasi nascitur uocum concentus: sic ex his quæ antè posuimus con-

- ficiatur oportet, erudita atque exercitata Oratio: Et ut omnis illa modulandi suauitas perit, si ex illis uirginibus, aliquæ putide, perturbatæ, præposterè, discrepantè, atque exanimatè modos faciant, ita si quid ex his
5 non rectè adhibeatur, aut si quid desit, non potest esse ornatus in dicendo aptus, neq; apparatus uerborum atq; rerum talis, qualem Oratoris officium postulat. Sed ad consequendum hæc omnia, quatuor opus est nobis hominum generibus. Nam & eorum qui sunt cum magistratu, opera opus est, & Parentum, & Magistrorum,
10 & Puerorum. Nisi enim ciuitates præmia constituant, cessant non solum Doctores, sed etiam Parentes, quibus maxime curæ sunt liberorum commoditates. Per Germaniam nimium destitutæ sunt literarum scholæ: id
15 accidit spe præmiarum adempta, non religionis renouatione. Quandiu enim familiæ atque sectæ otiosæ, neque doctæ, existimationem & auctoritatem habuerunt, quandiu honesta habita fuit ratio uitæ, abuti opibus ecclesiæ, magna fuit antehac excitata turba ingeniorum:
20 nunc uerò postquàm detecta sunt impietatis illa diuturna & tyrannica studia: postquàm intelligunt homines, esse sceleratum, uti bonis alienis: sed sceleratius Ecclesiæ: flagitium esse, nihil eius nomine cuius sunt, agere: sed sacrilegium eadem ad nefariam & scelestam uoluptatè atq; libidinem conuertere: liberos suos utiliter sibi,
25 quàm publicè uiuere flagitiosè malunt, eoq; eos ad plebeas artes deducūt. Credo ego bonorum neminem esse, qui hanc colluuiem eersionemq; religionis sine conscientie grauissimo pondere defendendam suscipiat.
30 Sed sublata complurium conscientia est, & se uulgo multitudine excusant. Sacerdotiorum enim ut nunc sunt curat

curationes, optimus quisq; remouendas statueret, nisi
 turba potentiaq; niterentur, quorum alterum irritari,
 alterum commoueri sine summa perturbatione huma-
 rum rerum non potest. Nemo omnium est, qui non a-
 lienissimo sit animo à Parricidio: horrescunt plerique
 omnes eius sceleris nomen: at etiam Romani illi uete-
 res nondum Christiani, in illa ignorance ueræ piete-
 tis, hanc legem fixam stabilemq; habuerunt, Sacrum
 sacro ue commendatum, qui clepserit, rasperitq;, par-
 ricida est. Clepunt & furantur sacrum, qui largitio-
 nibus, qui malis artibus irrepunt in possessionem sacro-
 rum bonorum: rapiunt sacra, qui palam ad suas libidi-
 nes ea comparant. Quorsum igitur hæc spectat oratio?
 ut intelligatur, si sacræ opes, ut principio dispensate
 sunt, ita conseruarentur: si ad eas nemo admitteretur,
 nisi cuius probata uita, laudati mores, commendata esset
 consiliorum institutio, haberent ad quam uitæ rationem
 sese aggregarent adolescentes, & stimularentur plures,
 quàm sint hisce temporibus, ad literarum studia. Nunc
 uerò largitiones & gratiæ in religionis fidem irreps-
 rūt, & nomune pietatis occupato, eaq; ciecta, nō amplius
 ueritati locus patet. Nihil enim tam inimicū ueritati est,
 quàm Vis, & iniquè comparata Potentia: nihil tam con-
 sentiens, quàm uitæ Probitas & Innocentia. In hac igitur
 destitutione bonorum, non excitatur industria mul-
 torum, quibus ingenium Deus egregium dedit. Tametsi
 enim hi non id curare debent, quem fructum tribuant ho-
 mines sapientiæ, tamen quia nascimur ita omnes, ut pri-
 mi animi minus habeant & roboris & prudentiæ, prius-
 quàm id quod optimum homini est intelligatur, ad aliud
 uitæ genus plerique defleunt. Nihil facilius animadu-

- titur, quàm uitæ utilitates, quæ ex ceterorū opibus a li
mari solent, tardè plerunq; & sæpe serò animi diuit. is
amplectimur. Itaq; præmia proponi debent pueritiæ, &
adhuc rudibus naturis: deinde eiusmodi disciplina: 1
stitui, ut ad integritatem, innocentiam, sanctitatem q;
proposita uideantur, & ad professionem uitæ talem, q; iæ
commoditates adferat ad gloriam Christi amplificandæ,
& ueritate se, non autem honesti specie tueatur. Si hoc
institutum antiquum & uetustum, renouari & rei i-
tui possit, non deessent aut in ciuilibus causis, aut in ec-
clesiasticis controuersijs, qui cum summa tranquillita-
te animorum, omniumq; comprobatione res obscuras
explicarent, exacerbatas sedarent, deprauatas corrige-
rent. Sed non hoc in loco consilium dare constituimus,
15 uerum causas commemorare, quomobrem amissa sit elo-
quentia, atq; significare, quia inter magistratus uiri bo-
ni, qui quod uerum est intelligunt, non possunt sacrarum
opum possessionem probitati & religioni recuperare,
exiguum esse eorum numerum, qui rem tantam, totq; dif-
20 ficultatibus implicatam suscipiant. Quò fit, ut dum pars
maior, quæ cum magistratu est, non uult, dum boni id
quod uolunt non possunt efficere: neq; parentes ut ue-
lint, neque liberi ut cupiant, neque magistri ut susci-
piant alliciuntur. Infirum est in Inscentia & Iu-
25 uentute iudicium: ideoq; utilitatibus parentes, laudis
cupidine adolescentes sunt excitandi. hæc affectio æ-
tate & doctrina corrigetur, ut tandem etiam aliena-
tio sit ab ambitione, cum uitæ institutio, ingenij educa-
tio, morum disciplina, recte poterit adhiberi. Sunt
30 præterea multe aliæ causæ, ob quas & studia pertur-
bata sunt, & dicendi scientia est impedita: sed quia,
si hæ

si hæ, quas dixi, tolli possint, assequeremur id quod ex-
 petimus, prætereundas esse illas duxi. Reliquum est ut di-
 camus de Recuperatione, quæ pars tametsi præstan-
 tior, tamen quoniam causæ rerum malarum prius tol-
 lende sunt, quàm res bonæ possint restitui, inscriptio-
 nem utrique parti de Amissa dicendi ratione esse ma-
 lui, quàm de eadem Recuperanda. Habet enim hic
 titulus promissum nimis magnum & arrogans, alter
 est uerecundior. Dicendum igitur deinceps est Fro-
 si, quomodo iustam dicendi scientiam putem ad homi-
 nes tanquam ad regnum suum reduci posse. Nam ex
 his, quæ dicta sunt hætenus, causas uidemus corruptæ
 linguae: deinde si Quintiana illa oratio, cum istis, quæ
 nostris temporibus scripta extant, confratur: facile est
 considerare, nihil simile uetustati à nobis representari.
 Itaq; quemadmodum instituiamus, repetamus illa nouem,
 & ordine singula declarem, qua sit ratione uiaq; in-
 grediendum. Frustra enim suscipiuntur aliquid conse-
 quendi studia, nisi antè illud, quod eò, quò cogites de-
 ducat, perpenderis. Sed non me illud inuenisse arrego,
 uerùm conquisiuisse eiusmodi quædam, quæ quoniam
 certos autores habent, existimem esse celebranda. Vt
 igitur de Natura primum dicam, nulla de illa comparan-
 da præceptio est. Datur enim cuiq; diuinitus sua natu-
 ra: sed si cultus atque custodia in omni re plurimum ad
 conseruandum ualet: potest etiam de hac aliqua insti-
 tuti disciplina. Primum igitur fugiendæ sunt uolupta-
 tes, atq; cauendum est, ne Vitijs corrumpatur ingenium.
 Nulla concordia Studijs doctrinæ, Sapientiæ, cum negli-
 gentia, Mollitiæ & Prauitate solet intercedere. Vbi hæc
 uitantur, illa uerò assumuntur, ibi egregia & præclara ad-
 d 4 descend

discendum dicendumq; indoles poterit excoli. Est enim excitanda naturæ bonitas studio & ardore amoris erga id, ad quod nata uidetur. Hoc igitur secundum naturam est elaborandum, ut Cupiditas accedat, quæ mater
 5 est Diligentia. Et si enim ab amicis Natura dari nō potest, sed cum uita simul adfertur, tamen exacuitur adolescens ab his quibus se charum esse existimat. Pertinet hoc officium non ad Parentes solum, & ad Doctores literarum, ceterosq; cum quibus est aliqua uel necessitudo,
 10 uel coniunctio: uerumetiam ad eos qui rempublicam curant. Excitantur ingenia, maximeq; puerorum, & adolescentum, non tam utilitatibus, quas non uehementer desiderant, dum nihil deest, quàm Beneuolentia, Laude, Autoritate, Exemplis. Etenim si officiam charitatis, diligētia commendatione, approbatio existimatione, com-
 15 pia exemplis bonorum gignitur: necesse est in ea Re- pub. neq; inofficiosos, neque negligentes, neque repugnantes, neque paucos esse, qui exacuantur ad res præclaras, si beneuolentiæ, si laudationes, si autoritates, si
 20 exempla non desint. Sit igitur hoc secundarium, ut curetur, quò literarum cupiditate flagrent adolescentes, ad eamq; rem parentes, magistri, præmia ad laudem atque autoritatem exposita, opem ferant. Sed ueniendum nunc est ad illam puerilem institutionem, ut rectè eum, qui
 25 indolem aptam, idoneamq; habet, educemus. Habet hæc pars tria capita, Præceptionem, Explicationem, Resolutionem. Præceptorum ratio à multis est tradita, & ad hunc locum non pertinet. Sed illud monendum est, ut ne uasta sit illa methodus, regularum & præceptio-
 30 num multitudo. Utillissimum est exercitatum habere consuetudinem flectendi Nomina, & Verba: & Consecution

cutionem & Coniunctionem dictionum paruo legum
 numero absolui, & in utrisque principio obscuras illas
 & philosophicas uitare partitiones: Explicatio præce-
 ptorum institutioni statim & continenter adiungatur.
 Habet illa partes tres, Argumenti expositionem, Con- 5
 suetudinis obseruationem, & interpretationem uocabu-
 lorum. Primum enim curare debemus, ut res ipsa pau-
 cis uniuersa cognoscatur: deinde leges institutaque, ad
 quæ omnis accommodatur actio, intelligatur: post hæc
 ad singula descendendum est. Sed orationum argumenta 10
 facile ex narationibus colliguntur: uerum quoniam illæ
 plerunque sunt prolixæ: possunt, & sepe debent coar-
 ctari: ut in hac causa qua P. Quintius in fame, fortuna-
 rumque discrimen deducitur: Aduersarius est Sext. Ne-
 uius. Hic desertum esse sibi dicit uadimonium à Quin- 15
 tio: bona eius à se esse possessa ex edicto Prætoris Burrie-
 ni dies triginta, ideoque à Dolabella postulat, ut Quin-
 tius iudicatum solui satisfaciat: uel sponsonem faciat. Ma-
 uult Quintius sponsonem facere: & C. Aquilius iudi-
 cem sumit, atque ex sponso agit. Orator aduersarius 20
 Q. Hortensius est. M. Cicero Quintij patronus, negat
 possessa esse bona ex Prætoris edicto. Primum quod cau-
 sa nulla fuit cur à prætore id postularet: nam neq; quic-
 quam Quintium debuisse, neq; uadimonium deseruisse.
 Deinde, quia non potuit ex edicto possidere. id probat 25
 ex uerbis edicti, quod neque latitavit fraudandi causa,
 neq; exilij causa solum uerterit. Postremo non possedis-
 se, propterea quod bonorum possessio non spectatur in
 aliqua parte, sed in uniuersis quæ teneri & possideri
 possint. Breuis est eiusmodi explicatio, sed apta ad in- 30
 telligendum & recordandum. Puto etiam hanc rationem

- Ciceroni placuisse, qui Aeschinis & Demosthenis inter se contrariarum orationum argumentum paucis uerbis est complexus. De consuetudine etiam hic dicendum esset, si haec res non esset ita proluxa, ut ludo & magistris
- 5 satius sit, eam explanationem relinquere, quam hoc in loco interponere. Idem sentiendum est de uocum interpretatione: sed hoc magis est Grammaticorum, illud ex uestris libris & historiis est petendum. Verum etiam uos multorum uocabulorum uim ante Grammaticos explicastis. Præterea uestrum est scire, quot Prætores habuerit populus Romanus, & quæ sit differentia inter eos, qui de urbanis, quiq; prouinciarum negotijs decernunt. Aliud enim fuit genus Prætorum, quos Sylla constituit publicis causis, aliud illorum quatuor, qui his sunt antiquiores, aliud qui à Cesare sunt postremo adiuncti. Adfert hæc distinctio lucem ad intelligendum: sed hæc tractatio ex uestris studiis defluxit. Vtilissimum est scire, tum in Grammatica disciplina, tum in ludo Rhetorum, ut ius dicentis, sic etiam prætoris esse bonorum possessio-
- 10 nem dare, & in possessionem mittere. Neque intelliget Rhetor uim illius sententiæ magis quam iurisperitus:
- Q. VIS TANDEM NOBIS ISTA IURA TAM AEQVA DESCRIBIT? Q. VIS HOC STATUIT? Q. VOD AEQVVM SIT IN Q. VINTIVM, ID INIQVVM ESSE IN NEVIVM. Hoc ex uestro fit apertius, Q. VOD IPSE IN ALTERIVS PERSONA AEQVVM ESSE CREDIDIT, ID IN IPSIVS QVOQVE PERSONA VALERE
- 30 PATIATVR. Iam quid sit Satisfactio, quid sponsio, quid Vadimonium, quid uadari, à uobis definitum est: sed

sed & Grammatici eadem explicarunt, sed uos autores
 estis. Verum illud fortasse non inutile est ad obseruan-
 dum, sepe in eo ipso libro qui legitur, & consuetudinem
 uno in loco latere, in altero indicari: & obscuras alibi
 sententias esse, & incognitam alibi uocabulorum natu- 5
 ram, alibi uero utraque explicari. Quare utile est in o-
 mni lectione & interpretatione prius totum librum cele-
 riter perlegere, atq; annotare, quæ sunt similia, quàm in
 singulis statim moram facere. Obscurum est in principio
 orationis quid sit iudicium de re, quid item de probro: 10
 sed explicatur postea id copiosius in tractatione quæ-
 stionis infinitæ. Cuius uerò bona uenierunt, non modò illi
 amplissimæ fortunæ, sed etiam uictus uestitusq; necessa-
 rius sub præcone cum dedecore subiectus est, is non mo-
 dò ex numero uiuorum exturbatur: sed, si fieri potest, 15
 infra etiam mortuos mandatur. Etenim mors honesta sæ-
 pe uitam quoque turpem exornat: uita turpis ne morti
 quidem honestæ locum relinquit. Ergo Hercule cuius bo-
 na ex edicto possidentur, huius omnis fama & existima-
 tio cum bonis simul possidetur. De probro igitur 20
 iudicium est, quod de bonorum possessione,
 non de re pecuniaria, de deserto ua-
 dimonio, nō de re debita. Longum
 esset ista explicare, ideoq; præ-
 tercundum est, & uenien- 25
 dum ad ea quæ mi-
 nus nunc in
 usu uersan-
 tur.

DE AMISSA DI-

CENDI RATIO-

NE LIBER

SECUN-

DVS.

10



15

20

25

30

ICENDVM igitur nunc est
 de Grammaticorum illa ratione, qua
 integras conuersiones & sententias in
 suas formas redigunt, & has in ea dis-
 soluunt, ex quibus ipsæ constant. Est hæc
 ratio utilissima ad comparandam orationis elegantiam
 & ubertatem. Neesse enim est omnem orationem, quæ-
 cunq; illa sit, ex uerbis confici, & rectè Cesar originem
 eloquentiæ uerborum delectum esse scripsit. Sed hic dele-
 ctus, qui in primis necessarius est, haberi non potest, non
 magis quàm militum, nisi antea coactis unum in locum,
 quasi militum, sic uerborum copijs. Sed hic ego rursum
 deplorare cogor nostrorum temporum infelicitatem. Pro-
 pè enim unà cum corporibus plurimorum consenescent
 ingenia, priusquàm uel mediocrem eloquentiæ possunt
 laudem obtinere. Id fit tum melioris rationis ignoratio-
 ne, tum loquendi consuetudine deprauata, & auocatio-
 ne sermonis quotidiani. Romanorum enim, & Athenien-
 sium, atq; Asiaticorum olim liberi, propè cum matris
 lacte uerbis simul optimis imbuebantur, et priusquam pue-
 ritiam superassent, orationis copiam erant assecuti.
 Quare tum id tempus idoneum ad disciplinas fuit, quod
 hodie nostri adolescentes apud Grammaticos consu-
 munt. & ibi eis finis audiendi, ubi nostris præprope-
 ra adhuc sunt principia. Hinc fit ut nostra ætas Medi-
 cos,

cos, luris peritos, Theologos plures proferat quàm Ora-
tores, si modò ullus hoc quidem certè tempore sit Ora-
tor. Neque enim uideo, cur difficilius sit totum illum
doctrinarum quasi orbem discendo peragrarè, omnesq;
literarum artium doctores audire, quàm alienæ linguæ
rectam, laudatamq; atque perfectam ibi cognitionem con-
sequi, ubi aut in libris latens uulgò non est recepta, aut
si ab aliquibus in sermonibus usurpatur, tamen ita con-
taminata uerba habet, ita peregrinis conspurcata est lo-
quendi modis, ut propè prudentius consilium esset pa-
trie consuetudinem retinere, quàm uiolare atque uitia-
re sermonem alienum. Hæ certè omnes incommodita-
tes, quas gentium diuersi mores, dissimilis lingua attu-
lerunt, uitari possent, si ea præessemus diligentia inge-
nijs, si eam industriam & dexteritatè præstare possumus,
quam & officium nostrum requirit, & desiderant ra-
tiones humane. Est enim uia & ratio uerba rerum tum
singula tum coniuncta colligendi. Est modus in his duo-
bus generibus collocandis, per quem adolescens, Latine,
significantiæ, apta, à se non antè cognita, inuesti-
get, atque in suis quasi receptaculis inueniat: quibus
ea informet, & cum laude tum dicendo tum scribendo
in medium proferat, quæ uel mente complectitur, uel
sua lingua scripta Latina ueste cupit inducere. Sed qui li-
bri hisce temporibus nobis uerba explicant, parum ad-
ferunt facultatis pueritiæ. Laudo illorum uirorum dili-
gentiam, qui nobis ea dederunt in coaceruando, doctri-
nam in explicando: disponendi uero uiam desidero. Pri-
mum enim literarum ordinem sequi, modicam laudem ha-
bet, & in singulis tantum dictionibus uestigandis, atq;
cognoscendis laborem leuat: copiam uerò non ob ocu-
los

los potest ponere. Deinde illa distinctio, nisi oblati-
 cabulis, nullo praesidio esse potest. Querit is, qui docet,
 aut qui ignorat, si legendo aut auscultando notetur,
 quid sit Sponsio, quid Sponsionem facere, quid in sira-
 5 pibus Acetabula, quid in edificijs Suggrundia, quid in
 exercitu Legio, quid apud Mathematicos Rhombus: nō
 quæreretur, nisi eiusmodi multa oblata ultro, cursum le-
 ctionis impedirent & retardarēt intellectum. Adolescen-
 ti cum ignotum uerbum occurrit, tum demum querendi
 10 est locus: cum uerò patrio uestitu sententias indutas men-
 te tenet, quī fieri potest ut ex horum libris Latinum
 Graecum, quae ornatum inueniat, quo eadem uestiantur,
 cum ubi hic lateat certum sit cum ignorare? Magistris li-
 terarum hic labor, & quibus amplior doctrina est, tam-
 15 etsi facultatis atque copiae non habet multum, tamen
 subsidio est. Sed non solum quae ab uno deducuntur for-
 mationes, atque significata, congerenda sunt, uerum
 ea quoque sunt adiungenda, quae aut eiusdem generis
 sunt, aut omnino sunt pugnantia: sed ita demum adiun-
 20 genda, ut certa sit tum naturae, tum quae à natura non
 multum solet recedere, artis dispositio. Sunt enim alia
 singula & solitaria, alia coniuncta & à sententia non
 procul remota: alia rerum praecurrentium, alia conse-
 quentium, alia causarum, alia effectarum, alia similibus,
 25 alia idem significantium, alia contrariarum. Verum ut
 aliquo modo nostro consilio excitemus ceterorum stu-
 dia, paucis indicabo meam in hoc loco sententiam. Quem-
 admodum rerum certi constituuntur communes quae lo-
 ci: sic uerborum etiam genera & sententiarum formae,
 30 ad certos ordines reduci possunt. Haec duo non ex quo-
 uis scriptore colligi debent, sed ex optimis primo sunt
 coacer

coaceruanda. Illud autem obseruandum etiam est, ut
 autorum sic etiam uerborum non unam esse formam.
 Aliud dicendi genus Oratorum est, aliud Poëtarum,
 aliud, quod medium est, Historicorum. Itaque unum-
 quodque annotari debet unde sit sumptum. Si enim di-
 uersa sunt horum trium orationis genera, etiam ea ex
 quibus illa constant, inter se differre necesse est, uerba
 nimirum, & quæ ex uerbis fiunt, sententiarum figu-
 ras. Oratorum igitur primus atque unus sit Cicero a-
 pud Latinos, etiam philosophorum: sed addi potest
 Varro & Cornelius Celsus, uerum prudenter & modi-
 cè Celsus, & in suo genere, & cum est opus. Plinius
 etiam, sed cum necessarium est. Apud Græcos Demosthe-
 nes solus Orator proponendus, cui Plato adiungitur
 propter rerum & orationis amplitudinem, deinde
 Xenophon, Hippocrates, Aristoteles, & in multis Ga-
 lenus. Poëtas Latinos habemus Vergilium, Lucretium,
 Horatium: Sed Lucretius in uerbis & locutionum for-
 mis purior est Horatio, qui ob dicendi figuras proba-
 tur a doctis. Vergilius utroque antecellit, sed in Ge-
 orgicis & Bucolicis nihil peccat. Apud Græcos nemo
 melior Homero. Ceteri etiam omnes boni, sed primus
 labor in optimis consumi debet, & ex Homero prius
 copia comparanda est, quàm ad Hesiodum, Aristopha-
 nem, Theocritum, Euripidem, Sophoclem, Aeschyl-
 um ueniamus. Historicorum nemo melior inter Ro-
 manos C. Cæsare, sed Oratori similior, quàm Liuius,
 quo sæpe cum in re militari destituimur habemus opus:
 uerum antecedunt Cæsaris commentarij. Græci Xe-
 nophontem habent, qui puritate & lenitate orationis
 non cedit Cæsari: & Thucydidem, & Herodotum: qui-
 bus

- bus adhiberi potest & Polybius, propter apparatus bellicum illis temporibus auctum, & cumulatæ rerum uocabula. Omnes hi in suo genere excellunt: sed quæ utilissima sunt, ea primum locum debent occupare.
- 5 Quare in oratoribus principio uersandum est. Scio Romanis & Græcis aliam consuetudinem fuisse, & ad Poetas statim pueros deduxisse: sed quia ad Grammaticos illi quotidianum sermonem adferebant, quem antea domini didicerant, minus periculi erat, cum lingua pura esset,
- 10 in hac ratione instituendi. Credo ego cum Seneca floret, & insequentibus temporibus, cum corruptus sermo Latinus esset, magnam causam fuisse obscuritatis & ineptiarum, quod uetustam illam disciplinam sunt secuti, quæ cum ipsis moribus & ætate erat commutanda. Neque poetarum eadem est ratio: aliud dictionis genus Comici, aliud Tragici, aliud Epici, Aliud Lyrici sunt secuti. Itaque diuersum non solum compositionis, sed etiam uerborum genus: in quo cum iudicio uersandum est, ne quæ inter se admodum dissimilia sunt commiscantur.
- 20 Sed de scriptoribus, unde orationis & eloquentiæ opes congregandæ sint, satis sit hæc indicasse. Reliquum est, ut de modo & uia colligendi scribamus: quæ res etiam hic non potest omnis explicari. In illis enim libris, quos de ratione Latine loquendi, atque scribendi inchoauimus, quicquid ad hanc præceptionem pertinet, aperiemus. Cum enim locorum alij communes sint & amplij, alij in medio, alij in parte extrema constituti, prolixum esset hæc non solum exponere, sed etiam enumerare distribuendo: quare quod proximum est consulamus in hac puerili informatione. Optabile est
- 30 certè quidem extitisse unum aliquem, qui omnia compor

tata & distincta ita edidisset, ut in promptu essent po-
 sita, atque explicata hominum cogitationibus. Sed quo-
 niam id factum non est, & si esset aliquid tale ab indu-
 stria alicuius præclari ingenij profectum, quale Iulius
 Camillus non solum proficetur, sed etiam domi iam ela- 5
 boratum, & confectum habet: tamen utile est ipsam ca-
 tiam adolescentiam in ipsdem exerceri, & sibi locos fa-
 cere, eosq; legendo, dissoluendo, distinguendo, conqui-
 rendoq; implere. Hoc enim modo fiet, ut & autor ip-
 se, qui legitur, intelligatur melius, & uerborum uis & 10
 significationes uerè percipiantur, & memoria augea-
 tur atque redintegretur, & sermo ipse quotidianus atq;
 Latinus excolatur, non temerè ut nunc fit, sed illa ue-
 tusta Latinorum consuetudine. Quare statim cum ipsis
 præceptis, eiusmodi ratio præscribenda est, ut ubi pri- 15
 mum unius rei duo nomina, aut unius sententiæ, formæ
 duæ sese obferant, ibi locus confestim designetur. Sed
 quoniam locus unus, etiam ex imis illis receptaculis,
 multiplex plerunque est: subleuari debet adolescentis
 labor magistri subsidio. Hic utilis & necessaria est Di- 20
 alectica, etiam reliquarum artium cognitiones secum
 ipse Partitiones adferunt: sed nihil tam angustum est,
 nihil tam amplum atque uagum, quod non opus habeat
 explicatione & distinctione Dialecticorum. Proposue-
 ram totam hanc orationem dissoluere, & ad suos quæq; 25
 locos comportare, & tradere rationem hanc omnem:
 sed cum animaduertirem, non me id duobus libris com-
 plecti posse, & cum in illis quatuor libris de ratione
 loquendi atque scribendi eadem tractem plenius, mutas-
 ui consilium, & solum uno atque altero proposito ex- 30
 emplo, constitui ostendere, quid primum in illa pue-
 c rili

- rili educatione, & in illa indigesta conquisitione sit elaborandum. Repetamus igitur ex illa Quintiana, & congeramus quicquid ibi est, quod ad civiles causas spectare uidebitur. Sed cum omnes res, aut sua ipsæ uel aliæ consistunt, & sua quoque natura nitantur, aut ad has aliæ accedant, atque ita adiungantur, ut nulla perpetua necessitudo cum his sit, quod genus apud Philosophos uocatur *συμβεβηκωτων*, quemadmodum illud prius *ἄσῳ*: à priori in quouis loco principium est faciendum.
- 10 Sed uerè consistunt ille quæ uocantur *ἄσῳ*, ut est homo, laurus, aquila: acipenser, animal, arbor, auis, piscis: sepe etiam alterum genus quasi consistat, ita oratione significatur, propterea quod hoc quoque suam habeat formam, quò fit ut in locis ab eo etiam, tanquam à consistente ordiamur. Multa enim in oratione habet quæ accidere uidentur. Verùm appositione exemplorum, hæc, quæ dixi, erunt clariora.
- 15

RES.

	Res	Iudicium
	Causa	Summa iudicij
10	Causa tota	Iudicia
	Controuersia	Consilium
	Contentio	Vadimonium
	Certatio	Iudicatum
		Decretum
25	Ius	Edictum Prætoris
	Ius & magistratus	Accusatio
	Iura	Vox accusatoris
	Fas	Criminatio accusatorum
	Aequitas	Crimen
30	Lex	Sponsio
	Lex & conditio	Sponsum

Aduoc

Aduocatio.	Patronus
PERSONAE	Procurator
Accusator	Aduersarius
Petitor	Magistratus
Reus	Prætor
Persona accusatoris	Tribuni
Persona petitoris	Iudex
Defensor	Aliqui qui adsunt in consilio.

Hic ordo igitur, nisi quis melior inueniatur, seruari poterit: ut Res priore loco ponantur, deinde Personæ: 10
 & quanquam utraq; ad alium ordinem rerum pertinet: tamen tum similitudinis causa, tum docendi gratia loco eorum quæ sub oculos cadunt, sunt ponenda. Permittit enim hoc si non rerum natura, tamen ipsa consuetudo: neq; Poëtæ solum famam ex illorum numero existimunt, quæ rebus accidunt, & quasi sentientem faciunt, sed etiam Philosophi uirtutis & legis ita aliquando speciem describunt, ut uirginem, ut deam, non minus audientem, consulentem, quàm Poëtæ suam Iunonem, Venerem, Mineruam. Illud etiam monendi sunt magistris, ut discipulis suis, quàm maxime possunt aptè Latinas uoces suo sermone explicent, & conquisitis unum in locum illis quæ uidentur esse similia, ac cognationem aliquam habere, uim singulorum & differentiam ostendant. Tanta coniunctio est inter Contentionem & 25
 Certationem, ut propè nihil interesse uideatur, tamen est discrimen, quod apparet in Certare & Contendere. Præterea duo hæc non multum à Causa differunt, sed Causam tum præcurrunt tum consequuntur. Inter rem quoque & Causam talis est dissimilitudo, 30
 qualis serè inter Magistratum & prætorem, Aduersarium

- rium & Petitozem, Iudicium & Vadimonium: altera enim *ἡ μία* sunt, altera *ἡ δύο* sunt. Iudicatum & Decretum formæ uidentur esse diuersæ sub eodem comprehensæ genere, sed tamen Decretum ad res plures quàm
- 5 Iudicatum accommodari solet. Iam Accusatio & Criminatio, unius rei sunt, uerū grauior in uituperando Criminatio, Accusatio plus habet defensionis, & sæpe fit cū laude. Eiusmodi explicatione uelim exacui puerorū ingenia. Sæpe etiam doctorum uirorum oratio, ignorantie horum flaccescit. Sed non explicare ista, uerum digere
- 10 re constituimus, quare transeundū est ad ea quæ esse proxima uidentur. Sequemur hic naturæ ordinem, & genus rei secundo loco collocabo: sed illud ex multis colligitur, ut in ciuilibus negotijs ex eo quod causæ est caput,
- 15 & in quo summa iudicij uersatur.

CAPVT CAUSAE Τὰ Γενικά.

- 1 Causam in aliqua re consistere.

Summam iudicij, causamq; totā in aliqua re cōsistere.

Fieri iudicium de aliqua re.

Τὰ ἑσθιωμένα.

Iudicium de probro.

Iudicium de re.

- 2 Fieri iudicium de probro.

Fieri iudicium de re.

Iudicium pecuniarium fieri.

Aliquam causam capitis dicere.

NATURA CAUSAE.

- 1 Res tanta.

Res implicata controuersijs.

Res tanta totq; controuersijs implicata.

Aliquem habere causam eiusmodi, ut &c.

Aliquod

Aliquod iudicium uno die posse transigi.

Multa iudicia ex uno aliquo nasci.

Omnia iudicia fieri.

2 *Agendi potestas eadem.*

Causa par.

Causam cum causa contendere.

Causa superior.

Alicui non esse ius par cum aliquo.

Alicui cum aliquo non esse parem certationem.

Alicui non par ius reperiri posse.

Alicui agendi potestatem non eandem reperiri posse.

Veritatem multis incommodis debilitatam esse.

3 *Iudicium inuidiosum.*

Iudicium difficilimum.

Iudicium singulare.

Iudicia difficilima.

Aliquem uti iudicio inuidioso.

Iudicium de aliqua re fieri contra omnium consuetudinem.

Iudicij $\left\{ \begin{array}{l} \text{Ius} \\ \text{Iniuria} \\ \text{Iniquitas} \end{array} \right.$

Aliqua iura inimicissima.

Honestius iudicium.

Vsitatum iudicium.

Iudicium grauissimum.

Genus igitur causæ cognoscitur, tum ex rei de qua agitur capite, tum ex eiusdem uatura. & hæc ipsa ita distinguuntur, ut à formis genera diuidantur, & communia separentur ab angustioribus. Colligamus igitur deinceps quicquid ad res ipsas pertinet, priusquàm ad perso-

nas ueniamus. Considerato igitur genere, redeundum ad ipsa est principia, & ea colligēda, quæ circa principia solent agitari. Cōstituatur igitur locus alius atq; proximus.

INITIVM LITIS.

ANTECEDENTIA.

Fore controuersiam de aliqua re.

Aliquem agere aliquid uelle.

Controuersia recens.

Alicui controuersiam intercedere cum aliquo, de re aliqua.

Rem aliquam in controuersiam uenire.

CONSEQUENTIA.

1 Aliquem cupide decurrere ad iura.

Aliquem iudicium postulare.

Vocare aliquem in ius.

2 Aliquem in ius sequi.

Aliquem non recusare iudicium.

Aliquem iudicium accipere.

Aliquem aliquod iudicio accipere.

Aliquem iudicium accipere in ea ipsa uerba quæ aliquis edit.

Aliquem iudicium more & instituto per magistratum accipere.

Aliquem accipere iudicium pro aliquo.

Aliquem non recusare quin iudicium accipiat.

Nihil hic obscurum est: etenim & ordinis ratio constat, & singula quid significant clarum est: nisi illud fortasse commonendum sit, qui accipit pro aliquo iudicium Procuratorem esse, qui uerò nō recusat quin iudiciū accipiat, de Aduocatis dictum esse, sed ad Procuratorem etiam posse transferri.

EXITVS LITIS.

Τὰ Γενικά.

- 1 Aliquem de re aliqua decernere.
- Aliquem de re aliqua contendere.
- Aliquem pro re aliqua dicere.
- Aliquem de re aliqua causam dicere.
- Aliquem aliqua lege perire.
- Aliquem conditione aliqua perire.
- Aliquem in pari causa discedere inferiorem.

Τὰ Ἐιδικώτερα.

- 2 Aliquem uno iudicio de omnibus fortunis decernere.
- De prædijs alicuius agi.
- Aliquem de re pecuniaria contendere.
- Hec omnia alterius partis tantum sunt, & ad reum spectant.
- 3 Illa communia utrisq;.
- In singulare iudicium causam omnem concludi.
- Ius alicuius rei agi.
- 4 Ad accusatorem & petitem ista pertinent.
- Aliquem iugulare aliquem ciuem.
- Eripere uitam alicuius.
- Eripere sanguinem alicuius.
- Eripere sanguinem & uitam alicuius.
- Aliquem non uelle uiuere aliquem. Graues hæ translationes sunt: & ad id iudicium adhibita ubi de capitale alicuius agitur.
- 5 Ad exitum etiam ista spectant, & sunt oratoris.
- Aliquem orasse causam.
- Aliquem perorare causam.
- Causam peroratam esse.
- Perorare causam contra aliquos.

c 4

Iudic

Iudicis est, rem iudicare.

6 *Condemnare aliquem capitis.*

Damnare aliquem capitis.

Dedere aliquem alicui cum bonis fama fortunisq; omnibus.

Iudicare secus de aliquo.

Pronuntiare qua lege & conditione aliquis pereat.

7 *Hinc illa sequuntur,*

Rem iudicare.

Condemnari aliquem capitis.

Aliquem aliqua lege perire.

Aliquem turpi iudicio conuictum esse.

Aliquem in causa superiori inferiorem discedere.

Item ista, aliquem sponcione uincere.

Aliquem iudicatum soluere.

Subiungamus in hoc loco certam cause speciem.

VADIMONIUM.

1 *Rem incipere esse in uadimonium.*

Aliquem uadari uelle.

Aliquem uadari.

2 *Aliquem uadimonium promittere.*

Aliquem alicui uadimonium promittere.

Aliquem promitti sistere aliquem, tempore aliquo. sed hoc procuratoris est.

3 *Vadimonium in aliquo loco fieri.*

4 *Aliquem sistere uadimonium.*

Aliquem sisti aliquo tempore.

Aliquem uadimonium obire.

Aliquem uenire ad uadimonium.

Aliquem se stitisse.

Aliquem quotidie experiri posse. de petitore dixit.

CONT

CONTRARIA.

- 4 Aliquem uadimonium non obire, sic & reliqua ^{ἀπόφασις} commutari possunt, ut
 Aliquem se non stitisse.
 Aliquem ad uadimonium non uenisse.
 Aliquem non sistere uadimonium.
 Aliquem deferere uadimonium.
 Non esse potestatem experiundi.
 Aliquem experiri non posse.
 Desertum esse uadimonium.
 Desertum esse alicui uadimonium.
 Deseri uadimonium.
 Non obitum esse alicui uadimonium.
 Neminem defendere aliquem iudicio hoc ad procura-
 torem refertur.

AD PETITOREM SPECTANT.

- 5 Aliquem annum & sex menses nihil petere.
 Aliquem producere aliquem conditionibus quoad
 potest.
 Aliquem quiescere.
 Aliquem differre cum aliquibus uadimonium.
 Aliquem non amplius uadari.
 Aliquem uadimonium missum facere.
 Multa uadimonia differre.
 Rem tacere in controuersijs aliquo calumniante.

COMMVNIA VTRIQVE.

- 6 Vadimonia differri,
 Vadimonium omnino nullum esse.
 Sine uadimonio discedi.
 Addamus huic loco, quoniam in istud genus causæ sæ-
 pe incidunt, satisfactionem & sponsonem.

SATISDATIO.

- 1 Aliquos inter se satisfdare.
- 2 Aliquem debere satisfdare.
 Aliquem ex decreto prætoris satisfdare.
 Aliquem aliquibus uerbis satisfdare.
 Aliquem satisfdare iudicatum solui.
 Aliquem satisfdare alicui iudicatum solui.
- 3 Aliquem satis accipere ab aliquo.
 Aliquem aliquibus uerbis ab aliquo satis accipere.
 Aliquem iudicatum solui, satis accipere ab aliquo.
 Aliquem iudiciũ accipere in ea uerba quæ aliquis edit.
 Aliquem ex decreto prætoris iudicium accipere. sed
 hoc generalem significationem habet, & fit sæpe
 sine satisfdatione, aut sponfione.

SPONSIO.

- 1 Postulare aliquid in aliqua uerba.
 Aliquem sponfionem facere.
 Aliquem sponfionem facere cum aliquo.
 Aliquem sponfionem de probro facere.
- 2 Aliquem in sponfionem aliquam testes dare.
- 3 Aliquem aliquid ex sponfo agere.
- 4 Aliquem sponfione uincere.
 Iam ad id quod generalius est, & omnes formas com-
 plectitur, redeamus, & quod cum genere causæ mul-
 tis habet communia.

IUDICIUM.

- 1 Iudicia fieri in aliquo loco.
 Ius in aliquo loco dici.
 Dijudicari de re aliqua.
 Iudicium esse de re aliqua.
 Iudicium fieri de re aliqua.

Aliqu

Aliquos esse in consilio.

2 *Aequitatem in aliquo loco consistere.*

Aequitatem in aliquo loco confirmari.

Aequitatem in aliquo loco consistere atq; confirmari.

3 *Aliquos uenire ad iudicem.*

Aliquos uenire ad uirum aliquem iudicem.

Aliquos biennium uersari in aliquo iudicio.

4 *Aliquem uenire ad iudicium.*

Aliquem pati.

Aliquem honestiori iudicio conflictari.

Aliquem pati iudicium.

Aliquem omnia iudicia accipere. pertinet hoc tum ad reum tum ad procuratorem: sed Cicero de procuratore dixit.

Accipere iudicium ex decreto prætoris.

Aliquem paratum esse iudicio pati.

Aliquem disceptare de re aliqua.

5 *Iudicem liberatum molestia discedere posse.*

ACTIO.

1 *Ad oratorem ista sunt transferenda.*

Aliquem cum aliquo causam dicere.

Aliquem apud iudicem causam agere.

Aliquam causam informatam esse.

Aliquem causam demonstrare.

Probare causam suam alicui perfacile.

Aliquem commodius posse causam demonstrare.

Aliquem in causa consistere.

Aliquem satis animo certo in causa consistere.

Aliquem satis animo confirmato in causa consistere.

Aliquem satis animo certo & confirmato in causa consistere.

2 *Ordinis sunt. aliquem priore loco causam dicere.*

- Aliquem posteriore loco causam dicere.
 Accusatoris atq; petitoris.
 3 Accusator Accusatores. Partes accusatoris.
 Criminatio accusatorum.
 Inaudita criminatio.
 Falsum crimen quasi uenenatum aliquod telum.
 Aliquem caput petere.
 Aliquem cupidissimè contendere.
 Aliquo iudicio partes accusatoris obtinere.
 Audire uocem accusatoris.
 Aliquod falsum crimen quasi uenenatum aliquod telum iacere.
 Aliquem incipere male agere.
 Aliquem pugnare ne aliquis in ciuitate sit.
 Aliquem iugulare aliquem ciuem.
 Aliquem oppugnare caput alicuius.
 ORATORIS ACCUSATORIS SVNT,
 4 Aliquem accusare qui defendere consuevit.
 Aliquo iudicio partes accusatoris obtinere.
 Aliquem contra caput dicere.
 DEFENSORIS.
 5 Aliquem inuenire aliquem patronum.
 Aliquem paratum esse aliquem defendere.
 Nil precari.
 Perducere aliquem aliquibus rationibus ad suas conditiones.
 Patronum causam defendere.
 Defendere aliquem.
 Defendere aliquem iudicio.
 Aliquem iudicio defendi.
 Omni recta ratione aliquem defendere.

Defend

Defendere aliquem per Magistratum.
 Aliquem defendere se contra aliquos.
 Aliquem aliquo loco consistere contra aliquem.
 Causam alicuius apud aliquem consistere.
 Aliquid alicubi consistere.
 Aliquid in aliquo loco consistere atq; confirmari.
 Aliquem commode posse rationem reddere.
 Aliquem Rei famæ consulere.
 Aliquem ius suum contra aliquem obtinere.

PROCVRATORIS

SVNT ILLA.

- 1 Aliquem procuratorem relinquere.
 Relinquere procuratorem in aliquo loco.
 Aliquem esse procuratorem.
 Esse procuratorem Romæ.
 Aliquem iudicium accipere pro aliquo.
- 2 Aliquem defendere absentem.
 Defendere aliquem iudicio.
 Defendere aliquem per ius & magistratum.
 Aliquem ab aliquo defensum esse.
 Aliquem absentem defensum esse.
 Hæc commutantur per ἀντιδικησά, & fiunt contrariarum sententiarum formæ.

ADVOCATIONIS.

Aduocatio. aduocati.
 Aduocare aliquem.
 Aliquem copiosa aduocatione uti.
 Aliquem aduocare potentes disertos nobiles omnes.
 Aliquem adhibere uim ueritati.
 Interea recusantes nostros aduocatos acerrime sum-
 moueri.

Non

Non inepte his adiungetur, ἡ δικαιοσύνη καὶ τὸ νόμιμον καὶ
τὸ ἰσχυρὸν, priusquam ad Magistratum personas
ueniamus.

IUS ET LEX.

- 1 Ratio recta. ratio honesta.
Recta atq; honesta ratio.
Vetusta consuetudo & ratio. mos & institutum.
Ius & consuetudo.
Ius. ius par, ius alicuius. iura æqua.
Iura inimicissima. Iura extrema. Summum ius.
- 2 Fas esse fieri aliquid.
Aliquid ius esse.
Aliquid ius esse alicuius.
Ius alicuius rei agi.
Aliquem summo iure experiri.
- 3 Aliquem aliquid facere more & instituto.
Aliquem omni recta ratione defendere aliquem.
Aliquē omni recta et honesta ratione aliquē defendere.
Aliquem iure aliquid facere.
- 4 Rem ab usitata consuetudine atq; ratione recedere.
Aliquid non licere.
Aliquid non esse ius.
Aliquid non expedire cuiquam. sed hoc ὑγιαινον ἐστὶν,
illa uero ἰσχυρὰ.
- 5 Aliquem iura describere.
Aliquem ius in ciuitate constituere.
Aliquem iura alicuius rei nosse.
- 6 Aliquem docere quid suum ius sit.
Aliquem sibi aliquid arrogare.
Aliquem ius suum obtinere.
Aliquem ius suum contra aliquem obtinere.

Aliq

Aliquem ius impetrare ab aliquo.

7 *Alicui non inueniri æquum magistratum.*

Alicui non esse ius par cum aliquo.

Alicui ius auferri.

Eripi ius alicui potentia alicuius.

Nihil esse sanctum in aliquo loco.

Nihil esse syncerum in ciuitate.

Nihil esse sanctum atq; syncerum in ciuitate.

Aliquid multis iniurijs iactatum atq; agitatū esse.

Aliquid fieri contra ius & consuetudinem.

Reliqui sunt Magistratus: quos tres habemus in hac causa.

Prætores. Tribunos. & iudicem.

1 TA ΓΕΝΙΚΑ.

Magistratus.

Comparare aliquem magistratum.

Constituere aliquem magistratum.

Aduocare aliquem magistratum contra aliquem.

Consistere causam alicuius apud magistratū aliquem.

Aliquem ab omni magistratu agitatū atque perterritum esse.

1 ΤΑ ΕΙΔΟΠΟΙΗΤΑ.

PRAETOR.

1 *Prætores ius dicere.*

Aliquem ire ad prætores.

Aliquem postulare aliquid à prætore.

Prætores decernere aliquid.

Prætores edicere aliquo modo.

Prætores iubere aliquem satisfacere.

Prætores malle fieri iudicium de probro quàm de re.

Præt

Prætozem iudicium constituere ita &c.

Edictum prætoris.

Fieri aliquid ex edicto prætoris.

Fieri aliquid iussu prætoris.

Ex edicto prætoris bona alicuius esse possessa.

Ex edicto prætoris mittere in possessionem.

Tribuni PL.

Magistratus auxilij causa constitutus.

Alicuius procuratorē à prætore ad Tribunos appellare.

Petere à tribunis auxilia.

Appellare Tribunos.

I V D E X.

1 Iudex.

Gravitas iudicis.

Virtus iudicis.

Gravitas & virtus iudicis.

2 Aliquos venire ad iudicem.

Confugere in alicuius iudicis fidem.

Aliquem sumere iudicem.

Confugere in alicuius iudicis veritatem, fidem, misericordiam.

3 Aliquem iudicem sibi aduocare aliquos.

Aliquos esse alicui in consilio.

Aliquos in consilio adesse.

4 Veritatem apud iudicem valere.

Fidem iudicis consolari aliquem.

5 Apud aliquos consiliū ex veritate nō ex opibus pēdi.

Iudicem non libenter iudicare de capite alterius.

De πρᾶξι-αὐτοῦ dicitur.

Aliqui qui consuluntur.

Esse aliquos qui consuluntur.

Concur

Concurrere ad aliquem eorum qui consuluntur.

Hic unus est locus causarum forensium, copiosior quidem quam legendo aliquis potuisset animaduvertere: tamen non plenus, propterea quod ex hac oratione tantum est conflatus. Neque enim in uestris Pandectis nihil desideratur, eorum quæ comprehendere debent cōmunia illa capita, quæ Tituli à uestris autoribus sunt appellati. Sed rerum tum uarietas, tum usus locos copiosos plenosq; facit. neque uno loco non solum illi ampli atque diffusi in particulas multas impleri non possunt, sed ne illi quidem qui natura sunt angusti, statim omnia possunt habere acervata. Nam cum ex societatis ratione hoc iudicium ortum sit, tamen nō multe sunt loquendi formulæ in hac causa quæ ad eam rem pertineant. Præter has enim nullæ sunt aliæ, quas quidem nos uidimus.

☛ Societas.

Voluntaria societas.

Hæreditaria societas.

Societatis iura.

Res atq; ratio societatis.

2 Aliquem nosse societatis iura.

3 Res gesta & contracta.

Rem gestam & contractam esse.

Aliquem societatem cum aliquo facere.

Aliquem sibi socium aliquem adiungere.

Aliquem facere societatem aliquarum rerum.

Alicui cum aliquo societatem intercedere.

Alicui cum aliquo societatem esse.

Aliquem socium edere in bonis alicuius.

Aliquem esse socium.

f

Aliq

Aliquem cum aliquo societatem coire.

Aliquem cum aliquo coire societatem uoluntariam.

4 *Aliquem aliquid in commune conferre.*

Aliquem aliquid impendere & in commune conferre.

Aliqua comparari in aliquo loco.

Saltus agerq; communis.

Aliquid de cōmuni ad se in priuatū domū seuocare.

5 *Aliquem magna fide societatem gerere.*

Fide societatem coli.

Aliquem iura societatis non nosse.

Fraudare aliquem in hereditaria societate.

6 *Aliquos communicare inter se de tota re atq; ratione societatis.*

Aliquos decidere de rebus rationibusq; societatis.

Societatem alicui debere aliquid.

Neq; ex societatis ratione neq; priuatim aliquem alicui debere aliquid.

De rationibus & controuersijs societatis dijudicari.

Ius societatis agi.

Angustus est hic locus, neq; tamen ob id est negligendus. in raris sepius existit destitutio, & in illis quæ abundant turpius est, si erretur. Quare utrunque diligenter cauendum est, ut neq; in tenuibus destituamur: neq; in accumulatis peccemus. quorum alteri uenia non datur, alterum neglectæ exercitationis est indicium. Possem totam orationem dissolutam, & ad suas sedes redactam in hoc opere explicare, & enumerare, non solum rerum, sed etiam uerborum, tum singulorum tum coniunctorum locos omnes, sed quia nimis id longum est, satis esse credo si ad harum rerum inuestigationem excitem. Nam in libris de ratione loquendi scribendiq; Latine,

tinē, eadem præcipimus, perficimusq; in hoc loco pro-
 positum nobis est, non absoluerē ea quæ necessaria sunt
 ad instaurandam eloquentiam, sed indicare solum qua
 uia possumus ad eiusmodi facultatem uenire, quam ue-
 teres illi tum Latini tum Græci sunt affecuti. Ad hanc
 rem utilissimum est, & certè quidem necessarium, col-
 lectas habere sententiarum formas. Tametsi enim res
 eadem apud omne genus hominum sunt: tamen eadem
 non sunt rerum apud omnes signa. Nam ut literarum
 non easdem omnes gentes figuras habent: sic etiam di- 10
 uersa inuenerūt constitueruntq; rebus uocabula, & dis-
 similes fecerunt uerborum coniunctiones: quas qui igno-
 rat, non sibi puritatem eius sermonis, quem profite-
 tur, potest arrogare. Hanc rationem Cicero in con-
 uertendis Græcorum scriptis uidetur secutus esse. Scri- 15
 bit enim in præfatione, quam præposuit Aeschynis
 atq; Demosthenis duabus illis laudatis orationibus ad
 hunc modū: Conuertere enim ex Atticis duorum eloquē-
 tissimorum nobilissimas orationes inter se contrarias,
 Aeschynis Demosthenisq; nec conuertere ut interpres, 20
 sed ut orator sententijs iisdem, & earum formis tan-
 quam figuris, uerbis ad nostram consuetudinem aptis,
 in quibus non uerbum pro uerbo necesse habui reddere:
 sed genus omne uerborum uimq; seruaui. Non enim
 me annumerare lectori putavi oportere, sed tanquam 25
 appendere. Qui hic intelligit, quas uocet Sententias,
 quas Sententiarum formas, & quomodo à figuris for-
 mæ distinctæ sint, & quid sit Annumerare uerba, quid
 Appendere: facile uidet, quam rationem in uertendo se-
 cutus sit Cicero. Explicemus igitur quæ sint illæ senten- 30
 tiarum formæ, de quibus Cicero scribit. Nunquam
 f 2 otios

- otiosus est humanus animus, nouasq; perpetuo colligit sententias, quibus de rebus ipse aliquid statuatur. Res nature apud omnes eadem sunt, & eadem apud omnes cum ueræ sunt, rerum sunt sententiæ. Eadem enim Ho-
- 5 minis, Leonis, Elephantis apud omnes homines est forma, neque illæ definitiones certæ, quibus singulorū formæ explicantur, cum ueræ sunt, uariant. Illa uerò quæ ab opinione oriuntur animorum sensa, magnam uarietatem habent. Constituantur igitur res, tametsi rebus ac-
- 10 cidentibus sint distinctæ, tamen in suo genere, eandem habere formam. Sententias uerò de rebus conquistis aut perpetuas stabilesq; esse, aut non habere necessariam consensionem. Vtrunque uerò genus intus in animo inclusum maneret: nisi nature autor Deus nobis & uo-
- 15 cis instrumenta, cum spiritu, & ipsarum cogitationum quasi quasdam concessisset figuras. Alter enim alterius sensa nunquam uidit, imago uerò eorum aut inscribendo per oculos, aut in pronuntiando per aures ad animum potest deferri. Sententias Aristotelis παθήματα τῆς
- 20 ψυχῆς, harum formas σύμβολα, figuras uero δμοιώματα uocat. Quemadmodum enim sensus mouentur pro rerum obiectarum natura, sic animum comprehensiones sententiarum ita afficiunt, ut illæ res solent, quarum ipse sunt simulachra. Sed si sub aliquem sensum cadant illa simulachra, Figure: si uero ad animum perti-
- 25 nent etiam Formæ sunt nominatæ. Figure enim ἀπεικονισµατα sunt & ἀποµαζεις rerum, & à pictoribus atq; fictoribus ostenduntur: Formæ uerò σύμβολα. sed non omnes formæ sunt figure, omnes uero figure formarum nomen assumere possunt. In oratione igitur Formæ dis-
- 30 tinctius diiuntur, quàm Figure. Hæ uariæ sunt & diuer

diuersæ apud omnes gentes, & quemadmodum apud omnes non ijdem neq; mores, neq; instituta, neque uestes, sic uerborum alia uis, alia compositio est singulis nationibus. Videamus igitur in oratione illa Demosthenis contra Aeschinem, quæ sint formæ Latinæ, & quæ

Atticæ, sic enim melius id de quo dicimus cognoscetur. Sumamus primam illā cōuersionem, quæ est in principio, eāq; dissoluamus, uideamusq; quæ habeat cōmunia cum Latino, & quæ propria Græcus sermo.

πρῶτον μὲν ἂν εἴποις ἀθηναῖοι τοῖς θεοῖς ἑυχομαι πάσι καὶ πάσαις, ἵνα εὖ νοήσῃ ἡ χώρα ἐγὼ διατελῶ τῇτι πόλει καὶ πάσῃ ὑμῖν προσάτω ὑπέρβαί μοι παρ' ὑμῶν εἰς τοπονί ἢν ἀγῶνα.

Primum ego à Dijs Deabusq; omnibus precor, Athenienses, ut quam beneuolentiam constanter erga Rempublic. omnesq; uos habeo, eandem mihi in hoc iudicio præstetis. Multa Græcus sermo hic communia habet cum Latino, ut πρῶτον, θεοί, ἑυχομαι, ἡχω, πόλις, πᾶς,

ὑπέρβαί. Nam etiam Latinus est, primum, deus, precor, habeo, ciuitas, omnis, existere, & magna in singulis est similitudo. Veruntamen in singulis quoq; sepe magna est dissimilitudo. Nam non eo modo Latini perseuerare dicunt, quo Græci διατελῶν, & quanquam magna est affinitas inter causam & ἀγῶνα, tamen non ex eodem sunt deriuata fonte. Deinde tametsi etiam singula atque solitaria eiusdem sint sepe generis, tamen in coniunctione plerunque non eandem uim habere possunt.

Quanquam enim ut Græcum est εὖ νοήσῃ ἡ χώρα, sic Latinum Beneuolentiam habere, tamen Latini habere beneuolentiam erga aliquem usitatus dicunt, Græci εὖ νοήσῃ ἡ χώρα πρὶν receperunt: & Præstari beneuolentiam alicui Latinius esse puto, quàm Esse: sed tamen

- Græci ὑπερχαίρειν τὴν ἑνωσίαν habent. Deinde consuetudo multa immutat: Græcis familiare est dicere ὁ ἄνθρωπος ἀδελφός, Latini duo illa priora plerunque abijciunt. Hinc est quod Cicero in quæstionibus Tusculanis ex-
- 5 posuit, Magna me spes tenet, iudices. at apud Platonem est ἡλὼς μὲν ὁ ἀνθρώπος ἀδελφός. Sed & Latine legimus, non apud Poëtas solum, ô Tite, ô Melibœe, uerum etiam apud Oratores, ô Marce Druse: uerum in coniunctione rerum differentium uidendum est, quid sit usitatus. Ad hæc nominum sæpe casus adferunt dissimilitudinem. apud Græcos est οἱ πάντες καὶ πᾶσα, Latini per omnes exprimere idem non possunt, per uniuersos possunt, sed non eadem uis significandi, ideoq; retinendum est Latinum illud, Deos Deasq; omnes, & à Dijs
- 15 Deabusq; immortalibus precor. à Dijs Deabusq; omni bus opto. hoc enim apud Græcos ἐν χρισθῶν significat. Itaque ut Latine pureq; loquamur, nō numeranda sunt aliarum linguarum uerba, sed appendenda. Appenduntur autem Significatione, Sono, utroq; , & numero, ut
- 20 peræquè sint grauias, sonantia, plena, numerosa atq; illa fuerunt, quæ sunt conuersa. Quamobrem si non omnia uerba poterunt à Græcis conuertere, tamen ut generis eiusdem sint elaborandum est, & conandum, ut uis eadem in significando maneat: & si erunt diuersi numeri, efficiendum est ut neq; dissimilis compositione, neq; interuallis impar modus conficiatur. Id fiet uerborum Præpositione, Postpositione, Interpositione, Appositione, Commutatione. In his igitur uelim pueritiæ disciplinam institui, ut non solum Poëtas atq; rerum gestarum scriptores le-
- 30 gant, quorum alteri persæpe, alteri propè semper à quotidiano more uerborum tum genere tum compositione abhor

abhorrent : sed etiam Oratores legant , qui in communi
 usu, & uulgi consuetudine & sermone manent, atq; ita
 legant , ut Oratores ante Poëtas & Historicos cogno-
 scantur. In omnibus uerò locos & rerum & uerborum
 conquirant , eosq; & plenos faciant , & exercitatione 5
 notos habeant, sintq; ipsis cum erit opus in promptu.
 Facilis ratio est colligendorum atque etiam distinguen-
 dorum locorum : at hæc enumeratio rerum quæ ad elo-
 quentiam comparandam necessariæ sunt, prolixam tra-
 ctationem recusat : quare de reliquis posthac etiam ali- 10
 quid explicemus. Subtilis illa ratio tertio loco collocata
 est, qua præcepta Rhetoricæ traduntur, & ille futurus
 Orator informatur. Per hanc enim primus aditus pate-
 fit ad dicēdi rationem : illa duo huc adferri , non ex hac
 peti debēt. Sed addendus est Sermo quotidianus, ut prius 15
 quàm discant dicere adolescentes , sciant loqui. Verūm
 enim non illam ex nostro loquendi more consequemur.
 Vitiosè pleriq; omnes loquimur, & deformata uerba La-
 tina sunt nostra consuetudine, ad quam emēdandam ne-
 cessaria est illa ratio cōgregandi, disponendiq; sententia 20
 rum formas : quās tum Loquendi consuetudine, tum styli
 exercitatione quasi in manibus, quoties erit opus, habe-
 re debēmus. Sed Diligētia, Ratio, atque Commoderatio
 in utroq; est adhibēda, ne illa consuetudine ineptam ali-
 quam loquacitatē adiūgamus. Est enim uerū quod à Cras- 25
 so dicitur, peruerse dicere homines peruerse dicēdo facili-
 me cōsequi. Verūm deducamus nunc eū, qui natura opti-
 ma præditus est, qui Grāmaticos magno eū fructu audi-
 uit, qui scit loqui Latine, ad dicēdi magistros. Quid huic
 Frossi, si eruditi, si uiri boni sunt proponent ? Artem 30
 nimirum atq; exercitationem. Ars ipsa breui præceptio-
 f 4 ne po

- ne potest traditiā Exercitatio, sed plus requirit & lae-
boris & tēporis. Sunt enim omnia praecepta ad ea refe-
renda, quae in Oratoris sunt officio, ad Conciliandum,
Docendum, Mouendum. Traditae sunt igitur partiti-
5 nes questionum, statuum, causarum civilium, locorum
in quibus latent argumenta, explicatae sunt omnes ora-
tionis partes, ostense sunt rationes quibus animi eorum,
qui audiunt, concilientur, incitentur, reprimantur, habe-
mus doctrinā de ornamentis orationis, ut pura, ut plana,
10 ut ornata, ut apta conficiatur. Haec omnia breui tem-
pore doceri poterunt, si multitudo atq; uarietas praece-
ptorum uitetur. Nam non modò ad discendum, sed etiā
ad docendum satis est, cognouisse ea, quae Herennio prae-
cepta in manibus sunt, & quae de oratore ad Q. Fratrem
15 scripsit Cicero, & tres libros Rhetoricos Aristotelis, &
Hermogenem, quibus Partitiones Oratoriae adiungēdae,
ad conseruandam memoriam. Tria enim in horum co-
gnitione atq; cōparatione sunt spectanda, Explicatio
facilior, Adiunctio eorū quae desunt, Delectus. Certa enim
20 & perpetuo proposita esse debent quae discuntur, deinde
plena atq; perfecta, quae cum non bene intelligūtur, mul-
ta solent adferre incommoda. Sed nihil in his tam firmat
& erigit ad agendum laudabiliter aliquid oratione ani-
mum, quā Dialectica, quae cum oratoris arte rectè con-
iungitur. Vtraq; enim alteri aduersus alterum est, ut ait Aristote-
25 les, & quasi ad eundē ambae chorū acciuntur. Ergo
qui proposito oratoris officio, quod cōciliando, docēdo,
mouendoq; continetur, genera nouit tum finitarum tum
infinitarum questionum, & ad has, causarum status (sic
30 enim ex Graeca lingua conuertunt) potest accommoda-
re, ipsosq; status per sua capita dispensare, & qui locos
cognit

cognitos habet, ex quibus tum hæc muniat, amplificet,
 ornet, tum singulas orationis partes in uno quoque cau=
 sarum genere impleat, ad præparandum, ad docendum,
 ad turbandum, aut quoquo modo afficiendum, cum qui
 audit, necessaria enim est doctrina de affectibus: qui hæc, 5
 inquam, omnia tenet, neque imperitus est Dialecticæ, fa=
 cile poterit ita dicendi præcepta non nullo tempore, si
 commodum nactus sit ingenium, si instructum sit idem
 uerborum copia, tradere. Sed de exercitatione nunc est
 præcipiendum. parum enim profunt præcepta, nisi ac=
 cedat exercendi consuetudo: quæ procreatrix est omnis 10
 habitus. Eam diuidimus, in domesticam, & publicam:
 sed nobis instituta ratio est de domestica, quæ umbrati=
 lis est, & subitur magno quidem illa tædio, sed tamen
 ἀσκησις, sine clamoribus, sine omni acie atque agni=
 ne cruenti prælij. Illa igitur siue domestica siue ludia 15
 cra in scholis Rhetorum exercitatio perficitur annota=
 tione præceptorum, memoria, imitatione, commenta=
 tione, stylo, consuetudine declamandi. De his sex
 antè nobis scribendum est, quàm ad ea, quæ adhuc ex 20
 illis nouem restant, perueniamus. Post igitur cogni=
 ta præcepta, aut etiam quod fortasse melius est, post in=
 choatam hanc doctrinam, proponendi autores sunt, in
 quibus, quæ in illa disciplina tradita sunt, quæ que tra=
 duntur, aliquando etiam quæ post sunt tradenda, indi=
 centur. Sed oratores principio sumendi sunt, Poëtæ tum, 25
 cùm quid deceat, poterit cognoscere. Verùm illi etiam
 non multo post tempore adhibendi. Augetur enim ex il
 lis orationis grauitas, non tam uerbis aut eorum compo=
 sitione, quàm tractandi modo, atque dictionis genere. 30
 Ostendamus igitur in hac oratione quid sit obseruandū.

f 3 nimi

- nimirum inuestigandum est ubi ea sint quæ sunt antea tradita. Antequam igitur ad partes orationis singulas ueniat, indicandum est primum Questionis genus, deinde id in quo est controuersia, quem Statum in scho-
- 5 lis uocant. Postremo ea, ex quibus ipse Status probatur, hoc est, τὰ κριτέλαια. Nam illa apud Hermogenem capita, quid aliud sunt, quam loci uniuscuiusque controuersie proprii. Cognoscuntur autem hæc in eo loco maxime, ubi ipsa constituitur controuersia: quod fit plerumque post
- 10 narrationem, uel propositionem, uel partitionem, ut in hac causa: Negamus te bona P. Quintij Sexte Neui, posse disse ex edicto prætoris. In eo sponsio facta est. Ex hac enim sententia tum questionis species, tum status intelligitur. Finita enim est, quia est personarum complexio,
- 15 Neui scilicet et Quintij. Status uero qualitatis, quia negat ex edicto, hoc est ex more et instituto et recte esse possessa. Sequitur iam partitio, quæ capita controuersie siue status indicat. Ostendam primum causam non fuisse, cur à Prætoribus postulares, ut bona Publij Quintij possideres: deinde ex edicto non potuisse possidere: postremo
- 20 non possedisse. Hæc omnia confirmantur ex locis coniecturæ. Quare confirmationis propositio, ad illud genus controuersie referendum est, in quo qualis sit res inuestigatur. Confirmatio uero propè tota σοχαστικὴ est, cum quaeritur an debuerit, an uadimonium deseruerit: hoc est, an aliqua sit causa cur postularet, an latuerit, an exilij causa solum uerterit: hoc est, an possederit ex edicto, an omnia possederit, fuerint ne aliqua non possessa: hoc est, an omnino possederit. Assuescant igitur adolescentes, quemadmodum ex narratione argumentum, sic ex
- 30 constitutione causæ atque partitione, eruere tum questionis

fitionis genus, tum id de quo est iudicium: atque distinguere
 confirmationis propositionem ab illis, per quæ id, quod
 propositum est, munitur. Vtile autem est primū omnium
 laborem in harum trium conquisitione suscipere. Quem
 admodum enim Antonius non prius ab Oratore uult ex- 5
 ordium fieri, quàm tota ipsa causa pertentata sit, atque
 perspecta: sic etiam ante oratio illa quam uolumus com-
 gnoscere tota legenda est, et perspicenda ἡ προεστρατευμένη
 quàm de singulis partibus aliquid constituatur. Προε- 10
 στρατευμένη uoco, causæ primam expositionem, et parti-
 tionem præcipuam. Nam et Crassus constituere causam
 dicit, hoc est, προεστρατευμένην. Sed et rei gestionem uti-
 le est ante cognouisse: itaque etiam inspicienda est narra-
 tio priusquam aditus causæ examinetur. Post hanc con-
 siderationem ad partes est descendendum. Vis enim ex- 15
 ordij non extrinsecus, ut ait Antonius, sed quasi ex ui-
 scribis causæ trahi debet, quæ ex reliquis omnibus ma-
 gis, quàm ex ipso principio possunt uideri. Proprium
 munus exordij est, conciliare nobis eum qui audit. accen-
 dit eò ut etiam doceatur breuiter, atque excitetur ad au- 20
 diendum. Ad conciliationem tria pertinent, οὐσία, δια-
 βολή, δύσις διαβολῆς. Nam si ante nos dixit aduersarius,
 periculum est ne alienatus sit à nobis iudex, igitur bre-
 uiter resistendum eius criminationibus, et ipse rephen- 25
 dendus est, et commendandus est is reus, pro quo nos
 causam suscepimus. Sed hæc siue commendatio, siue
 conciliatio, aut ἡδὺς habet, aut incommodorum ἀπα-
 γήμιον, aut ex utroque profectam ἀγίσμιον. uiro enim
 bono siuent homines, et eidem calamitoso atque labo-
 ranti, libenter boni succurrunt: et adsumus libenter, 30
 tum semper uiro bono atque laboranti, tum præcipue si
 iti

- ita rogemus, ut ipsa postulatio cum laude iudicis absque adulationis suspitione coniungatur. admittit quoque uir bonus atque seuerus laudem, eaq; utilitatem adfert, sed odiosa est assentatio, ingrataq; blanditiæ sunt. Denique
- 5 quæcunque significationem uirtutis habent: illa conuenienter adhibita beneuolentiam pariunt. Hinc illæ etiam in defensionibus peccatorum sæpe auditorem mouent, notæ enim non rarò sunt animi aut simplicis aut summissi. Ac quid in hac causa aliud Cicero elaborat,
- 10 quàm ut multitudinem incommodorum, ac periculi magnitudinem ostendat? In quo illud etiam annotandum est, Euentorum denuntiationes magnam uim habere ad excitandum, flectendum, omnemq; rationem turbandum animorum. Ex hoc genere est: certe aut apud te,
- 15 & eos qui tibi adsunt, ueritas ualebit: aut ex hoc loco repulsa uir, locum ubi consistat, reperire non poterit. Sed hic nimia sollicitudo suspecta est: quare ne uideamur dubitare de fide iudicis, ut in multis locis exordiorum, ita hic quoque occupationibus est utendum, cuius-
- 20 modi illud est, Non eò dico C. Aquili, quò mihi ueniat in dubium tua fides, & constantia. Nihil enim tam est uitandum, quàm iudicis offensio: mouere atque turbare eum debemus: non possumus sine nostræ partis periculo offendere. Quare quæ ratio sit mouendorum animorum,
- 25 penitus est cognoscenda: plus enim ad uictoriam adferunt auxiliorum sententiæ, quæ mouent in tempore, quàm quæ docent. Duo enim sunt ut orationis, sic sententiarum genera. Vnum est quod docet tantum, & nudè atque simpliciter exponitur: ut Hæredem testamento re-
- 30 liquit hunc P. Quintium. Alterum quod coniunctum est, & ad mouendum in primis pertinet: ut illud, Vt ad quem

quem summus moror morte sua ueniebat, ad eundem
 summus honor quoque perueniret. Sed duobus modis
 tum docemus, tum afficimus. Vnus fit expositione soli-
 taria: ut, Cum uadimonia sepe dilata essent, & cum ali-
 quantum temporis in ea re esset consumptum, neq; quic-
 quam perfectum esset, uenit ad uadimonium Neuus. 5
 Item illa: Verum ita scire habet, ut ego, qui neque usu
 satis, & ingenio parum possum, cum patrono disertissi-
 mo comparer: P. Quintius cui tenues opes, nullæ faculta-
 tates, exiguæ amicorum copię sunt, cum aduersario gra- 10
 tiosissimo contendat: illa ad docendum ualent, hæc ad cõ-
 ciliandum. Alter modus est, cum etiam adiungimus ap-
 probationem: ut, Nec mirum si eius utebatur consilio,
 cuius auxilium sibi paratum putabat: hæc probationem
 tantum habet, illa ad turbandum etiam spectat: Etenim 15
 si ueritate amicitia, fide societas, pietate propinquit-
 as colitur: necesse est iste, qui amicum socium affinem fama
 fortunisq; spoliare conatus est, uanum se, & perfidio-
 sum, & impium esse fateatur. In constituendis causis
 in proponendo atque distribuendo, & sepe in narratio- 20
 nibus, illo primo genere sententiarum utimur, quod nu-
 de rem exponit. Quæ tantum mouent, exordijs sunt a-
 ptiores: quæ simul cum proponunt affirmant, sepe in
 narrationes, semper in confirmationes cadunt: quæ ue- 25
 rò ratione adiuncta mouent, perorationum sunt pro-
 prie. Sed nihil ita proprium est, quod non aliò aliquan-
 do aut possit aut debeat transferri. Attamen scire oportet,
 quid in unaquaque re perpetuum sit: quid aliunde
 deceat assumi. Illud etiam admonendum esset, enumera-
 tiones illas incommodorum comparatione atq; conque- 30
 sitione fieri uehementiores, nisi duo magis ad metho-
 dum

- dum dictionis, atque elocutionem pertinerent, quàm ad rationem inueniendi. Sed est utile ad docendam atq; afficiendum scire, contraria quoque & dissimilia conquirenda esse. Atq; hinc est quod non solum Quintij inopia
 5 atque solitudo denuntiatur, sed ex altera etiam parte, gratia opesq; Neuij oppositæ sunt: neq; tantum Cicero ingenium suum exiguum esse significat, uerum Hortensium quoque è regione statuit: quo res clarè demonstrata plus ualeat ad id, quod cupit consequendum. Quancum
 10 sepe & sine comparatione res explicantur; ut in hoc principio quæ de aduocatione Neuiana, quæ de pretore, & de agendi ordine conqueritur. uerum ut monui obseruandum est, quid perpetuum teneatur, quid aliquando adferatur. Commendatione plerumq; opus est in omni
 15 uestibulo orationis, aliquando criminatione, sepe criminum refutatione, propè semper expositione: sed rarius illæ similitudines adhibentur: Ita fit, ut ego qui tela depellere & uulneribus mederi debeam, tum id facere cogar, cum etiam telum aduersarius nulum iecerit. Sed illa
 20 similia tum demum adhibentur, cum aut ornatum decentiorem, aut uim maiorem adferunt. Itaq; hæc ad imitandum sunt obseruanda, illa tenenda. Hoc eò dico, ut intelligatur esse aliqua, quæ in arte præcipiuntur talia, ut semper sint adhibenda: quædam uerò quæ aliquando.
 25 Necessitatis sunt, quæ sunt perpetua: Doctrinæ atq; usus magni, quæ non, nisi cum decet, possunt interferi. Sed nunc ad Narrationem ueniamus, de qua non multiplex etiam est præceptio. Quid enim aliud traditur, quàm cum unius generis est, eam esse debere aut ἀπλῶς, aut
 30 ἰσχυριστικῶς, aut ὑποθετικῶς. Nam uel nudè rē exponimus, si est humilis: uel si est dubia, ita narraamus, ut singulis

lis sententijs suas adiungamus causas atque rationes: uel
 si est magna, atque indigna, non satis est nobis intelligi
 totum negotium, nisi etiam quasi oculis cerni uideatur.
 Primo igitur genere in rebus paruis & apertis, altero in
 obscuris & dubijs, postremo in grauibus, magnis, peri-
 culosis utimur. Duo illa posteriora copiosius tractan-
 tur, commemoratione παραλειπομένων, πραττομένων, α-
 νων, λογισμών. Sed illa tria genera, raro singula totam
 orationem occupant, plerunque duo, sepe omnia adhi-
 bentur. Nam tametsi huius causæ expositio multa ha-
 beat quæ ὑποτιθέσθαι sint, tamen illa nuda sunt atque
 solitaria. Libellos Sext. Alphenus procurator P. Quin-
 tij, familiaris & propinquus Sex. Neuij deijcit, denun-
 tiat sese procuratorem esse, istum æquum esse famæ for-
 tunisq; P. Quintij consulere, & aduentum eius expecta-
 re: quod si facere nolit &c. Sed reliqua illa duo gene-
 ra tractantur fusiüs adiunctione eorum quæ dixi. Fit
 autem illa adiunctio aut Præpositione, aut Postpositio-
 ne, aut Interpositione, causarum & consiliorum: aut
 hæc ipsa extra conuersionem ponuntur separatim. Hic
 enim seorsim causa facta postponitur: heredem testamen-
 to reliquit hunc P. Quintium, ut ad quem summus mœ-
 ror morte sua ueniebat, ad eundem summus honor quo-
 que perueniret. Hic cōiunctè. Nec mirum, si eius uteba-
 tur consilio, cuius auxilium sibi paratum putabat. In ista
 interponitur. Hic cum rem Gallicanam cuperet inuise-
 re, hominem in præsentia non uadatur. Præponitur cau-
 sa siue ratio separatim in illis. Ait se auctionatum esse in
 Gallia, quod sibi uideretur se uendidisse, curasse ne quid
 sibi societas deberet: hæc sunt præcurrentes rationes.
 Sequitur res ipsa, se iam neque uadari amplius, neque
 uadim

uadimonium promittere. hic uerò coniunctè Destitutio-
 ne illa percussus Quintius à Scapulis paucos dies aufert.
 Quandoq; iterantur causæ: ut, Quia quod uirum bonum
 facere oportebat, id loquebatur Neuus: credidit Quin-
 5 tius eum qui orationem bonorum imitaretur, facta quoq;
 imitaturum. hoc genus apertius est, & plus habet orna-
 menti. Eadem ratio est Consiliorum, sed differunt consi-
 lia à Causis: quòd Consilia ad eum spectant, qui fecit:
 Causæ uerò ab Oratore adduntur, etiam si ante non sint
 10 à reo consideratæ. Itaque hic Causa uocabitur. Nec
 mirum, si is qui uocem uenalem habuerat, ea que uoce
 quesierat magno sibi quesui fore putabat. Illic consi-
 lium. Qui hunc in summas angustias adductum puta-
 ret, ut eum suis conditionibus in ipso articulo temporis
 15 astringeret, assem se negat daturum. Sed finguntur ple-
 runque consilia ab oratoribus: & diligens exercitatio
 requiritur, ut subito, & conuenienter, cum opus erit,
 accommodentur. Quamobrem illud teneatis, nullum
 narrandi genus esse, quod non sit aut simplex, aut mu-
 20 nitum rationibus, aut ita explicatum, ut gestio rei quasi
 cerni putetur: Quæ uerò narrantur, aut rem esse, aut
 causam rei, aut de ipsa re consiliū. Rerum duplex genus
 est: aut enim facta sunt quæ fieri uel deuit, uel contrà,
 quæ sunt uicta: aut non facta, quæ facere oportuit.
 25 Vtrunque suas habet annexas causas, applicatq; consi-
 lia. His quatuor corpus narrationis crescit atque con-
 densatur. Quidam addunt Agendi modum: qui si admit-
 titur, ad tertium genus adhibetur, sit enim res eò illu-
 strior. Sed comprehendere potest sub Consilio. Ad hanc bi-
 30 partitam distributionem tertia diuisio addenda est, qua par-
 timur narrationū formas, in Probabilem, Apertam, Suda-

uem, nam breuitatis illa species apertæ orationis ancilla est. Omnia hæc tum in tota narratione tum in singulis membris considerantur. Sed ἡ πιδανὸν καὶ ἡ συνήμα ἀ-
quabiliter in omnibus fusa esse debet, Suauitas sæpe bre-
uiter interponitur, aliquando retinetur in omnibus. 5

Quæquam enim semper lædium fugiendum est, tamen fit non semper, ut delectatio conquisita esse uideatur. Suauis-
tatem habet ille locus, nam neque parum facetus scurra
Sext. Neuius, neq; inhumanus præco est unquam existi-
matus: & ille, Tum iste uir optimus, uereor ne se deri- 10

deri putet: quod iterum iam dico optimus. In hoc pro-
babilitas est captata: Quintius porro istum facere posse
uidebat, debere intelligebat: mentiri, quia causa cur
mentiretur non erat, non putabat: quasi domi nummos
haberet, ita Scapulus constituit se daturū. Dilucida ora- 15
tio in uniuersis spectatur magis, quàm in singulis: ac-
quiritur or- rerum ordine, & uerborum compositione.

Sed quædam reliquis, quò ille declamationes referendæ
sint: qua ex re intelligi facile potuit, nullum officium esse
tam sanctum atq; soleune, quod non auaritia comminue- 20
re, atq; uiolari soleat &c. Affectus ipsi, Froßi, etiã illi
uehementes suauitatem adferunt. Hoc ab Aristotele in

Rhetoricis est indicatum: notum enim tibi locum esse cre-
do libro secundo Rhetoricorum, διὸ καὶ ἡ δριφθεὶς ἡδὺ,
καὶ ὁ μὴρ ὁ μὴρ ἐπὶ τοῦ θυμῷ, ὅσα πολλὰ λανθάνουσιν ἐν τῷ
κατὰ τὸν λόγον. addit etiam, καὶ ἐν τοῖς πλείστοις ἐπιθυμίαις 25
καὶ ἐν τοῖς φόβοις.

illud quoq; adiungit καὶ ἐν τοῖς πένθεσι
καὶ ἐν τοῖς ἡγέμενοις. Ea causa est quemobrem
ille breues declinatiuncule in narrando ad mouendos
animos fiant. Dum enim irascuntur auditores, dum spe- 30
rant, dum metuunt, libenter auscultant, de illis rebus

- narranti, quæ res eos motus adferunt. Nunc id quod post expositionem huiusce causæ est, quidnam sit, et cuiusmodi tractationem habeat, obseruamus. Excursus illi qui à Græcis ἐκβάσις sunt nominati, cū in omnibus causarum locis sæpe utiles esse, in arte ostenditur, tum quemadmodum post rem probatam, sic post narratam etiam magnas frequenter commoditates habere, etiam illas, quæ sunt prolixiores. Sed post narrationem sæpe eadem propè est digressionum methodus, cum ex-
- 10 ordiorum ratione. nam et οὐσιότης habent, et διαδοχὴ. Et λήσις τῶν ἀντιθέσεων, et ut post exordium προπαραίτης est narrationis, sic ante confirmationem, post illam decursionem factam quoddam debet esse ueluti uersibulum antequam ad partitionem causæ ueniat, quæ
- 15 probationis est tanquam caput, ad quod omnia quæ dicentur sunt referenda: ut in hac excursionem. Commendatio enim est, cum ait, Iudicium esse C. Aquili non de re pecuniaria, sed de fama fortunisque; P. Quintij nunc. Allicriminatio: Illud etiam restiterat, quod hesterno die fecerunt, ut te in ius adducerent, ut nobis tempus quan-
- 20 diu diceremus præstitueres. Refutatio iuxta est, aut eorum quæ constat esse obiecta, aut eorum quæ ab ipso prouidentur oratore. hoc certum erat, Queritur priore patrono causam defendente nunquam perorari potuisse. illud ante prospectum, Nec illud mihi arrogabo, me posse commodius causam demonstrare, quam antea demonstrata sit. προπαραίτης uerò cum illa sit declinatione ad aduersariū, Faciam quod te sæpe aduersti facere Hortensi, totam causæ meæ dictionem certas in partes diuidam. qui locus etiam urbanitate non caret. Illudit enim consuetudinem Hortensij in diuidendo. Sequitur igitur
- 25 30

igitur partitio tripartita. Cum uero omnis Partitio ad
certam aliquam propositionem accommodetur, utranq;
hoc in loco coniunxit, Negamus te bona P. Quintij
Sexte Neui possedisse ex edicto Prætoris. Propositio hæc
est confirmationis, uerum quoniam illa uarie probatur, 5
et quia unius conclusionis argumenta plura esse pos-
sunt, ut traditur in Dialecticis, eò Partitio additur, quæ
confirmationem intra certos terminos teneat. Ostens-
dam primum causam non fuisse, cur à prætore postu-
lares et c. Sed in hac causa repetita est Partitio, quæ cau- 10
sa est quod ἀξιωμα interposuit: non enim dissimulat Ci-
cero diligentiam, quantacunque potuit adhibere. Con-
sideratis autem in partitione atq; tota προκείμενῃ, illis
quæ in arte præcepta sunt, proximum est ut ad Confir-
mationem descendatur, quæ sæpe uarijs nititur proba- 15
tionibus. Nam cum hic summa questio proposita sit, ne-
gamus te bona P. Quintij ex edicto Prætoris possedisse:
ad confirmandam tria adferuntur, Non enim fuit
causa, cur postulares, non potuisti ex edicto possidere,
non possedisti: et hæc ipsa uariè comprobari solent. 20
Nam ad confirmandum non fuisse causam cur postula-
ret, duas adiungit rationes, quod non debuerit aliquid
P. Quintius, quod uadimonium non deseruerit. quæ duo
ad coniecturæ capita pertinent. Enumerat Hermogenes
decem, quibus omnis coniectura iudiciorum stabilitur, 25
ἡδραρχαίῳ, ἐλέγχῳ, ἐπαίτησιν, βούλησιν, δυνάμειν, τὰ ἀπ' ἀρχῆς ἄχρι τῆς αἰτίας, ἀπλητίῳ, μετὰ πλητίῳ, μετὰ δόσειν ἀπίας, πῶς
θανῶν ἀπολογία, καὶ ὅτι ποιεῖται. Sæpe enim fit, ut actionis
ratio à nobis recusetur: quale est, Iniquè fit, me, qui
caput alterius defendam, priore loco causam dicere. et 30
si testes sint, si quæstiones habite, magis constat de facto:

- Voluntatis etiam significatio, atq; agendi facultas multum ad probandum ualent. quæ ipsa duo ex loci, temporis, causarum, personarumq; complexu stabiliuntur. Illa enim sunt τὰ ἐν ἀρχῇς ἀρχὴ τῶν, quæ cum rebus sunt coniuncta. Multum etiam ad debilitandam criminatorem aduersarij adfert, posse rectè ratione defendere, ea quæ tanquam propriæ rei notæ proferuntur ab accusatore. Et in hac defensione illa μετὰ τῆς uehemens est, Non rectè postulasti, ut bona P. Quintij possideres:
- 10 Et si rectè id facere potuisses, tamen non decebat amici, socij, propinqui, bona postulare. qui locus quoniam ad mouendum multum est accommodatus, etiam et xavij ἐν τῇ ἐστὶν illustratus. Non rarò etiam causam aliam præteximus, quam eā quæ ab aduersarijs adfertur, quod
- 15 genus μετὰ τῆς ἀρχῆς Hermogenes uocat, ut Tribunos appellauimus, non quòd pati iudicio recusauerimus, sed ut contra iniquitatem Prætoris fieret intercessio. Coniunguntur etiam capita, ut hic, Eum magistrum et appellamus, qui more et instituto auxilij causa est institutus.
- 20 Quid uerò sit μετὰ τῆς ἀποδείξεως, facile intelligitur: Est enim uehemens defensio: ut, Quòd in publicum prodij, nō temeritatis argumentū, sed innocentie est: quòd sepelij, non id celandi causa, sed pietate motus sepelij insepultum. Verum hic obseruandum est, neq; in omnem causam omnia incidere capita, neq; omnia in confirmationem seuocari. Tota enim illa conuersatio παραρρητική est in exordio, quod priore loco causam dicat: sepe etiam testibus destituimur, sepe facultatem nobis fuisse certum est, quare dissimulare artis est, et uoluntatem tantū proferre. Sed quærat fortassis aliquis, Quomodo illa quæ
- 30 Græci κινήματα uocant, differant ab argumentorū locis? ut hoc

ut hoc intelligatur, uidendum est discrimen quod est inter ἡρώματα, σώσεις, κηράματα, νήσεις. Sæpe fit, ut unum idemq; factū uarijs modis probetur, itaq; uaria sæpe existunt ἡρώματα, hoc est, quæstiones. Sed quæstionem uocamus propriè eam, quæ prima est, atq; statum completitur: ut hic quæstio est, an Neuius possederit bona P. Quintij ex edicto Prætoris: id est, an rectè possederit, unde status conficitur qualitatis. ergo in eodem loco et quæstio est, et indicatur status, qui suos habet proprios locos, qui uocantur capita, ad que ille νήσεις, siue argumenta ex locis eruta referantur. Vaga enim sunt sæpe numero argumenta, nisi ad certum caput dirigantur, et id caput ineptum est, si non ad statum accommodetur eum, qui est præcipuus. Quemadmodum enim apud Dialecticos in conficiendis προσηγορισµοῖς τὰ ἀσινάκια uitanda sunt, ex quibus syllogismus neq; unus neq; cõpositus fieri potest: sic etiã Oratori cauendum est, ne quid aduocetur à quæstione alienum. et ut in προσηγορισµοῖς non omnia possunt intertexi media, sit etiam neq; in quoduis caput quæuis incidunt argumenta. Itaq; ut apud Dialecticos media syllogismis, syllogismi propositis adaptantur: sic oratoriæ illæ probationes ad sua capita, et hæc ad status atque quæstiones sunt annectenda. Debet enim horum omnium mutuus esse contextus. Verum illud etiam est notandum, ut apud Dialecticos ex eodem aliquando rerum ordine egredi ad proximos licet, ut rem unam definiamus, sic etiam ad unius status confirmationem aduocari quoque ex reliquis auxilia. Non enim solum ita definimus hominem, ut sit animal mentem habens: sed etiam quòd disputat, quòd canit, quòd uidcat, quæ rerum sunt acciderunt. Neque tantum

- inde probamus iure casum esse, quod fuerit ciuis malus: uerum etiam, quod insidiator, ad cuius probationem coniecturae loci adhibentur. Sæpe eiusdem loci sunt et questio et defensio: ut An iure sit casus, hic quale sit factum spectatur, accedit defensio, quia ciuis fuit malus, quia ciuem malum licet occidere, quæ eiusdem est generis. Sæpe sunt hæc duo dissimilia. ut, non possedit ex edicto. hic uidetur an aliquo certo iure possederit. Ad datur ratio, quæ coniectura munitur: nam non fuit causa cur postularet. Sed cum horum ratio constet, uideamus nunc quomodo questionis propositionem Cicero in hac causa confirmet. Est enim unica questio, sed tripartita defensio. Nam idcirco ex edicto Prætoris non possedit, quia non fuit causa cur postularet, quia Quintius in uerbis edicti non comprehenditur, quia non omnia possedit. Ac notandum est, in partiendo summa genera conquirenda esse, ut breuis sit distributio. Formæ enim superiores, quam genera, diuisionem habent. hoc est quod Cicero dicit generibus illustrare. Ante perorationem enim singulatim uaria enumerat, quæ antea confirmauit, sed hæc ipsa tripartitò proposuit. Nam ut non singula commemorem, etiam illa uaga sunt, Quia nihil debuit, quia uadimonium non deseruit, quia non latitauit, quia non exilij causa solum uertit, quia ad domum quam Romæ Quintius habuit non aspirauit, quia seruos complures non possedit, quia in prædia priuata Quintij non uenit: negamus ex edicto Prætoris possedisse. Septem illæ coarctari ad tria membra debuerunt. Postquam enim neque debuit, neque uadimonium deseruit, non fuit causa cur postularet. quæ est prima pars partitionis. Et quoniam nec latitauit, nec solum uertit exilij causa

causa, non potuit possidere ex edicto: hoc alterum mem-
 brum est. Tertium inde conficitur, cum domum Romæ
 non attigerit, cum seruos complures non possederit, cum
 non uenerit ad priuata prædia, constat non possedisse,
 propterea quod bonorum possessio spectatur in uniuer- 5
 sis. Ac cum primis illud etiam repetendum est, omnem pro-
 bandi rationem tribus rebus contineri, quam partiti-
 onem Aristoteles tradidit, tamen prius à Platone, uerum
 obscurius, & non uno in loco, explicatè est tradita. Ari-
 stoteles autem clarè omnium argumentorū, quæ ab ora- 10
 toris arte inueniuntur, tria statuit genera. Vnū est corū,
 quæ sunt ἐν τῷ ἡδὲ τοῦ λόγου. alterū ἐν τῷ τὸν ὁμιλου-
 μένῳ, tertiū ἐν τῷ λόγῳ, ὅτι τοῦ δεικνύναι ἢ φαίνεσθαι δει-
 κνύναι. Hinc illa Antonij apud Ciceronē diuisio mutua- 15
 ta est, qua distribuit oratoris officium in rationem concili-
 andi, docendi, mouendi. Multum enim ad mouendū ua-
 let significatio pudoris, liberalitatis, æquitatis in Orato-
 re. & plus habent ipsæ probationes in docendo ponderis
 si ita rem intelligat auditor, ut etiam eius cognitione tur- 20
 betur, incitetur, flectatur. Ergo ille quasi turbatrices sen-
 tentiæ, & ille conciliatrices, doctricibus succurrunt, ma-
 ximamq; adferunt opem ad uictoriam. Atque hæc causa
 est, quod in confirmatione interpositum est illud caput,
 & locus communis, de immanitate proscribendi bona ho-
 minis propinqui. quæ non tam ad docendum ibi, quàm ad 25
 conturbandum iudicem sunt commemorata. Omitto hoc
 in loco prudens notationem locorum, è quibus argumen-
 ta singula eruta sunt. esset enim prolixa illa indicatio,
 itaque magistrorum atq; puerorum committenda indu-
 striæ est. Quamobrem ad perorationem pergamus, cuius 30
 præceptio & breuis est, & aperta, sed parui fructus

- nisi accedat exercitatio. Quid enim aliud habent Rhetorum libri, quàm constare eam ex Enumeratione, et Amplificatione? In Enumeratione uerò illud præcipitur, tū ut circunductiones, atque conuersiones illæ, quas Greci
- 5 *ᾠδῖσιν* uocant, longæ atq; turbatæ uidentur, quod facillè apparet uel intuenti: tum ut firmamentorum, hoc est, capitum fiat frequentatio. Amplificatio plus uirium habet, in qua tum uerborum, tum sententiarū uis est ponderanda. In utrisq; enim delectus habendus est. Nam uerba
- 10 conquirenda sunt grauiā, plena, sonantia. Grauias est mātur significatione, ut Horrere uehementius dicitur, quàm Vereri, aut Metuere: Sonus syllabarū mora atq; longitudine: sonantius enim est pertimesco quàm pertimeo, tametsi in deflectione fiunt paria. Itaq; cū significandi uī paria sint, tamen sono discrepāt. Plena sunt quæ
- 15 utrūq; habent, ut horribile plenius est, quàm miserum. Verum hæc tripartita uerborū uis uariā cōmoderationem habet, quæ fit aut Iunctura: ut, Opes fortunæq; macula turpissimāq; ignominia, uita horrida atq; arida: aut
- 20 Nouitate: ut, Quæstus pro Querela, ut horribile: aut Cōmutatione siue Cognominatione: ut Petulantia pro Petulante, Cupiditas pro Cupido: sic Luxuries, Licentia, sic Rusticana atq; Inculta parsimonia, quod ponitur pro illo, rusticus incultus et parcus: aut Delectu non uulgatorum, qui etiā in translatis adhibetur, ut acta decursaq; ætas: aut ipsa translationes ut telum pro criminatione,
- 25 Iugulare pro Accusare, Medicinā facere, pro proprio, quod est respondere. Hæc omnia deinde aut referuntur, aut iterantur, aut duplicantur, aut ascendunt gradatim, ut miserum, acerbum, calamitosum, funestum, indignum,
- 30 luctuosum, horribile. Sed hic ascensus aut coniuncte fit,

fit, aut fit seorsim. Verum de ornamentis uerborum atque sententiarum non hoc in loco constituimus aliquid præcipere: igitur ad rerum genus de quo secundo loco tractatur, cum instituitur doctrina amplificandi. Hic enim tum delectus, tum tractatio est applicanda, Delectus debet esse magnarum rerum. ut, Miserum est exturbari omnibus fortunis, miserior est iniuria: acerbum est ab aliquo circumueniri, acerbius à propinquo: et illa sententia, quo minus quæ existimatio P. Quintium usque ad senectutem perduxit, eadem usque ad rogum prosequatur. Aestimatur rerum grauitas tum natura, tum usu. Tractatio rerum atque sententiarum continetur conglobatione definitionum, frequentatione *ἰσομύων* & *ἰσχυμύων*, comparatione contrariorum, pugnantium, dissimilium, demonstratione causarum, effectorum, euentuum, accommodatione celeri exemplorum & similitudinum, *ἡγεσιμύων*, de quibus omnibus præcipitur in ornamentis orationis. Sed non omnis Peroratio omnia hæc admittit. In hoc epologo & comparationes sunt rerum: ut, Ea res enim nunc in discrimen uersatur, utrum ne possit se contra luxuriam ac licentiam, rusticana illa atque inculta parsimonia defendere. an deformata atque ornamentis omnibus spoliata, nuda cupiditati pectantia, quæ addicatur: & significationes euentuum: ut Miserum est exturbari fortunis omnibus. item effectorum: ut, Multis uexatus contumelijs, plurimis iactatus iniurijs. Exemplorum quoque breuis comparatio ibi est, qui relictæ bonorum uirorum disciplina, & questum & sumptum Gallonijs sequi maluerunt: atque etiam quod in illo non fuit, cum audacia perfidiaque uixerunt. Frequentationes fir-
30

- personarum fictiones, locum in hac causa non habuerunt. Scio me non omnia persecutum esse quæ sunt inuentionis, sed mihi satis est in singulis uiam aliquam demonstrasse, quod in omnibus artibus necessarium est, et multas adfert commoditates. Quare iam de orationis ornamentis aliquid scribamus, quæ à Cicrone et Hermogene perfectissime tradita sunt. Placet enim mihi primum illa partitio Crassi apud Cicronem, qua orationem esse uult et Latinam et planam, et ornatam et aptam. Sunt etiam hæ formæ apud Græcos, quorum præceptiones habemus περί καθαρότητος, καὶ δεικνείας καὶ κάλλος, καὶ δυνάμειτος, sed non eadem distributione. Nam puram, id est, Latinam orationem, et planum apertumque dicendi genus, perspicuitati quam σαφήνηα uocant, subiecerunt. Et reliquas formas, μέγας, μικρότης, ἡσσόντης, ἀλυσμένης, separatim cum cæteris numerarunt, Crassus sub ornatu, atque aptitudine uidetur comprehendisse, id quæ recte. Veruntamen uix plena potest esse cognitio ex illa Crassi commemoratione, eoque rectè adiungitur Hermogenes, qui de dicendi figuris non malè, mea quidem sententia, iudicauit, sed requirit explicatorem.

- S E D quærat fortassis aliquis, Crassi, quomodo hæc diuisio ab illa differat, quæ est in Oratore, ubi tria dicendi genera constituit, Graue scilicet illud, et subtile, et tertium quod est Intermedium? Hoc nimirum discriminis est, quod ad hæc tria, illa quæ paulo antè posuimus adhibentur: est enim in unoquoque horum et claritas et mundities, et ornatus et decorum, et amplitudo et celeritas, et expressi mores, et ueritatis note. Itaque semper illa triplex ratio proposita sit, ei quæ supponatur

ponantur octo istæ dicendi formæ, & quæ in singulas
 incidunt, annotentur. Sunt enim omnino octo quibus
 perpoliuntur sententiæ: Via ratio, quæ tractandi senten-
 tias, Verba, Verborum conformationes, Membra, Com-
 positio, Clausula, Numerus. Hæc oratio, si cum omni- 3
 bus conferas, gravitatem habet: si cum cæteris orationi-
 bus, quæ sunt Ciceronis, gravitatem quidem ipsa suam
 retinebit, sed non ita, ut sit uehementior aut Rosciana, aut
 Miloniana. Veruntamen etiam cæteris omnibus est il-
 lustrata: nihil enim immundum inest, nihil obscurum, ni- 10
 hil deformatum, nihil ineptum: neque celeritas senten-
 tijs, neque amplitudo cum opus est, deest: nihil quod aut
 à rerum aut morum genere sit alienum. Verba usitata,
 lecta, significantia, propria, conseruatio temporum,
 casuum, generum, numerorum, continuationes aptæ & 15
 ad recordandum, & ad intelligendum: non dilaceratæ
 sententiæ, non ambiguae, non confusus ordo, non asper
 uerborum neque hiulus concursus, summa lux in pro-
 ponendo singula, in diuidendo multiplicia, in transeun-
 do ad insequentia, quæ puritatis atque claritatis sunt 20
 præcepta. Iam ornate orationis doctrina tam latè pa-
 tet, ut & hæc & cæterorum omnium communia præce-
 pta multo maxima ex parte complectatur, quæ si omnia
 hic explicanda forent, esset nimis angusta huius operis
 partitio. Præterea non obscura est de ornamentis doctri- 25
 na, & in exercitatione atque usu posita, qui magnus est
 & difficilis: quo neglecto nostris moribus, propè omnis
 dicendi scientia est amissa. Itaque necessarium magis es-
 set, ad eundem adhortari adolescentes, quàm de elocu-
 tionis genere aliquid certius tradere. Propè enim uulga- 30
 tum

- tum est, ornatum omnem esse aut in Deligendo, aut in Collocando, aut in Conformando. Delectus sit aut in proprijs, aut translatis, aut factis. Collocatio ita adhibetur, ut et ipsa consecutio, concursusq; præcedentium inse-
- 3 quætiūq; tum syllabarum, tum dictionum sic coagmen-
tatus, levis, æquabiliter fluens, et modum quendam for-
mamq; habeat, hoc est, uerborum continuationem, con-
clusionemq; consequatur numerosam. Conformatio du-
plex est, orationis et sententiarum. Atque his tribus con-
- 10 tinetur omnis dicendi scientiæ supellex. Sed illa electio
primum in proprijs applicatur, ubi et aurium iudicium
est, consuetudo sermonis Latini est consulenda. quædam
etiam propria quidem sunt, sed peruetusta, quæ a priore
genere ita differunt, quod illa conquirenda sint, et po-
- 15 nenda sæpius, hæc uerò modice accersenda et conueni-
enter et decore. Cum proprijs destituimur, proximus
locus est translatis, deinde factis. In translatis enim mi-
nus periculi est, si a rebus notis atq; perceptis aliquo sen-
su sint sumptæ. nouatio ut etiam illa uerborum uetustas
- 20 modum, uenustatem, decentiamq; retineat. A proprijs in-
cepit Cicero, Quarum alteram C. Aquili uereor, alteram
metuo. Deinde transit ad translata. Eloquentia Q. Hor-
tensij ne me dicendo impediat, nonnihil commoueor. Post
ad facta, Gratia Sex. Nuij ne P. Quintio noceat, id ue-
- 25 rò non mediocriter pertimesco. Vereri enim rectè in re-
bus magnis honestusq; accommodatur, ut apud Græcos
est εὐσεβὴς, et αἰσχύνει. metuere uerò in periculis, ut
apud illos etiam ἐν τοῖς βλαβεροῖς καὶ φοβεραῖς τὸ φοβῆσθαι.
Iam Commoueor quis non uidet natiuum non esse, sed
- 30 destitutione proprij usurpatum? Est enim illud sciendum,
maiores laborem esse in comportandis, delegendis que
trans

translatis, quàm in faciendis atque inueniendis. Vt enim propria, sic etiam translata uetustatem habent, quemadmodum & facta. Neque enim Cicero primus dixit Per-
 timesco, quod tamen à Timeo aliqua ætate est deriuatum. Hic etiam eius commonefaciendi sunt adolescen- 5
 tes (nam à paucis obseruatur) ut cum eadem res sæpius significanda est, non statim à grauissimis principium faciamus, sed humiliora præponantur: ut, Vereor, quod cause efficientis est uocabulum, nempe uerecundia: &
 Commoueor, quod est effecti. effecta uerò, ortaq; de cau- 10
 sis, magis animorum sensus mouent, quàm illa unde sunt profecta. Hinc enim omnes illæ Poëtarum atque Orato-
 rum amplificationes. Itaq; proprium est Vereor, sed si-
 gnificantius Commoueor, quemadmodum utroque gra-
 uius est Horrere, quo in peroratione utitur. Eadem ratio 15
 seruata est in altera parte: primum Moueor, deinde Per-
 timesco: neque id simplex est, sed coniunctum, Non me-
 diocriter pertimesco. At paulo post dicit, Summo timore hominem afficit: & postremo loco in uestibulo cause collocauit, Cum tot tantisq; difficultatibus affectus atq; 20
 afflctus. In collocatione (quam ὁμοῦ κλη Hermogenes nominat) tria sunt spectanda, σύνθεσις, ἀντιπαρθεσις καὶ ἵξις. In σύνθεσις, hoc est, consecutione, uidendum est, ut coitus literarum sit iunctus, non hiulus: concinnus atq;
 illuminatus orationis luminibus, non fædus neq; negle- 25
 ctus: æquabilis lenisq;, non horridus & asper, & ad gra-
 uitatem & ad suauitatem accommodatus. hæc sunt enim consecutionum uirtutes. Numerus oratorius est, mo-
 dus formaq; temporum talis, ut à uersu, cantuq; discrepet. Verum hoc discriminis inter Numerum & Harmoniam, 30
 quòd numerus ex breui & longa fit syllaba: Harmonia
 uerò

uero ex acuta & graui uoce: fit'que saepe, ut duo uersus Numero non differant, tamen dissimiles sint Harmonia: fit etiam, ut harmoniam eandem habeant, diuersum'que Numerum. Hi enim duo,

- 5 Tityre tu patulae recubans sub tegmine fagi. &
Sic canibus catulos similes, sic matribus haedos.
pedes eosdem habent, at in primo diuersus est syllaba-
rum pressus. at hic,

Syluestrem tenui musam meditaris auena.

- 10 pedes dispares habet, & conentionem non discrepan-
tem à posteriori. Numerus etiam duobus modis aesti-
matur. nam aut toto genere differt, ut pentameter in Ele-
geis ab illo qui est in Sapphicis, aut unius generis inter
se dissona est forma, ut ipsi inter se Heroici, & inter Sapp-
15 phicos illa conclusio Adonij carminis, à praecurrentibus
est distinctus. Clausulae uero illae, siue conclusiones (quas
Graeci *διετακτικαὶ* uocant) membrorum extrema sunt, sed
in conuersionum fine potissimum iudicantur. Verum
Numerus grauitatem, suauitatemq; ex compositione atq;
20 uerborum interpunctis consequitur, & plenus est in pe-
riodo, quae aut duorum membrorum est, aut trium, aut
quatuor: quem numerum cum aut superat, aut non attin-
git, nomen amittit. Nam illa *μονοκώλως* compositio, cui-
us meminit Aristoteles, cum conuersionem non habet,
25 hoc est, ut Hermogenes nominat *ἀπόδοσις*, non eo nomi-
ne digna est, & illa continuatio complurium membro-
rum, ex ipsa consecutionis forma nomen mutat, ut uel
πενήμα uocetur, si absolute sententiae perfectaeq; coniun-
gantur sine conuersione, aut si habeant conuersionem,
30 tamen aliquando propter moram *τάσις*, aliquando pro-
pter celeritatem *ἁπόρσις* nominantur. Pedum uarieta-
tem

tem illam propè infinitam in numeris faciendis proponere, illi qui se exercere uolet, non laudo. Crassus libro tertio de oratore principijs conuersionum, aut etiam membrorum dat Heroas, hoc est Daçtylum, Spondeum, & Anapæstum, Pæana priorem, Creticum: conclusio- 5 nibus, Choreos & Heroos aut alternos et pæana posteriorem & Creticum. In Oratore quem ad Brutum scripsit, addit Dochimum, nominat etiam Dichoreum, præter Iambum & Spondeum, uerùm continentur in superioribus. Crassus uerò Iambum non nominat, propter- 10 ea fortasse quòd eundem frequentem cum Trocheo repudiavit Aristoteles, qui tantum Heroum, & Pæana utrumque oratori reliquit. Grauis igitur & iucunda fit oratio Consecutione, Conclusionem & Numero, ut in hac conuersione, Quæ res in ciuitate duæ plurimum pos- 15 sunt, hæ contra nos ambæ faciunt in hoc tempore, summa gratia, & eloquentia. Coagmentatio enim uerborum seruata est, in consecutione, quod animaduertitur, si trāspanantur. fieret enim hiulca. & cum periodus sit πικρὸς, primum membrum Cretico & Spondeo concluditur, alterum Cretico & Daçtulo, tertium Cretico & Iambo, quem recipit in Oratore. His igitur duobus, Compositione dico, & Clausularum interpunctis, numerus extitit oratorius. Illud etiam Compositionis est, quòd 20 tertium illud membrum non in medio positum est, quod fieri poterat, sed seruatum ad extremum, ut eius uerba & syllabarum multitudine, & numeri uenustate, & grauitate significandi aures uehementius, & animum ferirent. Est quoque illud concinnum & artificiosum, quòd ἰσοσκελὲς sit, & quòd illud impar membrum ad finem sit collocatum, ne ipsa concinnitas capta esse uideatur. 30

- tur. Illa uelocior est, sed tamen compositione ualde sua-
 uis, *Quæ* quò plura sunt C. Aquili, eò te, & hos qui ti-
 bi in consilio adsunt, meliori mente nostra uerba audire
 oportebit, ut multis incommodis ueritas debilitata, tan-
 5 dem æquitate talium uirorum recreetur: cita compositio
 est non syllabarum uelocitate, sed connexionem non tam
 uerborum, quàm sententiarum. & concinna est pro-
 pter eiusdem literæ syllabæq; crebram repetitionem, quæ
 est in his ti, te, te, te, tis, tas, tata, tan, tate, ta, tur. Conclu-
 10 sio etiam ipsa Dichoreo præclare confidit. Verum hæc
 de Delectu & Coniunctione uerborum, non enim licet
 omnia persequi: restat Conformatio, quam ἡμῶν μὲν
 uocant Græci, eā quæ bipartita: nam aut uerborum ora-
 tionisq; aut rerum siue sententiarum, color quidam, &
 15 quasi habitus adhibetur: sic enim illud Græcum uerbum
 Cicero explicauit. Verum quoniam harum explanatio
 uaria est, & in libris de ratione Latine loquendi eam
 perfectius traditam emittemus, in hoc libro est præter-
 eunda, & tantum uniuscuiusq; dicendi formæ proprij
 20 sunt enumerandi colores. In illo igitur puro & aperto
 genere sunt, expositio sententiæ nostræ, ordo, partitio,
 propositio, transitus ad aliud, iteratio propositi, diges-
 stio, continuatio, omnia illa, quæ à Græcis κατασκευὰ καὶ
 ἐξτετυπῆα τὰ μέλλοντα ῥηθῆσθαι καὶ τὰ συμπληρωτικὰ no-
 25 minatur, & circumscriptio, & reuocatio eiusdem uerbi,
 & repetitio, & ad propositum subiecta ratio, & in di-
 stributis supposita ratio. Ample orationis sunt commora-
 tio una in re, illustris explanatio, ab re nō longa digres-
 sio, reditus ad rem aptus & cōcinuus, iteratio propositi,
 30 ueritatis superlatio, distributio, morum & uitæ imitatio,
 personarum si tibi inductio, descriptio, contentio, cōmen-
 datio,

datio, uox libera & effrenatio. Iracundia, obiurgatio,
 promissio, deprecatio, obsecratio, purgatio, conciliatio,
 lesio, oratio, execratio, uerbi geminatio, immutatio,
 progressio, reuocatio, interruptio, similiter desinen-
 tia, similiter cadentia, paria paribus, relata, inter se si-
 milia, gradatio, conuersio, uerborum concinna trans-
 gressio, contrarium dissolutum, exclamatio, dinumera-
 tio, imago. Ad illud dicendi genus Velox pertinet, præ-
 cisio, significatio ad plus quam dixeris intelligendum,
 breuitas distincte cōcisa, rogatio, percunctatio, interpel-
 latio, disputatio, dissolutum, partitiones breues & de-
 finitæ: In probabile incidunt extenuatio, rationis apta
 conclusio, dissimulatio, prænunitio, reiectio in alium,
 communicatio, morum & uitæ imitatio, similitudo, ex-
 emplum, antecoccupatio, promissio, declinatio breuius-
 cula à proposito, purgatio, conciliatio, imminutio, in
 distributis supposita ratio, permissio, sibi ipsi responsio.
 Aptum uerò illud est, in quo hæc omnia modice & cum
 decoro adhibentur, & mores personarum aut imitando,
 aut oratione exprimuntur, cuius loci propria est illa mo-
 rum imitatio, quam etiam superioribus attribuiamus. At
 de obseruatione præceptorum, in qua memoriæ quoq;
 renouationem comprehendo, hætenus. Sed memoria nō
 solum est præceptorum, nam & scriptarum est, & cogi-
 tatarum, & lectarum rerum. Sed priusquam de cogitan-
 di scribendiq; ratione præcipiamus, aliquid etiam de imi-
 tatione est tradendum. Est autem Imitatio optimarum re-
 rum, ad quas se excellentes naturæ pleræq; omnes solent
 applicare. Omnia autem imitari possumus, naturam alio-
 rum non possumus, sed eorum actiones, consilia, facta,
 scripta dictaq; sunt annotanda, quæ ex illorum natura
 h profec

- profecta, nostram possunt erudire. Sed nos nunc de Imitatione eorum loquimur, quæ in aliorum oratione scriptoq; apparent. Sunt autem hæc, τὰ ἀπλᾶ, τὰ συμπεπλεγμένα, τὰ προσληφθέντα, αἱ βουλαί, τὰ πλασά, τὰ χήματα, αἱ μέθοδοι, οἱ ῥυθμοί. Nam, ut ante dixi, aliquando simplex rerum tractatio est, ubi nudæ sententiæ absq; ulla animorum permotione proferuntur: aliquando affectus applicantur. Nuda sunt, Sponsionem facere maluit, fecit, te iudicem C. Aquili sumpsit, ex sponso egit. At ista motus animorum coniunctos habent, Miserrum est, exturbari fortunis omnibus, miserrus iniuria: acerbum est, ab aliquo circumueniri, acerbius à propinquo: calamitosum est, bonus euerti, calamitosius cum dedecore: funestum est, à forti atque honesto uiro iugulari, funestius ab eo, cuius uox in præconio questum præstitit. Ea coniūxit rebus, quæ ad misericordiam, et odium, et indignationem impellunt. Hæc facultas tanta est, Frofi, ut absq; ea eloquens nihil efficere possit, eaq; aut excellat cæteris, aut cum optimis Oratoribus comparctur. De hac ratione primus Aristoteles certa uia et ratioe scripsit, et post Aristotelem apud Latinos Cicero. Verum ante utrunq; apud Platonem Socrates multis in locis ostendit, indignum esse Sophistarum nomine, qui eam doctrinam non percipit, qua traditur quibus rebus moueantur homines, et qui, et aduersus quos moueri soleant. Et ut cætera omit-
tam, in Phædro ita Socrates inquit, Ἐπειδὴ λόγῳ θύναταις τυγχάνει ψυχῶν χάρις ὅσα, ἢν μίλλοντα ῥητορικὸν ἔστιν ἀνάγκη ἀλίστα, ψυχὴ ὅσα ἔστιν ἔχει, ἐστὶν ἢν πῶσα καὶ πῶσα, καὶ πῶα καὶ πῶα, ὅθεν οἱ μὲν ποιοῦσι, οἱ δὲ πῶοι γίνονται. πῶτων ἢ ὅτων διηρημένων, λόγων ἂν πῶσα καὶ πῶσα ἐστὶν ἔστιν. ποῖον δὲ ἕκαστον. οἱ μὲν ἢν ποιοῦσι ὑπὸ τῶν ποιῶντι λό-

ἡ δὲ οὗτος τῶν δὲ τῶν ἀντιθέτων ἐστὶν τὰ πλεονάζοντες, οἱ δὲ τοιοῦτοι
 οὗτος τῶν δὲ ἀντιθέτων. Hanc rationem secutus Aristoteles,
 utilissimam de his, necessariamq; doctrinam edidit. Sunt
 autem hæ motiones animorū, Ira, Lenitas, Amor, Odium,
 Metus, Confidentia, Pudor, Impudentia, Gratia, Non
 gratia, Misericordia, Indignatio, Invidia, Aemulatio. 5
 Sed uidendum est, quam rationem sequantur Oratores,
 et Poætæ, Historici, in animis aut inflammandis, aut se-
 dandis. Ut enim affectuum diuersæ species sunt, sic et
 tiam orationes ipsæ necesse est inter se dissimiles sint, 10
 quibus illi motus excitantur. Sed tamen omnium una me-
 thodus est, eaq; tripartita, qui scilicet, et quibus, et ob
 quæ homines irascantur, inuideant, faucant. Etiam illud
 fateor esse communes quasdam rationes tractandorum
 affectuum, ut illa quæ sit comparatione: in qua illud sepe 15
 seruandum est, ut quæ pars amplificanda sit, ea ponatur
 prima, atq; reuocetur postremo. ut apud Vergilium pa-
 stor ille Melibæus in amplificandis fortunis amici,

Tityre tu patula recubans sub tegmine fagi,

Syluestrem tenui musam meditaris auena:

Duobus uersibus eius felicitatem proposuit, addit suam
 conditionem,

Nos patriæ fines et dulcia linquimus arua,

Nos patriam fugimus:

Redit ad priora, - Tu Tityre lentus in umbra,

Formosam resonare doces Amaryllida syluas.

Aliquando etiam æquabiliter progreditur, ut, Ea res
 nunc in discrimine uersatur, utrum ne possit se contra
 luxuriam ac licentiam rusticana illa atque inculta par-
 simonia defendere: an deformata atq; ornamenti omnibus

spoliata, nuda, cupiditati, petulantiaeq; addicatur. Aliquando duplicatur comparatio, & conferuntur res quatuor, ut illa in exordio in qua se cū Hortensio, & Quintium cum Neuiο componit. Sæpe etiam sine comparatione fit commemoratio earum rerum, quæ mouere possunt, qualis est Corydonis rustici apud Vergiliū, & illa Didonis oratio,

- Quis nouus hic nostris successit sedibus hospes?
 Quem sese ore ferens, quem forti pectore & armis.
 10 Credo equidem nec uana fides genus esse Deorum.
 Degeneres animos timor arguit, heu quibus ille
 Iactatus fatis, quæ bella exhausta canebat.

- Vterq; recenset, quæ amorem sui creare possunt. Sed si omnia pertractare propositum esset, Erosi, oporteret no-
 15 uam operis distributionem instituere: hæc autem eò posui, ut uno atque altero exemplo incitem eos, qui hæc fortassis aliquando sunt lecturi. Itaq; συμπελαγμένα illa uoco, quæ non solum docent sententias, uerū etiam quæ mouent, quæ turbāt, quorum tractationes atq; ex-
 20 politiones arte sunt comprehensæ, obseruari tamen & ad imitandum proponi possunt. Proxima sunt illa Assumpta, sic enim Græcorum προσλήτας interpretari possumus, quorū observatio eam uim habet, ut cū aliquam sententiā nude propositam cernimus, si eam postea orna-
 25 mentis uideamus illustratā, consideremus qua ratione id sit factum. aut contrā: sæpe enim fit, ut posteriora contractiora atq; nudiora sint, quā illa quæ præcesserunt. In principio Cicero breuiter iudices sui officij commune facit, Quæ quò plura sunt C. Aquili, eò te & hos, qui tibi in cōsilio adsunt, meliore mente nostra uerba audire
 30 oportebit, ut multis incōmodis ueritas debilitata, tandem
 equi

æquitate talium uirorum recreetur. Quâquam neq; hæc
 simplex sit, nam ad propositum ratio est assumpta, sed
 tamen illa extrema postulatio copiosior est, in qua plu-
 ra accersuntur, quæ antea sunt commemorata, Cum tot
 tantisq; difficultatibus affectus atque afflictus in tuam
 C. Aquili fidem, ueritatem, misericordiamq; confugerit.
 Hæc generalis est Complexio: adiungitur, cum adhuc ei
 propter uim aduersariorum non ius par, non agendi po-
 testas eadem, non magistratus æquus reperiri potuerit:
 clauditur hæc enumeratio rursus generatim, cum ei sum-
 mam per iniuriã, omnia inimica atq; infesta fuerint. Hæ-
 tenus causas applicauit, sequitur obtestatio, Te C. Aqui-
 li, uosq; qui in consilio adestis, orat atq; obsecrat, ut mul-
 tis iniurijs iactatam atq; agitatam æquitatē in hoc tandē
 loco consistere & confirmari patiamini. Sed illa prior cō-
 monitio appositione, contrarij est amplificata, Quod si
 tu iudex nullo præsidio fuisse uidebere cōtra uim & gra-
 tiam solitudini atq; inopiæ &c. In oratione quam pro
 Sex. Roscio Amerino Cicero habuit, illa sententia nuda
 est, Incredibile est mortem oblatam esse patri à filio. sed
 quo ornatu illam post illustrat? magna est uis huma-
 nitatis, multū ualet cōmunio sanguinis, reclamationes istius-
 modi suspicionibus ipsa natura, portentum atq; monstrū
 certissimum est: hæc omnia quid aliud significant quàm
 illud quod ante dixit? incredibile est, esse aliquem huma-
 na specie & figura, qui tantum immanitate bestias uice-
 rit, ut propter quos hanc suauissimā lucē aspexerit, eos
 indignissimè luce priuarit, cum etiā feras inter se par-
 tus, atq; educatio, & natura ipsa cōciliet. Hermogenes
 aliquot genera προσληπτικῶν χαραμάτων enumerat ἀπειρίδην
 σῆν, καὶ κατὰ προτίμησιν, καὶ κατὰ ὑπόθεσιν, πλαγίως μὲν, καὶ ἐπιτη-

ἄν το παρὰ σωπῆται, τὰς ὑποστάσεις, καὶ ὑπόθεσιν. Inter
 res uerò quæ assumuntur, recenset genus cum formis, in=
 finitum cum finito, totum cum parte, indicatum, ge=
 nus rei, locum, personam, tempus, modum, causam. Sed
 5 non hæc sola sunt, uerùm maiorem hæc res requirit in=
 stitutionem. Ego uero hæc ideo tracto, ut uideant cade
 re in imitationem. Vides apud Vergilium principium
 Aeneidos,

10 Arma uirumq; cano: totum ex Homérico illo esse de=
 riuatum,

Ἄνδρα μοι ἔννεπε, μῦθε πολύτροπον: quorum alter Ae=
 neam, alter Vlysssem non nominat: sed ita describit, ut
 quiuis intelligat, quem uterque uelit. atqui id totum est
 προσληπτικόν.

15 Verum infelix imitatio omnis est, nisi consilia eius, cu=
 ius nos similes esse uolumus, annotetur: absq; eo enim qd
 doceat, animaduerti nō potest. Sed neq; res ex consiliorū
 consideratione solum proponendæ sunt, sed ipsa etiā in=
 tuenda cōsilia. Cicero in libris de Oratore Aristotelis præ=
 20 cepta sequitur, sed in ratione disceptandi, in ipsoq; per=
 sonarū genere, tum multa Platonis, tum Phædrū maxime
 et Gorgiam uidetur proposuisse. Primæ enim disputatio
 ni Scæuola interest, duabus insequentibus non introdu=
 citur. Huius rei consilium ipse Cicero in epistola quadā
 25 ad T. Pomponium Atticum his uerbis explicat:

Quod in his oratorijs Libris, quos laudas, personam
 desideras Scæuolæ, non eam temere dimoui: sed feci idem
 quod in Politia Deus ille noster Plato. Cum in Piræum
 Socrates uenisset ad Cephalum locupletem et festiuum
 30 senem, quoad primus sermo ille haberetur, adest in dispu=
 tando senex: deinde cū ipse quoq; commodissime lo=
 cutus

cutus esset, ad rem diuinam dicit se uelle discedere, neq;
postea reuertitur. Credo Platonem uix putasse satis cō-
sonum fore, si hominem id ætatis in tam longo sermone
diutius detinisset. Multo ego satius hic mihi cauendum
putavi in Scæuola, qui et ætate et uoletudine ea, qua esse
meministi, et ijs honoribus, ut uix satis decorum uidere
tur, cum plures dies esse in Crassi Tusculano. Et erat pri-
mi libri sermo non alienus à Scæuolæ studijs, reliqui li-
bri τεχνολογίᾳ habent, ut scis, huic ioculatoriæ dispu-
tationi, senem illum, ut noras, interesse sanè nolui.

Vides Frofi consilium, uides confessam rationem. nos
cū eiusmodi nostris adolescētulis indicamus, putant ho-
mines, non maxime periti rerum, à nobis ista fingi, au-
torem uerò nihil tale cogitasse: cū tamen aut in alijs lo-
cis idem ipse confiteatur, aut idem propè in omnibus re-
tineat. Nihil putandum est temerè factum esse, quod con-
cinnitatem et elegantiam habet, quodq; ab optimis na-
turis est profectum. Sed rerum non una imitatio est,
altera enim latet, qualis est in libro primo illa Scæuolæ
abitio: altera aperta est, ut eodem in libro sub platano
ille confessus. At illa in primo libro quercus Mariana,
etiā ex eodem Phædro est detracta, id quod apparet ex
raptu Orithiæ, uerū dissimulata est æmulatio. Sæpenu-
mero etiam rerum cōtrariarum est imitatio, ut in Gorgia
Socrates, et in Phædro Oratoribus omnia detrahit, at
Crassus in illa disputatione infinitā immensamq; materiā
tribuit eloquētiae. Gorgias in se esse profitetur, quæ Cras-
sus à se remouet, et arrogat Oratori. Hæc dissimulium
rerum imitatio significari uidetur initio sermonis, con-
sidetur enim sub Platano: sed Crassus puluinos popo-
scit, quos Socrates cum Phædro non habuit. Plato etiam

Gorgie, atq; ceteris Sophistis ornamenta dicendi concedit, at sapientiam aufert. In Crasso autem Cicero & humanitatem, & gravitatem, & orationis copiam ostendit. Hæc de consiliorum notatione. sequitur fictio rerum, quæ
 5 felicius adhibetur, cum quemadmodum ea usi sint homines in dicendo perfecti intellexerimus. Sed alia poetarum est, alia uerò oratorum, Poëtica uerò sunt,

Extinctum Nymphæ crudeli funere Daphnim
 Flebant, uos coryli testes & flumina nymphis:

10 Cum complexa sui corpus miserabile nati,

Atq; deos atq; astra uocat crudelia mater.

Totus ille locus fictione est politus, & aperte falsa quæ dicuntur à Mopso: sed apud Menalcam dicit, qui ipsam ornamentis delectatur, neq; minus felix est in eodem artificio, sed in contraria re,

15 Candidus inuersum muratur limen Olympi,

Sub pedibusq; uidet nubes & sydera Daphnes.

Eandem rationem hic in re læta, quam alter in tristi est secutus, sed utriusq; uia commentitia est, & ad delectationem comparata. Oratorem ita fingere oportet, ut mendacij nulla appareat significatio, ut uel ad excusandum faciat quod dicitur, ut, Quintius porro istum posse facere uidebat, debere intelligebat: mentiri, quia causa cur mentiretur non erat, non putabat: uel ad criminandum,
 20 ut qui hunc in summas angustias adductum putaret, ut eam suis conditionibus in ipso articulo temporis astringeret, assensum sese negat daturum. Tam uerisimile utrumque uidetur, ut quasi cognitum, exploratum, confessumq; uideatur. Non hæc oratores ex re cognoscunt, sed de
 25 suo addunt: uerum ita, ut rei causa atq; ueritas patiat. Sed aliæ præterea multe causæ sunt, quomobrem fictis
 30 utend

utendum sit. Etiam illa commentitia sunt, in quibus tacitas cogitationes aduersariorum quasi ab eorum ore accipimus, quæ ratio multum ualet ad hominum mores exprimendos: cuiusmodi illud est, Quid ad hæc Neuius? Ridet scilicet nostram amentiam, qui in uita sua rationem summi officij desideremus, et instituta bonorum uirorum requiramus. Quid mihi, inquit, cum ista summa sanctimonia ac diligentia? Viderint, inquit, ista officia uiri boni. de me ista considerent, non quid habeam, sed quibus rebus inuenerim querant, et quemadmodum natus, et quo pacto educatus sum. memini uetus est de scurra, multo facilius diuitem, quam patremfamilias fieri posse. Vide quod neque stultissimus, neque impudentissimus de sese confiteretur, hoc tamen oratione quasi extorquetur: sed tamen quia incredibile uidetur, solent occupatiuncule addi: ut eodem in loco, Hæc ille si uerbis non audet, re quidem palam loquitur. Quanquam hæc etiam ad Methodos, sed quia ficta sunt, ad hunc locum proprie spectant.

Nunc de figuris agamus, quæ quoniam aliam præceptionem habent, aliam uero tractationem, etiam cum obseruatae sunt ab Oratore in re seria adhibita, imitationem adiuuant. In arte enim nudi illi atque simplices colores proponuntur, in scribendo uariam tractationem, et inter se multiplicem mixturem habent. Nam ut de una illa dicam, in qua paria paribus referuntur, et similia similibus, et contraria contrariis: in arte unum aliud quod adiungitur exemplum, at Oratores non unam rationem tenent. Hic contraria contrariis redduntur, Plus huius inopia possit ad misericordiam, quam illius opes ad crudelitatem. Hic paria paribus, Non ab homine
h 5 alieno

- alieno, neque ab aliquo calumniatore, atque improbo, sed ab Equite Romano, propinquo, & necessario suo. Tribus enim propositis tria subiecta respondent. Hic omnia tria simul nascuntur, Etenim si ueritate amicitia,
- 5 fide societas, pietate propinquitat colitur: necesse est is qui amicum, socium, affinem, fama ac fortunis spoliare conatus est, uanum se & perfidiosum, & impium esse fateatur. Vna circunductione trium membrorum omnia complexus est, paria, similia, contraria. Principium enim
- 10 periodi multa incisa unico membro continet, præcurrentium & consequentium rerum, & propè par est rerum multitudine duobus insequentibus. Alterum membrum ubi conuersio incipit similia habet, nempe illa quæ uocantur aut φίλος, aut σὺς, aut σὺς, amicum, socium, affinem,
- 15 quæ similia sunt amicitie, societati, propinquitati. Tertium contraria adfert consequentium, ut uanus, perfidus, impius, quæ opponuntur pietati, fidei, ueritati. Hæc cum annotata in aliquo præstanti scriptore sunt, facilius imitando exprimuntur, quàm à nobis inueniri possunt.
- 20 Quare suadco ut in eiusmodi propositis exemplis adolescentes exerceantur. Nos antea tale aliquid secuti sumus, ubi de natura egimus, sed tamen aliquid commutauimus, quod tum fieri debet, cum res aut requirit aut permittit. Etenim si officium charitate, diligentia commenda-
- 25 tione, approbatio existimatione, copia exemplis bonorum gignitur, necesse est in ea Republi. neque inofficiosos, neque negligentes, neque repugnantes, neque paucos esse qui exacuantur ad res præclaras, si beneuolentia, si laudationes, si auctoritates, si exempla non desint.
- 30 Sed qua ratione unum quæ multiplici ratione informetur, & quomodo omnes figuræ inter se misceantur, plen

plenius in libris de ratione scribendi loquendiq; Latine doctrinam instituimus. Varia enim hæc præceptio est, et integram aliquam separatamq; à cæteris suscepti operis partem requirit. Nunc de Methodis, quas Hermogenes copiosius quàm cæteri, quorum quidem scripta extant, tradidit, sed in alia doctrina, et aliter quàm nos. Crassus indicat tantum, uerùm non explanat exemplis, deinde methodos conformationibus miscet, quemadmodum etiam nos paulo antè, sed cum de imitatione præcipitur, seorsim sunt collocandæ. Neque iam de tripartita illaratione loquimur, qua artes et disciplinæ traduntur. Sunt enim illæ ἐπισημονικὰ καὶ τεχνικὰ μέθοδοι, ut ἀνάλυσις, ut σύνθεσις siue σύνταξις, ut διαιρέσις, quæ aut ad genus, aut ad definitionem rei solet adhiberi, quanquam etiam hinc maxima uis ad amplificandum accersitur. Verum de illis loquimur, quæ singulis tum quæstionibus, tum conuersionibus, tum sententijs applicantur, ut narratio simplex absque assumptione, ut digestio reprehensionis et confirmationis, significatio rerum aut obscura aut aperta, adiunctio, interpositio, commoratio, separatio, ordinis conseruatio, eiusdem commutatio siue inuersio, declinatio, præteritio, affectuum significatio quæ fit oratione, ut optare, iurare, admirari, irasci. Græci hæc uocant ἀφύγησις ἀνὰ προσλήψεως, τάξις τῶν ἀντιθέσεων καὶ λύσεων, ἐπισημαίνεσθαι μουσικῶς καὶ ἀπαρραχολύπῃς, ἐπισύναψις, ἐπιμεβολῶν, ἐπιμονῶν, διόκωψις, σῶψις τῶν τάξεων, ἀναστροφή τῶν τάξεων, ἀποστροφῶν, διέχῶν, ὄρκων, θαυμασµῶν, ὀργῆν. Horum obseruatio tantam uim habet, ut præceptis tradi non exactè possint, neq; inueniri nisi ab optima natura, notari tamen in alijs à mediocri ingenio possint.

Ἐπισύναψις appositionem uoco, quæ dignitatem rebus

rebus addit, & uitia tollit in compositione. In Tusculanis questionibus Cicero hac utitur conuersione, Et cum omnium artium, quæ ad rectam uiam pertinerent, ratio & disciplina studio sapientiæ, quæ philosophia dicitur, contineretur, hoc mihi Latinis literis illustrandum putauit: hæc continuatio quia uersus est, atq; subito desinit, quod uitium est in oratione, emendatur id in oratione quæ contrariam circumductionem habet, breui scilicet principio, & conuersione longiore: ut, Non quia philosophia Græcis & literis & dictionibus percipi non possit, sed meum semper iudicium fuit, omnia nostros aut inuenisse per se sapientius quàm Græcos, aut accepta ab illis fecisse meliora, quæ quidem digna statuissent, in quibus elaborarent: hac ratione ex coniunctione utriusq; æquabilis facta est compositio, & sublatum uitium & comparata dignitas. Eius etiam generis illa est, Itaq; te hoc obsecrat C. Aquili, ut quam existimationem, quam honestatem in iudicium tuum prope acta iam ætate decursaq; attulit, eam liceat ei secum ex hoc loco auferre. Vnico membro clauditur, itaque annectitur, Ne is, de cuius officio nemo unquam dubitauit, sexagesimo denique anno dedecore inacula turpissimaq; ignominia notetur.

Enim uoco, cum in uno loco multa uerba, sententiæq; multæ consumuntur, ad amplificandum, ad mouendum acrius animorum sensus. Sed præter alia illud etiam in hac obseruandum est, quòd qui artificiose scribunt, retinent membrorum æquabilitatem, ut in illa exaggeratione, Illico ne ad Prætorem ire conuenit, continuo ne uerum fuit postulare, ut ex edicto bona possidere liceret, adhuc extrema & inuicissima iura tam cupide decurrerent, ut tibi nihil in posterum quod grauius atq; crudelius

ius facere posses, reseruares? Tres sententiae sunt unius
 rei, sequuntur tres aliae, id quod ex uerborum distinctio-
 ne intelligitur, Nam quid homini potest turpius, quid
 uerò miseriùs aut acerbiùs usuuenire? quod tantum cue-
 nire dedecus? quae tanta calamitas inueniri potest? Inse- 5
 quitur etiam tripartita comparatio, cuius pars extrema
 tria habet, Cuius uerò bona uenierunt, cuius non modò
 illa amplissimae fortunae, sed etiam uictus uestitusq; ne-
 cessarius sub praecone cum dedecore subiectus est. Etiam
 illa conclusio est trium partium, Ergo hercule cuius bo- 10
 na ex edicto possidentur &c. Vtilis est haec ratio, ut ne
 infinita ars sit, ne uel memoria incerta fluctuet. Est enim
 illud in primis uidendum, ut cum fieri potest, certus re-
 tineatur in omnibus numerus. Et ut in partiendo, sic
 etiam in eloquendo terna sunt ceteris gratiora. Sed ali- 15
 quando necessitas bina, aut etiam quaterna, & amplius
 parit. In hac oratione terna plerunque retinet, aliquan-
 do in binis consistit, raro hos terminos excedit. Habet
 haec res tantam uim, ut sine ea magna pars artificij ui-
 letur. Ac facîle ex istis intelligitur, quae ratio sit uesti- 20
 gandi atque assignandi ceteras methodos, quas quia ex-
 planare hic non potui, satis esse duxi quoquo modo enu-
 merare. Restat numerus in imitando, de quo ante di-
 ctum est, sed annotandum est in eo quem imitatur,
 quam ille uicissitudinem habeat, & quomodo colloce- 25
 tur, & in quibus rebus applicari soleat. Iam igitur ad
 ea accedamus, quae in exercitatione restant, satis enim
 multa de imitando praecipimus.

Commentationem etiam diximus in exercendo adhi-
 bendam esse, & Stylum, & Declamationem. Commen- 30
 tationem uoco, cum proposito à magistro argumento,
 stat

- spatioq; cogitandi discipulis concesso, singuli deinde ad magistrum reuertuntur, & quod meditati sunt pronuntiant. Cum uerò illud fit scribendo, & scriptæ rei ex ipsa charta fit emendatio, id Stylum nominant. atq; hæc duo
- 5 uiam ad declamandum patefaciunt, quæ tum meditatione, tum scriptione perficitur. Materia horum est, aut Latina Græce, aut Græca Latine conuersa. Poëtarum enim astrictos uersus dissoluere, aut eadem lingua optimum aliquem scriptorem alijs uerbis interpretari, non
- 10 fructuosum est, nisi tandem comparata orationis copia, & confirmato iudicio. Citius concedam, ut cum deterioribus contendant, & detracto illo fædo habitu, ornatum illis afferant. Sed in uertendo scripta linguæ alienæ, uitanda est seruitus nihil commutandi. Translationes
- 15 enim permultæ tales sunt, ut in alio sermone sint quotidianæ, in alio non recipiantur: & formæ sententiarum eiusmodi sunt, ut si maneant, barbaria sub stylum irreat: neque eadem compositio, idem numcrus, eadem membrorum consecutio potest sæpe conseruari, quare non eadem
- 20 reponenda, sed paria, & similia, & peræquæ bona atq; illa fuerunt, quæ sunt mutata. Percurramus iam, Frosi, propè omnia, quæ sunt exercitationis, etiam de arte aliqua diximus: reliquum igitur est, ut ad huius libri finem properemus, & ad nouem illa redeamus: & quoniam de
- 25 Natura diximus, & de Educatione puerili, & Subtili ratione artis, & de Memoria breuiter quam dixi arte maxime stabiliri, quedam etiam & Sermones quotidiani: quatuor adhuc reliqua sunt, Lectio scilicet, & Philosophiæ cognitio, & Memoria, & Studiorum continuatio, de quibus pauca sunt hoc in loco præcipienda.
- 30 Sed priusquam ad lectionem scriptorum uagam, & cele-

rem ueniat, prius præcepta dicendi cognoscenda sunt,
 & diligentissimè ille explicandus intelligendusq; , qui ad
 imitandum proponi debet. Sed hic inuidiosa illa quæstio
 oritur, quisnam potissimum sit legendus: quam nos in hac
 breuitate omitemus, saltem sententiam nostram explica- 5
 bimus. Sic enim statuo in Cicerone & in Vergilio apud
 Latinos, apud Græcos in Demosthene atque Platone,
 & Homero ac Hesiodo puerilem institutionem esse in-
 choandam, hosq; solos & ad intelligendum & ad imitan-
 dum proponendos esse, cæteros adiungendos prudenter, 10
 cum tempus est, & res, studia que requirunt. Qui aliter
 sentiunt, eos tolerandos existimarem, nisi magnam per-
 niciem in literas importarent. Aut enim peruersè iudi-
 cando, aut suorum scriptorum amore, ab optimis dehor-
 tantur, & acumen animi hebetant. Nam illud conceden- 15
 dum est, amisisse nos eloquentiam, ideoq; conquirendam
 esse illam apud ueteres, eosq; qui inter hos præstant.
 Nos si quam laudem scribendo retinere uolumus, eam
 utilitate rerum cõparare debemus & ipsa dictione talem,
 ut pudorem conseruemus, ut quàm diu nostris meliora ex- 20
 tant, ea nostris non postponamus, priuatim tamen quan-
 tum possumus, aut superiores, aut pares esse cõtendamus.
 In lectione etiam illud obseruandum est, ut ad certos fi-
 nes, quæ leguntur, referantur, ut similia conserantur, ut
 noua & antè non lecta notentur, ut confirmetur memo- 25
 ria congerendo; ut à melioribus & ad rem pertinentibus
 ordo progressusq; fiat, ut ea in sermone usurpentur, qui-
 bus ornetur, ita ut permaneat natiuus & doctus. Verum
 aut non statim loquendum est, aut loquendum cum opti-
 mis, quorum scripta legimus, audiuius explicari, habe- 30
 mus que dissoluta. Sed illud continuo simul ac incipitur
 prop

- proponendum est, ei qui præstare uolet omnia, quæ ipsum sapientiæ studium profitetur esse cognoscenda. Quare neque differenda ultra sextum annum puerili educatio est, neque in artibus tradendis plura pertractanda sunt, quàm ea quæ ad eas intelligendas sunt necessaria: uitanda in his obscuritas, uitandæ quæstiones aduersariæ, quædam etiam differenda. Sed quo debeant artes ordine, et qua ratione tradi, explicabimus in eo libro, qui est de institutione studiorum, quem Scholarchis nostris inchoatum informatum quæ exhibui. Nunc illud solum obtinendum est, inanem esse linguæ solutionem, et uerborum uolubilitatem absque rerum cognitione: quæ cum rectè atque ordine instituitur per ætatem hominis ab uno commodè potest absolui. ut hoc probaret uerum esse
- 15 Cicero, cum uideret esse ad summam laudem necessarium, tres illos præclaros de oratore libros edidit, et de eadem re cum in alijs locis, tum in oratore quem misit ad Brutum, copiosè disputat. Verum hoc est in hac re incommodi, quòd post maximos labores cum ad usum peruentum est, negligentur plerumque studia pristina, atque omissa in negotijs non recolantur, non continentur, neque interuallo interiecto repetantur. Extreme uires atque maxime usu comparantur, sed hic ipse non solum sustentatur, uerum etiam augetur, confirmaturque studiorum con-
- 25 tinuatione.
- Exposui breuiter, Frofisi optatissime, quæ causæ sint amissæ dicendi scientiæ, et quomodo eadem aliquando recuperari possit, explicauit. Sed omnis ratio atque uis in illa puerili educatione sita est, in qua summa magistrorum opus est diligentia, fide, prudentia, constantia. ad
- 30 quæ cum usus accedit, cum perpetuantur cum ætate studia,

dia, non potest non confici in optimis naturis quod spe-
 ctamus, ut cum eloquentia sapientiæ quoque studium
 percolatur. Quamobrem uehementer literis gratu-
 lor de Senatus nostri beneuolentia, & liberalitate, qui
 quoniam locum nobis amplissimum atq; aptissimum con- 3
 cessit, quoniam decreuit ex Repub. esse, ut coeant scho-
 læ, ut distinguantur ordinibus, ut ad singulas tribus ma-
 gistri & gubernatores adiungatur, & quoniam nostro-
 rum ciuium liberis non desunt ingeniorum commodita-
 tes, si in illis uoluntas & amor, si in nobis & diligentia 10
 & fides & iudicium fuerit, spero breui fore, ut ex hac
 Repub. eiusmodi prodeant, qui magnam uim ad erigen-
 dam iam inclinatham religionem sunt allaturi. Nihil tam
 facile uitiatur quam puerorum & adolecētum indoles,
 quæ sæpenumero cum unam aliquam maculam suscepit, 15
 tota solet labefactari. Flexibiles eorum animi sunt in o-
 mnem partem, & quocūq; inclinant, eò celeriter rapiun-
 tur, siue uoluptates spectent, siue uirtutes. Itaq; præcla-
 re mihi de rebus mortalium mereri uidentur, qui se ado-
 leſcentiæ informandæ dedunt: cui labori tametsi propria 20
 merces negatur nostra ætate nostrisq; moribus, tamen ma-
 ximæ atq; sanctissimæ rei conscientiam parit. Tibi uerò
 mi Froſi eò hæc mitto, quòd credam te unum esse cum
 paucis qui hoc tempore sapiant, qui literas ament, qui la-
 boranti religioni libenter consulunt, & quomodo con- 25
 suli possit uident: in quibus si non id consequi possumus
 quod uolumus, tamen acquiescamus nostro desiderio, dū
 quod optamus, id eorum ambitione & sceleribus impedi-
 tur, qui illud ipsum ut tuerentur & amplificarent, sunt
 constituti. Spero etiam aliquando fore, ut Deus piorum 30
 studiosorumq; uirorum gemitus exaudiat, ut illæ ipse la-
 i chry

chrymæ, quas literis, quas Ecclesiæ, quas paci
præstamus, tandem in eorum caput effuse
appareant, qui ut suas cupiditates ex-
pleant, quid Deus, quid homi-
num necessitates requi-
rant, nolunt a-
nimaduer-
tere.

IO·STVRMI

AD PRVDENTISSI-

MOS VIROS, ORNA-

tissimos homines, optimos ciues,

Iacobum Sturmium, Nico-

laum Cnipsium, Ia-

cobum Meie-

rum,

DE L I T E R A R V M

L V D I S R E C T E

A P E R I E N D I S

L I B E R .

*

De literarum utilitate.



D Nonas Martij, cum audiretur, factum esse Senatuscons. quo uobis emendatio puerilis disciplinae, & institutio Ludi noui mandata esset, incredibilis letitia data est uiris bonis. Ac quoniam uos huius instituti autores estis, propè omnes ad uos pertinent & gratulationes & laudes. Etenim uos eam rem ad Senatum detulistis, uobis Senatus eadem de re quod uideretur statuendi potestatem fecit, uos constituitis, à uobis suscepta res est, à uobis instituta & confirmata, uos fundamenta iecistis salutaris decreti, & sanctissimae disciplinae. Multa enim homines à natura communia

i 2 ultia

Vitiositas na-
turæ humanæ.

uitia habent: magna nobiscum barbaries nascitur, quidā
etiā mendosi mores & ætatum & nationum & studio
rum proprij sunt, suāq; quisq; peculiari natura fingitur:
deniq; nostris temporibus imprudētes in deterrimā con-
suetudinē ipsis moribus delapsi sumus, quibus malis nisi
remedia inueniantur, quid poterit esse in ulla repub. aut
sincerū, aut diuturnum? Quamobrem mihi quidem ne-
cessarium certē uidetur in ciuitatibus ueteres disciplinas
restitui, quæ quod aut in more, aut natura, aut cōsuetudi-
ne, aut ætate, aut opinione, aut ingenio, uitiosum est, tri-
butim deleāt. Resp. enim recte cōstitutæ ut distinctos ar-
tifices, ita diuisas quoq; disciplinas habere debēt: & ma-
nent adhuc in plerisq; uetusti moris exēpla, quæ tametsi
deprauata sint, tamē indicāt, qd illi egerint, qui ante nos
Resp. recte curarūt. Sed cum honestæ actiones ad omnes
spectent, nemoq; sit quē non secundū naturā atq; uirtu-
tem uiuere deceat: nullū tamē est hominū genus, quod di-
sciplinam sanctiorem ac seueriorem instituere, & reti-
nere debeat, q̄ literatorum. Nihil enim est in natura res-
rum, quod ita mores erudiat, ut literarū studia: nihil tam
in omnes partes fusas utilitates habet, quā humanitas
atq; doctrina. Cū singulis enim priuatim propē semper
ciuibz utile fuit habuisse liberos in artiū liberalissimarū
disciplina uersatos, tum publice fuit, omnibus ad rerum
conseruationem necessarium, extitisse nonnullos, qui in
periculis & discriminibus non solum utiliter, uerū etiā
sapienter illis quibus fuit opus consulerent. Ac si quæ
fuerunt unquam tempora, quibus Resp. propter bonorū
& sapientum raritatem, & malorum atq; imperitorum
multitudinem, ac uarietatem conflata, plurima maximāq;
pericula uiderūt, nostra certē talia sunt, quibus stultitiæ,

& cup

Literatorum di-
sciplina.

et cupiditatis plura, quàm prudentiæ, atq; sanctimonie vestigia extent: At nō tranquillis modo temporibus, verum afflictis etiam rebus antiquissimæ potētissimæq; gentes, quod nos minime facimus, sapientiæ locum esse uoluerunt. Et ante tempestates, otijq; perturbationem literarū ac sapientiæ studia coli debent, et in ipsis fluctibus, non abijci aut opprimi, ut et ante pericula, providere mala possimus, et in ipsis difficultatibus si sint diuturnæ, consilio non deficiamus. Sed fit sæpenumero, ut ne illa quidem uitemus, quæ providentur, quod cū dedecore ac periculo sint cōiuncta: ex quo genere hominū Medea illa est,
-Video meliora proboq;

Deteriora sequor.

Non multum igitur cognitio et scientia ciuitatibus adfert, nisi eodē exercitatio et uirtutis disciplina accedat, qua eadem quæ didicimus, agere consuescamus. Ibi enim demum uera sapientia est, ubi neq; in oratione incōstantia, neq; in opinione error, neq; in actionibus dedecus ullum aut aliqua macula apparet. Ac tametsi non solum doceri uirtus, uerum etiam exerceri uelit, tamē utiles semper hominum societati extiterunt doctores bonarum rerum, multaq; cognoscēda, priusquā uidere possimus quid agendū sit, et quid deceat. Non secundū uirtutem uiuet qui ignorabit, quid cōmune sit omnīū, quid multorum, quid propriū, quid laudabile sit in natura, quid in cōsuetudine honestū. Quæ enim ignorantur, et quæ uitia concipimus imprudētes, ea uitare non possumus: indicata uerò et reprehensa, etiam si plurima sint, tamen detrahuntur disciplina. Sed cū tria sint, eaq; magna quæ prudentiam, cū sapientia pariant, Natura, et Rerū usus et Do-

Sapientia.

Natura
Vtus
Doctrina.

nia, tamen eiusmodi sunt, ut nisi tertiū illud, hoc est Doctrina & Disciplina cōiungatur, neq; excoli alteri, neque alterū ad res possit adhiberi. Ingenij enim uim Deus unā cū uita nobis tribuit, neq; usus in homine nullus esse potest, cui uita longior data sit, et aliqua sit præditus industria. at utrūq; præstātius sit, si adhibeatur literarū magister, cui cū naturā bonam Deus largitus est, utilis semper, & sepe salutaris ciuibus extitit: cū uero deprauatis ingenijs literarum elegātia non rectē adhibita est, ibi mala frequēter, neq; rarō pernicioſa exēpla prodi solēt.

Doctrina literarum.

Nihil enim doctrina uehementius est: & ad iuuanā & ad nocendū summas uires habet. Multi prudentes regū & tyrannorum minas contempserunt, sine molestijs: qui poetarum odia, & oratorū clamores non potuerūt sustinere. Quamobrem non artificiose solū, sed salubriter etiā artes & disciplinæ tradēdæ sunt, quorū utrūq; nostris temporibus est uitiatum. Nā permulti neq; modum, neq; ordinē in docendo talem sequuntur, qualem res ipsa requirit, & morum nō paucis in locis eiusmodi habetur ratio, ut uitia uel non prouideantur, uel excusentur, propter inueteratā consuetudinem. Rectē igitur Senatus noster, q̄ huic disciplinæ præfectos uos esse uoluit, uosq; cōparauit qui uultis, qui studetis, qui potestis quod optimum est libero populo cōsulere. Et quoniā à uobis pars quædam mihi huius consultationis mandata est, statui meū consiliū & cogitationē hac scriptione explicare, atq; etiā aperire quod genus ludorum, optimum, & quæ docendi ratio, mihi expeditissima esse uideatur.

Quis studiorum finis.

De Magistratu, de literarum Magistris.

Optimum igitur ludi genus est, in quo & Doctrina & Morum ratio diligens habetur. Nā tametsi stu-

diorum nostrorum finis sit Rerū cognitio, tamē si à Doctrina & literis uita dissideat, quid, ut antè dictū est, utilitatis habet elegans ac liberalis institutio? Pietas igitur atq; Religio in scholis proposita sit, & ad eā iuuenilis animus cultura literarum crudiatur. Sed Rerum cognitio absq; sermonis elegantia barbara & sœda esse solet, & simul cum orationis deprauatione irrepere in homines morosam quandā uidemus sapientiæ persuasionē. Quare uidendū est, ut prima liberorū etatula mature ad linguae informationem dedatur. Ad loquendum enim homines, quàm ad cogitandum iudicandumq; promptiorem naturam habent: & quod unicuiq; aptum est, ab eo principiū in crudiendo debemus ducere. Sed ut loqui, ita etiā rectè facere pueri faciliè assuescunt. Nulla enim adhuc tum uitiorum habitudo firma coaluit, ipsaq; principio uitia depelli facilius nō admissa, quàm diu admissa deponi tandem possunt. Itaq; coniuncta sit linguae primis annis uitaq; moderatio, ut quæ post cōparanda sunt facilius assequantur, excellentē doctrinā, & religionem: quarū altera homini necessaria est, altera huic ipsi quæ est necessaria, iusta debitaq; affingit ornāmēta. Verum quod in pueriles animos insitum uolumus, id etiā in horum magistris oportet illuminatum esse, ut doctrina & pietate ceteris hominibus antecellant. Nemo enim imperitū libèter sequitur, & maior fides uiro bono, quàm malo à plerisq; habetur. Ac tametsi prima spes reposita sit in Virtutis atq; ingenij indole, qua pueros præditos esse oportet, altera in Magistris: tamen nisi Magistratus ac Parentum studia cōiungantur, sæpenumero diligentia præceptorū remittitur, & extinguitur in adolescentum animis industria oblectatio. Quare ad Reip. felicitatē p̄tinet, magistratū

Doctrina & religio.

Linguae informatio.

Magistri literarum.

Magistratus & parentes.

stratum erga eos qui erudiendæ iuuentuti præficiuntur liberalitatem exercere: & priuatim domesticis rationibus utile est, patrē uelle quā optimos esse liberos suos, eaq; in re literarum doctoribus adesse. Sed in his deligendis tria sunt spectanda, studium erga res humanas, uirtus atq; doctrina. In multis enim præclara quædam doctrinæ signa apparent, tamē ita sunt uitiosis moribus, ut exēplo esse nō debeāt: neq; pauci sunt ex bonis, qui priuatū domesticumq; otium, publicis occupationibus præferāt: quò magis uidendū est, ne doctorū diligentia pecunia magis excitetur, quā æstimetur consideratione ingenij, & animaduersione uitæ anteaactæ. Raro enim in illis cōstantia & perfectā uoluntas est, quos pecuniæ studium prouocat: qui uerò ultro incitantur, & dedecus fugiunt, his maior fides est habenda. Quocirca literarum doctores, nō solum doctrinā habeant, uerū etiam uirtute præditi sint, & cupidissimi sint patriæ, & cōmunis bonorum officij. Nam tametsi tria sint quæ animos hominū ad res præclaras excitare solent, Amor honesti, & Laudis auiditas, & Pecuniæ studiū: tamen si delectus uiri prudentes non solum dissimilibus in rebus, uerū etiam ad illa, quæ eiusdem propè naturæ sunt, adhibent: est etiam in hoc loco cura suscipiēda, ut cum eorū facultas datur, qui optimè possint, præferamus semper eos, qui cū efficiendi facultate cōiunctam uoluntatē studiumq; habent. Etenim Laudis cupiditas etsi sæpe laudata est, tamē plurimis in locis cū uitio, in quo sunt ambitiosi, cōiungitur: & Auaritia inexhaustaq; diligentia in cōparandis opibus nō potest à bonis nō uituperari: at excitatio animi, qua sponte homines ad uirtutē inflāmantur, summorū semper uiro-rū retinuit cōprobationē. Sed nemo bonus, qui nō in ce-
teris

teris quoq; uirtutis signa dari gaudeat, & sæpe in multis iniquorum ingratitude minuit industriam. Liberalitatem excellentia ingenia, & exercere uolunt, & experiri. Neq; quisquam est omnium, qui perpetuò inuitis atque ingratiss prodesse possit. Graui dolore uirtus afficitur, cum se à uitio superari uidet: & quanquam dilatari concupiscit, tamen etiam tum cum contracta est, habet quo se consoletur. Qui uult, qui cupit, eidē uirtus adest semper: qui uerò recusat, qui cōtemnit, is non describitur à quo debet conferuari, sed per quod incolumis esse possit, aut refugit, aut nō amplectitur. Itaq; nō solum beneuolentia habenda studiosis est, uerū etiam muneribus, & quasi stipendijs afficiendi, & salutaribus decretis sunt ornandi, quæ egregiæ uoluntatis solent significationem habere. Electionem igitur & liberalitatem in magistratu requirimus. Liberalitas eò extendi debet, & ut ne quid rerum necessariarū desit Magistris, & ut quàm plurimi non solum doctores literarum, sed etiam parentes & adolescentes excitentur. Quæ enim honorantur, ea celebrari solent: quæ uerò contempta aut neglecta iacent, hæc etiam si optima sint, tamen raros excultores habent. Deligendi uerò sunt, ut dictum est, qui & doctrinam tantam habent ut possint, & ea natura diuinitus ipsis data est, ut cupiāt publicas commoditates amplificare.

Quis modus sit, & numerus
Stipendiorum, & unde
illa petenda.

EST etiam certus numerus, & definita ratio, in dandis numerandisq; stipendijs tenenda. Primò necessaria decernenda sunt, deinde ueniendum ad ea, quæ in amplitudinem & dignitatem conferuntur. *Necessaria uoco*
i 5 gram

Liberalitas magistratos erga literatos,

grammaticorum, neq; ullus locus esse debet, praesertim in Christianorum conuenticulis, ubi nō sit, qui elementa Latini Graeciq; sermonis tradat. Sed quæ ciuitates plus possunt, illæ etiam comparent, qui differendi dicendiq; artes doceant. Magnarum uerò dignitas postulat, ut maiorum artium professores constituāt, atq; illis qui minus possunt Theologos & Medicos, & Iurisperitos suppedient. Modus autem in tribuendo ita definiri potest, ut liberalitatis ratio nō uioletur: ut ne quod alteri deest, in eo alter abundet, & effluat. Est enim in hoc magnū signum Reipub. nō recte constitutæ. deinde qui necessarijs deficiunt, atq; illis carēt, sine quibus iustum in literis otium nō conceditur, sæpe coacti egestate ab officio discedunt, multa remissè, aliqua etiam auarè, neq; indecorè nulla & nō conueniēter committunt. Numerus uerò eiusmodi constituatur: ut primò ad ciuitatis opes, & ad utilitates studiorum referatur: post etiam ad honestatem, dignitatēq; ratio reuocetur. Florere itaq; eam Rempub. literarū doctrina putabo, in qua, quiq; necessarij sunt, & qui possunt ornamenta ciuibus adferre, nō desunt, & in qua nemo decedit, nemo etiam intermissionem facit, qui uel successorem, uel adiutorem pro se non relinquat. Quæ enim possunt ciuitates statim de principio duos in utroque genere comparent, qui doctrina excellent, & quoad possunt, efficiant, ut suis opibus perfectæ, & ipsæ suis uiribus contentæ esse uideantur, nihil etiam aliunde comparent, quod domi possint inuenire. Satis ad hanc rem quam proposuimus facultatum esset, si sacræ opes recte dispensentur: atq; utinam cæteræ ciuitates nostræ Reip. exemplum sequantur, ut si omnia quæ fieri debeant, efficere non possint, tamen tantum, quantum possunt, quātulumcunq; sit,

Voluntas
Facultas
Constantia.

Opes ecclesia-
sticæ.

fit, uelint elaborare. Tria sunt quæ in omni re ardua & magna sunt necessaria, unum ut uelint, alterum ut quod uolunt possint, tertium ut quod possunt, postquam susceptum opus est, efficiant. Sed medium illud paucarum magnarumq; ciuiatum est, illa uero altera ubi non sunt, ibi reprehensioni atq; uituperationi est locus. Studendum enim, & prudenter conadum est, quodcūq; utilissimum ciuibus esse statuis. Opes ecclesiæ maiores nostri, ad officiū cultumq; Deo & Christo summa cum reuerentia & deuotione uitæ tribuendum compararunt. Expletur autem id officium in egestate earum rerum, quibus corpus animusq; carere nō potest, doctrina & beneficentia. Horrenda tempora sunt, cum in eos bona Christi cōferuntur, qui neq; bonitatem exercere uolunt, neq; docere possunt, & inepti sunt ad munera in Christianorum conuenticulis suscipienda: deniq; , ut ne quid dicam quod grauius sit, qui ad dehonestandam, quā ornandā religionem, aptius ingenium habent. Sed hæc de malis dico, quorum nostris temporibus nimis magnus numerus est: utinam boni communibus studijs excitentur ad eos depellendos, qui honestissimo omnium mortalium ordini maculas infames inurunt. Illud satis sit, si iam bonis constet, ecclesiæ facultates, primū doctrinæ & egestati, deinde literis, quibus doctrina plurimum iuuatur, & nostro tempore necessarie sunt, esse comparatas: quam rationem si tueamur, poterit aliquando uetustus mos, & maiorum nostrorum disciplina recuperari. Sed hæc hæcenus de Magistratus officio, & magistrorum mercede.

Parentum officia.

Parentum etiam domestica cura, ad magistrorum consilia debet esse aggregata. Valde enim puerilem educationem

cationem turbat, cum inter hos offensiones extant. Ferre igitur pater debet, ut laudari, excitari, amari, sic etiã moneri, reprehendi, castigari liberos suos. Sic in scholis literarum, ut in magno populo leges constituentur, & ita in puerili turba ad laudem prœmia, & ad uituperationem castigatio proponatur, quemadmodum in ciuium conuenticulis à magnis solet fieri legumlatoribus. Sed iniquus estimator & iudex sepe est amor, neque quicquam, nisi à se corrigi patitur, & frequenter tametsi aliud dicat, tamen odit seueriorem animaduersionem. Illiberale est puniri, & castigari uerberibus: at quoniam maxima pars uitiosam naturam habet, cū necessarium est, & propter condiscipulos, dissimulari non potest, & cum utile est puero, officium sibi parens prœstari putet, si ad animum emendandum, corpori dolor, qui animo, quàm tangendi sensui grauior sit, adferatur. Crudelitas & cupiditas in eo qui instituit & docet, semper uituperari debet, & amouendi à literarijs ludis sunt, quicūq; ex uerbatione uoluptatem capiūt: sed indulgētia multas magnasq; incommoditates secum adfert. Illi igitur ab ingeniorū educatione repellēdi sunt, qui neq; in puniēdo, neq; in ignoscendo modum retinere possunt, neq; illorū liberis in studioforū cœtu uersari licitum est, qui cōmunibus legibus nolūt obtēperare. Cōiunctæ esse debēt Patris Magistrīq; uoluntates: neq; rectē in scholis obtēperatur, cum horum à puero animaduertūtur offensiones. Domestica etiã occupationes, & impeditiones curarum, literarū studia, & quæ in scholis prœcipiuntur, neq; impediunt neq; perturbant. Liberū requirūt literæ, cum rectē est excitatus, animum: cui impedimento sunt labores: qui tametsi corpori salubres sunt, mentem tamē ita afficiunt, ut ad rerum considerationem

In Scholis prœmia & poenacō
stimulandæ.

Præpositi magistri
remouēdi.

Liberum animum
literæ requirunt.

siderationem existat ineptior. Sunt autem omnino quatuor, quæ patri elaboranda sunt pro Magistro, cum domi est adolescens. Vnum, ut amorem erga literas excitet, et Amor in literas. augeat industriam: alterum, ut agnoscat filius à quo salutaria præcepta ad informandum crudiendumque; animum percepturus est, hinc observantiam præstandam esse: tertium, ut ne pueri diligentia domesticis laboribus distra- Observantia erga præceptorem. hatur: postremum, ut in sermone et corporis cultu, atque in uictu nihil committatur, quod aut studia debonestet, Otium à laboribus. aut euertat ingenij acumen, aut quoquo modo moribus officiat. Denique id agere uterque parens debet, ut quæ in scholis proponuntur, quæque ipsi tradere, aut ignoratiõe, Honestas morum. aut uoluntate, aut occupatione impediti, non possunt, eadem tamen uelle, et optare uideantur. Erudiet enim indoctus parens hoc modo puerum ad disciplinam.

De Puerorum Delectu

& Officio.

Sed diligenter principio pueri naturam et domi à parentibus, et in coetu publico ab eo, cui in disciplinam traditus est, considerari oportet. Neque enim solum qui tanto ingenio nascuntur, à disciplinis sunt amouendi, sed multi etiam natura sunt non mala præditi, qui tamen ad literas sunt inepti. Quidam etiam naturam eximiam et illustrem habent: tamē aut ad rem militarem, aut ad Reipublicæ curationem idonei magis sunt, quam ad artes atque disciplinas. Sed ut optimi medici est iudicare posse, qui cum magna spe liberorum rectè matrimonium coire possint: ita etiam industrii doctoris atque magistri est, uidere ad quam quisque artem accommodatam naturam habeat. Sed diligens est considerare, periti cognoscere, boni et ueri parentes comonere. Elaborare enim debet non ut quam plurimos,

Delectus.

rimos, sed quàm optimos habeat. Vt igitur excellens & singularis institutio atq; disciplina suscipiatur ingeniorum, ut militum delectus est habendus, neq; quisquam conscribendus, per quem te nihil effecturum speres. Corporis quidem comoditas spectanda est, sed nō ita ut mētis præstantiæ præponatur. Magna enim res est, ac ualde optanda corporis & species, & sanitas, & cōformatio: sed animo nihil præclarius. Semper igitur de animo iudicium fieri debet, qui si corporis quoq; elegantia atq; figura commendetur, munitam magis ad labores & autoritatē uiam

Animi uirtutes.

habet. Animi uirtutes sunt ardor in suscipiendo, studium in uestigando, acumen in percipiēdo, industria in perficiendo, & in cōseruando memoria. Vbi enim hæc sunt, ibi etiam mētis est integritas, de qua est apud Platonem, quæ ueritatem amat, & odit quod est cōtrarium. Optabile est, omnia hæc simul, & equalia esse in omnibus: uerū id in hominum naturis positum nō est, quæ uarie sunt, et multiplices. Itaq; etiam illa ingenia à ludo & pueritiæ disciplina reijciēda non sunt, in quibus hæc inueniuntur mediocria. Neq; cōfestim iudicium fieri & celeriter potest. Quidam enim ingenio atq; natura acuti, principio tardi sunt ad intelligēdum, tempore tamen atq; exercitatione postea celeres motus ad percipiēdum cōsequuntur. In multis natura cōsopita, atq; oppresse corporis grauitate iacent, quæ præceptis informata & erudita, eximie atq; illustres solēt existere. In nōnullis etiam excellēs ingenij ad percipiēdum ratio est: at memoria interim tarda, interim etiam nō firma, quæ disciplina & usu excitari et confirmari potest. Volūtatis primo habēda ratio est, quæ cū adest, spes sit etiā de mentis sensibus: si desit, primum laudatione & promissis est prouocāda, latēt enim multa quæ

Voluntas.

quæ non apparent. Deinde si hac non succedat, obiurgatione utendum est, neq; abstinendum à uerberibus antequam desperetur. Est etiam aliud ingeniorum genus, de quo est apud Platonem in libris de Repu. quod industriâ claudicâtem (ut ipse uocat) habet, uenationibus & palestra magis, quàm literis atq; doctrinis deditum. Hoc Socrates à Dialectica disciplina repellit: nos etiam ne ad literas quidem idoneum putaremus, si omnes perfectos esse uelimus: at ferendi sunt etiam mediocres, & corrigi possunt deteriores animi impetus disciplina & cōsuetudine.

De Cultu, & Oratione puerorum.

HActum demum rectè instituitur, cū uniuscuiusq; natura cōsiderata est, & cū ad uitæ genus omnes actiones, omniaq; studia cōferuntur. Quapropter ut uiuendi ratione, ita etiam cultu & oratione, atq; moribus studiosi ab indoctis differant. Quibus in rebus maxime quid deceat uidendum est. Decet autem id maxime, quod à professione uitæ nō est alienū. Iam cū professio studiorum sit ratione & oratione uti prudētius, quàm faciūt cæteri homines, uacare debet omnis actio, atq; sermo, temeritate & negligētia: & ordo & cōstantia, & moderatio dictis omnibus factisq; est adhibenda. Occultandus etiam, si frænari omnino nō potest, uoluptatis et libidinis appetitus. Quare si amor est uitandus & dissimulandus adolescenti, decet etiam ab eodē formæ studium esse remotum. Et si dedita militiæ & uenationum studijs ingenia, corrigenda sunt, debēt etiam, qui corporis cultu militem magis & uenatorem, quàm literis deditum puerum referunt, aut emendari aut cōmoneri. Vestes dissolutæ, constringi: pendentes ex humeris, applicari: scissæ, cōsui possunt: quare locus in his excusationi nō est, sed est relictus.

Professio studiorum.

Cultus corporis.

repræ

reprehensioni. In sermone semper quod illiberale, & petulans, & flagitiosum, & obscœnum est, in pueris animaduertendum, tollendumq; est. Sed habent quædam nature uitia, quæ uerbis magis, quàm uerberibus tolluntur & emendatur: ut est in sermone, aut tarditas barbara, aut præcipitata celeritas. Verba etiam & sententiæ emendandæ, quibus is, qui audit, contemni uideatur: sed tamen propter consuetudinem aut ignorationem, non emendandæ uel acerbè, uel cum dolore. Optimus sermo est, qui habet prudentiam, ordinem, uerecundiam. Vituperandum est, quod est stultum: emendandum, quod indoctum, & turbatum: quod uerò inuerecundum, si impudens sit, ut est ostentatio, uerbis: si impudicum, & flagitiosum, ut obscœnitas & mendacium, acrius animaduertendum est. Deniq; Cultus ad ualitudinem, & professionis conuenientiam, Sermo ad prudentiam & uerecundiam referatur. Qui hæc non retinent, uitiosi sunt, & obedientiam, quæ in disciplina est præstanda, abiecerunt. Est etiam aduersus omnes homines adhibenda reuerentia. Itaque uitiosum est, Magistratui, Theologo, Magistro, Parenti, Seni, non assurgere, non caput detegere, non respondere, aut non ita respondere, ut deceat. Obedientiam relinquunt, qui ludunt, cum uacatio studiorum non est data, contra reuerentiam faciunt, qui tum ludunt, cum id ceteri ciues uident, quibus nota est discipline consuetudo. Qui in somno & quiete, qui in ludo modum, tum etiam cum conceditur, non seruant, tametsi grauissimum facinus non sit, tamen quia intemperantes sunt, deformant disciplinam. Laudata uerò illa discipulorum congregatio est, in qua & præstans natura, & amor ardens, & diligentia constans, & uerec

Sermo optimus.

Reuerentia.

uerecundia est liberalis.

De Pauperibus.

Pauperum uerò magnas ciuitates in primis rationē habere decet: Semper enim honestissimū fuit, Liberalitatem & Beneficentiā colere, & Christus pro se Pauperes suo gregi reliquit. Sed nō unū genus egestatis est. Sunt quibus inuisus Labor est, & gravior est Inertia: qđ genus mendicorum cū corporis uiribus non destituatur, eiiciendū est ē ciuitate rectē instituta. Est enim uel inutile, & ceteris obstat: uel sceleratū, & latrocinij, furtisq; deditum. Quibus uerò, etiā si uiribus ualeāt, & ingenio aliquid possint, tamē aut liberorū multitudo, aut parentū creditores, aut casus amicorū, aut priuata aduersa; fortuna impedimēto sunt: hi si uirtutem amant, & dedecus effugere cupiunt, ab omnibus bonis ex ærumnis sunt eripiendi. Et si enim miserum est, tamē quia non est consceleratū, debet subleuari. Nā si Rerump. finis felicitas est, Resp. finis. haberi potest in miseris ea ciuitas, in qua ciues boni premuntur egestate. Est huic generi etiam tertium adiungendum, quod uel diuturnitas morbi, uel uirium imbecillitas, uel senectus, facit ærumnosum. Sed hæc tria genera, non ad nostram institutionē. Verū est præterea aliud, quod uiribus integris est, & ingenio plurimum potest, nulla; fortuna iniquiore est afflictum, quā quod ex parētibus egenis est natum, & ad literas excellentē naturā habet, ad quarum studia sua sponte fertur. Huius medicitas nō solum excusari, uerū etiā laudari debet, & mouere ceteros ad bonitatē. Est etiam nostro seculo pernecessariū. Nam contraria diuitiarum & paupertatis, uirtutis & uitij, liberalitatis & auaritiæ studia. Vbi enim ampla literis præmia exposita sunt, ibi maior existit stu-

k

diofor

Diuitiæ insolē-
tiam pariunt.

diosorum copia, quam apud illas gentes, quibus gratior barbaries est, quam elegantia doctrinarū. Diuitum uerò atq; Nobiliū, nisi singulari naturæ bonitate præditi sint aliqui, multo maxima pars aut effœminata luxu, aut uitijs illis cæteris dedita, quæ propria illorum sunt, peruerse iudicat, & ad ambitionē, atq; pecuniæ studium rapitur, in quibus difficile semper fuit moderationē retinere: apud hos uerò uirtus esse putatur, uaserrimum opum, bonorumq; sine modestia, & religione, sectorem fieri. Longius progrediuntur, & magnos gradus ac processus faciunt, quibus religio & uirtutis dignitas proposita est, quàm hi, qui quæstū atq; potētia sequuntur, et per gratiā & opes nulla doctrina, nulla sanctimonia uitæ ad amplissimos honores ascendūt subitō. Paupertas uerò tarde & sero peruenit quò uult, sed tamē multos edit, qui res magnas & arduas elaborāt atq; perficiūt. Electio autem in multitudine ac uarietate, q̃ in paucitate & solitudine faciliior est. Et ex his q̃ diuitijs effluūt, & genus clarū à maioribus cōparatum habent, pauci sunt, qui ad se literas pertinere putent: paupertas uerò tametsi in omni re optimum quicq; rarißimū sit, tamē plures ad literarū studia & amorē excitat. Magnā uim ipsa habet ad suscipiendū, sed impedimento est egestas ad perficiendū, si nō sustentetur. Itaq; nō excludi à ciuitatibus mendicitatem decet, quæ amore sapientiæ flagrat: neq; solūm ciuium liberis tribuendum, id est, ut alantur gratis uirtutis ergo, sed etiam peregrinis atq; alienis, in quibus ingenij ac industriæ lumen accensum uidetur. Maxima enim semper summaq; hospitalitatis & bonitatis laus fuit, et inter nos, qui Christiani nominis sumus, maximopere necessaria. Hoc enim Religio ab Elegantiā & Quæstus cupiditate differt:

Paupertas a-
mans uirtutem
subleuanda.

differt: quod hæc duo cū illustribus et florētibus hospitii faciunt: illa uerò, his à quibus neq; gratiā neq; opē, neq; questum expectat, domum apertam habet. Sed in pauperibus ordo moderatioq; tenenda est, ut ne ciuium liberi (præsertim si boni sunt) egeant, & ut meliorum ratio habeatur: semperq; præferatur id, quod est optimum. Ciuium liberos in egestate esse, turpe est: & honestum est, alienos non deseri. De quorum indole constat, certus numerus constituatur, quibus Respub. uictum suppeditet, ceteri priuatim à ciuibus conquirant necessaria. Omnes autem & qui priuatim ciuium benignitatem expetiunt, & qui ex communibus facultatibus aliquid capiunt, ornamentum, non dedecus: & utilitatem, non molestim scholæ & disciplinæ adferre debent: excludendi sunt, si faciant secus, quàm deceat. Liberam enim bonitatem ciuium non obstrictam esse uolumus. Ornamento est, qui uirtutem & religionem colit: inutilis est, qui non potest esse exemplum, sed exemplo obest.

Cines pauperes.

De priuilegijs.

Priuilegia enim non ad impunitatem, & erratorum defensionem feruntur: sed ad puniendum fontes irrogantur, & tuendum insontes, & confirmandū res communes sunt comparata. Illa uerò iura, quibus utitur Lutetia & Louanium, & ceteræ ciuitates, in quibus docentur artes atq; doctrinæ, ob raritatem studiosorum uidentur esse constituta. Fuerūt enim tēpora, quibus profligatæ literæ, omnesq; doctrinæ fuerūt: ad quā calamitatē tollendā excitata fuerunt magistratū studia, & proposita præmia, & aditus ascensusq; patefactus ad honores, & in petulantes ciues, quibus ingrata & contempta literatorum ac studiosorum cōditio erat, irrogata priuilegia. Itaq; ad

Quare priuilegia data.

excitanda ingenia, præmia honoresq; expositi, & ad defendendum otium, retinendâq; dignitatē, tales leges sunt latæ. Sed factū est in hac re, quod cæteris omnibus rebus fit, quæ sunt bonæ, ut paulatim illis homines abutantur. Nam & in tribuendis honoribus, temporū magis & pecuniæ ratio habetur, q̃ uirtutis atq; doctrine: neq; delectus ullus habetur, ordinesq; peruertuntur: atq; ita iure nostro utimur, ut ad impunitatē facinorū & integumentum uitiorum, & uanā, falsamq; sapientiæ persuasionem constitutam esse uideatur. Verū Magistratus ut dare, & præmijs afficere, sic etiam corrigere & auferre potest. Apud Græcos qui præclarè de Rep. meriti erāt, illis quotidianum in Prytanæo sumptū ciuitas præbebat: at si quis postea patriam prodere conatus esset, & abuti scelerato aliquo facinore cœpisset hac benignitate, eundem non solum honore priuassent, sed lege etiā egissent, & de capite causam cœgissent dicere. Ita honore in Rep. retinebant, uitia corripiebant. Legibus frui debent, in quibus ea sunt, quorum causa sunt latæ, Rerum cognitio, & Amor literarum. Qui uerò uiolant leges, & dehonestant consuetudinem, reprehendendus omnis ordo, Magistratusq; est, si nō puniantur. Quapropter perennia quidē contestataq; priuilegia esse uolumus, sed ita, ut seueritas disciplinæ, mosq; uetus retineatur. Hæc sunt quæ breuiter & generatim, de uniuersis, quæ ad literarum ludos pertinere uidentur, scribenda cōmonendaq; uidebantur.

Satis enim præclarè agetur, si omnium studia referantur ad Pietatem & Sapientiam: Si copia eorum, qui docentur, tanta sit, ut præclarorum ingeniorum delectus haberi possit: si Magistratus præmia constituat, & addat dignitatem: si coniuncta sint parentum ac magistrorū studia, &

Qui priuilegijs uti debeat,

Scopus studiorum,

dia, & uoluntates. Si Magistri tales sint, & doctrinam tantum habeant, ut possint: & ea uirtute præditi sint, ut uelint, & cupiant illustrare, atq; amplificare literas: si pauperum ratio habeatur, si legibus atq; priuilegijs, ita ut lata sunt, utamur. Deniq; tum demum omnia florebut, cum id tantum quisq; agit, quod sibi ratio & uitæ genus præscribit. Id neq; à Deo maius nobis imponitur, quàm ferre possimus: neq; quisquam suscipit prudens, quod efficere nō potest: & in liberis ciuitatibus tantum unicuiq; mandatur, quātum uires atq; ingeniū possunt sustinere.

Vnum in ciuitate commune, publicumq; Gymnasium esse constituendum.

Scribendum deinceps de constituendis Scholis, & distribuendi sunt ordines, & docendi ratio, atq; disciplina tradenda est. Quod enim temerè fit, & perturbatè, et dissolutè, rarò magnos facere progressus solet. Itaq; rectè apud Platonem Protagoras sentit, etsi orator nō sapiens inducitur: tamē illud uere πᾶς γὰρ ὁ βίῃ το αὐτῶντις ἀποβῆναι τὴν οὐκ ἀγαθὴν αἰσῆς.

Vno igitur in loco, quemadmodum unus etiam uerorum studiorum finis est, ludos literarum cōprehendi utilius est, quàm per diuersa ciuitatis loca esse distractos. Vt enim ineptum esset, decem ouibus magistros singulos, singulaq; pascua singulis assignare, sic etiā non laudabile est, quod ab uno, aut à paucis peræquē ut à multis fieri potest, eodemq; in loco, distrahere id et pluribus cōmittere. Deinde gaudet homo societate, et frequentia, & pauci sunt quibus grata sit solitudo. Raro etiā absq; uarietate & præstantia est multitudo, itaq; & delectū & exēpla

habet. Xenophon quoq; persarum ἐλευθέρων ἀγορὰν uno in loco fuisse coedificatam scribit, scmotam à turba atq; strepitu. Omnis enim liberalis educatio δὴν ὁμοίαν καὶ συνῆν ἵππον καὶ σωματικὴν ἀγέτω habere debet, ut ordine atque modo omnia progrediantur, ut communia studia, cōiunctæq; uires, quasi uno aspectu appareant. Quæ causa etiam Persas mouit, si uerè Xenophon scribit, ut tametsi distributa loca illa essent, quæ appellabantur χῶραι, tamen in iisdem locis uersabantur pueri, adolescentes, natu grandes, & qui emeritum militiæ tempus habebant. In cœtu enim & frequentia, plura atq; præclariora ad excitandum exempla & maiores ad discendum occasiones exhibentur, quàm in paucitate: quare ciuitates ad docendum aptiores sunt, quàm loca deserta, ut uult Socrates apud Platonem in Phædro. Itaq; nisi multitudo hominum conuenientium, & ciuitatis amplitudo tanta sit, ut locus unus non sit satis, id quod fit Lutetiæ, utilius est coacta esse, quàm distracta gymnasia. Etenim & qui docent, & qui audiūt, uarietate et copia excitantur, læguescunt autem solitudine atq; raritate. Vnum igitur literarū liberarium sit gymnasium, in cōmodo medioq; ciuitatis loco coedificatum, si id serāt, & locorum interualla, & multitudo: sed hoc quoq; suis sit distinctum ordinibus, quā diuisi erūt & docendi genere atq; uarietate & laborandi exercendiq; temporibus, de quibus nūc est præcipiendū.

Ordinum distributio.

Finis studiorū.

Propositum à nobis est, Sapientem atq; eloquentem pietatem, finem esse studiorum. Omnes enim homines Pietatē colere decet: at hoc Literatus ab Indocto differt, quòd ratione atq; oratiōe præstet. Quare proposita esse debet rerum cognitio, & orationis puritas & ornatus, qui

qui hoc nomine, quo homo homini antecellit, uolet haberi dignus. Huc igitur refrant uniuersa studia, qui profiteri, & qui accipere talem disciplinam uolunt. Et quamquam coniuncta sunt, Sapientiæ & Lingue studia, tamen humanæ naturæ aptius est, si ab orationis elementis inchoetur institutio: ueruntamen morum, quemadmodum dictum est, semper, atq; cōtinuò disciplina retinetur. Cum ergo primus labor ad informandam erudiendamq; linguam suscipiendus sit, recte fiet, si ad orationis diuisionem, etiam ordinum distributionem accomodemus. Volunt enim optimi autores, ut Oratio perfecta, primum pura sit, & dilucida: deinde ornata: post etiam ad id, de quo dicitur, congruens & apta. Duo illa prima propè eandem & certè copulatam doctrinam habent, & tum nostris temporibus cognoscuntur, cum adhuc magistris & pædagogis est puer subiectus. Tertium ut est insignius, ita etiam liberaliorem exercitationem requirit, sed tamen non solutam legibus, ut in metu adhuc sit adulescentulus. Quartum confirmatum in literarum studio animum desiderat, itaq; eiusmodi leges postulat, ut obseruantiam præstent auditores, & qui docent retineant auctoritatem, & in obtemperando obsequium uoluntatum, & in præcipiendo seueritas sit liberalis. Diuidemus igitur omnes ordines in duo genera. Vnū est Pueritiæ, quod necessarias, perpetuasq; auscultationes habet: alterum Adultæ ætatis, quod publicas, atq; liberas requirit. Puerili educationi annos nouem damus, publicæ auscultationes utique quinque sibi assumunt. Itaq; fiet ut etiam si septimo anno puer ad magistros ducatur, tamen uigesimo primo per omnes ordines sit progressus.

Eloquentia ante sapientiā tradenda.

Perfecta oratio pura sit, ornata, & rebus congruens.

Auscultationes necessariæ. Libera.

Quo tempore puer ducendus sit ad
Magistros.

Sexto anno ma-
gistro traden-
dus puer.

Sed non idem in omnibus ingenij lumen est. Excellen-
tes quedam nature sunt, quæ quinto anno literarum
uim, & legendi rationem consequi possunt, quedam etiã
uix septimo excitantur: quanquã qui id tempus excedât,
si stupor maneat, rarò ad frugem perueniunt. Sed ut ille
quæ celeriter & citò incipiunt, aliquando præpropere
solent esse, & etate deprauari: sic illi qui uix septimo
anno excitantur, sepe firmitus iudicium, & constantio-
rem uoluntatem consequuntur. Medium igitur tempus
Sextum annum idoneum ad discendum omnibus statui-
mus, ut simulac puer annum Quintum egressus est, &
ad Sextum etate peruenit, disciplinæ tradatur. Qui uerò
ante eam etatem assequi grandiores possunt, magna de se
signa dant talis nature, quali Dialecticos præditos esse
uult Socrates, & ἑρμηνεύς nominat, quibus scilicet
celeris motus sunt ad intelligendum.

Quot ordines necessariorum
auscultationum.

Novæ classes.

Cum primum igitur infantie anni præterire, et ad-
uentare pueritia incipiet, committendus puer est li-
terarum doctoribus, & ducendus paulatim per omnes hu-
ius discipline ordines. Horum numerum, annis illis desin-
imus, quos dedimus puerili educationi. Sint igitur no-
uem Ordines, siue Curie, siue Classes, aut etiam Tri-
bus, aut quocunq; modo appellare libet, quemadmodum
anni sunt etiã nouē. Ex his orationi Latine atq; diluci-
de, septē cōstituimus: reliqui duo ad cōparandū ornatū,
idonei sunt, cuius prima præcepta in his duabus curijs
traduntur, exercitatio autem iustior atq; maior facultas,
illis

illis quinque annis, quos liberis scholis atque aptè dicendi generi necessarios putamus, accedet. Vt enim pura et perspicua oratio, coniunctam doctrinam habet, et sunt *crispus*: sic etiam ornatus esse uix nullus potest, si sit ineptus, et aptum nihil dicitur quod est inconditum. Fui aliquando in ea sententia, ut sex ordines sufficere putarem, sed usus, hanc partitionem utiliore docuit. Septem igitur annos matri ad educandum et ludendum cum puero damus, quatuordecim debentur magistris, neque pœniteat ante uigesimum primum non exire e scholis puerum. Ante enim id tempus, et matrimonia et publicæ curationes inutiles sunt: sed hoc curriculum, literarum palæstra et ludo aptissimum est.

Ordinum utilitates & singulorum ordinum distinctio & quomodo excitandi pueri.

Est autem in hac distributione tum necessaria quedam utilitas, tum eiusmodi oblectatio, quæ pueritiæ studiis est accommodata. Nam fieri non potest, ut unus omnia docere possit: et nisi certus cōtestatusque ascensus inueniatur, accidit plerumque, ut à uero itinere non solum ignorantia, uerum etiam cupiditate aberremus. Nostri etiam temporibus quotus quisque est, qui uigesimo primo anno aliquod præclarum doctrinæ documētum statuerit? Vix quinquagesimo assequimur, in quo statim iuuenes decebat excellere. M. Cicero annos natus uiginti sex, nec amplius, orationem pro P. Quintio et Sexto Roscio habuit. Quis postremis hisce seculis è uita excessit, uel senex, qui tale post se exemplum reliquit? At neque libri nobis desunt, neque ingenio carēt homines nostri, labore fortassis etiam non cedunt: duo tantum desunt, Romanus sermo, et recta

Utilitas huius ordinis.

k 5 ratio,

Delectatio.

Imago reip.

ratio, uetusq; disciplina, quorum utrunq; comparandum est, antequam perfectum aliquid expectemus. Sunt aliæ multæ utilitates, quas hic commemorare non est opus: delectatio uerò in eo est, quòd quasi imaginem exprimat ciuitatis et integræ Reip. Tres enim illi uiri omnium præfecti, quos Senatus cõstituit, quasi Aristocratiae faciẽ representant, & alteri tres qui intermedij sunt, inter hos tres quos dixi, & inter moderatorẽ disciplinæ tanquàm administri sunt, si quid extra ordinem sit deliberandum. Tota deinde multitudo ut omnes ciues sic in ordines, quasi in Tribus atque Classes digesta est, quibus singuli doctores tanquam plebi curatores, aut etiam tyronibus magistri sunt præfecti. Ordines uerò per Decurias distinguuntur, ex quibus Decuriones deliguntur: animaduersores morum, & exactores officiorum. Ipse etiam moderator, ita præest, ut innoxius Dictator, qui Magistratui potentiori subiectus, tum demum laudem obtinet, si rectè regat, & magnos utilitatis fructus præbeat. Præmia etiã singulis ordinibus, ceu fortibus ciuibus proponuntur, cum progressio quotannis sit ad loca superiora, de qua est etiã explicandum.

De Progressionibus ordinum.

Multum excitat adolescentes, cùm quantum profecerint animaduertunt. Plerunq; etiam posteriora faciliora putant, cum priora superarunt. Vnde illa Aeneæ cohortatio,

O passi grauiora, dabit Deus his quoq; finem.

Solennis debet igitur quotannis ascensus ad superiores ordines fieri: ad quem non solum Magistri uenient, uerum etiam omnes Præfecti, cum Theologis, atq; puerorũ Parentibus ac Amicis. Duobus etiam in singulis ordinibus,

bus, qui maiores quàm ceteri profectus fecerunt, præmia danda sunt industriæ atq; uirtutis. Et quoniam ea in re gratia suspecta sæpe est, ius erit inferioribus cōgredi cum his qui præpositi sunt, et stylo et oratione et disputatione contendere, ut si par sit, qui concertat eodē præmio afficiatur: si imbecillior, redeat tamen ad suum locum cum nullo dedecore. Calēdæ Octobris utiles sunt ad eam progressionem, aut enim desinunt tum morbi, aut nulli sunt, aut si sunt, uitari possunt. Medium etiam tempus est, ut neque nouo labori hyemis inclementia obstat, neq; finis æstatis fastidio afficiat adolescentes, qui se tum ad Calendas Octobris præpararunt.

Progressionum
tempus.

Postremus Ordo, hoc est Nonus.

Est autem à postrema parte sumendum principium. Ita q; sub quintum sextum uel annū ad eum ducatur, qui literarum figuras, cōiunctiones, sonosq; docet, cui cognitioni nouam Tribum, primumq; et unum annū dāmus. Sed cum duo proposita sint, ad quæ illa tria refrantur, Lectio atq; Scriptura, quod omnibus præcipiendum est, hic primus tenere debet, ut quod optimum est sequatur. Doceat igitur literarum figuras, quoad potest elegatissimè ducere, atq; representare, et earum sonum plenè, et ut decet, exprimere. Tradat ergo linguæ, et spiritus, et uocis moderationē: in quo uidendum est ne quid quod putidum, obscurum, exanimatum, inflatumq; grauius sit, exprimatur. Vox lenis, non aspera: spiritus plenus, non anhelatus: sonus pressus et æquabilis, nō uastus, aut hiulcus, aut rusticus esse debet. Quia in re uulgi cōsuetudinē improbare, cum sit, rectè licet: sed quod doctissimi faciūt, id semper est retinendum. Qui optimè pronuntiant, multa cum Græcis et Italis cōmunia habent, sed quædam habent

Lectio, & scriptura.

Catechismus.

bent singularia. In Germanis multa sunt corrigēda, plura in Anglis & Gallis. Itali peccāt minus, sed nemo in literis nōnullis nō uitiosus, aut singulis, aut cōnexis. In docendo etiā morum curā hic agere decet. Itaq; in catechismo exerceatur. Is beruis sit, ut statim transitus fiat ad nōminum & uerborū inflexiones, quarum certa exempla, eaq; generalissima sunt deligenda. Si rectē institutio accommodabitur, in quo non praua natura est, uno anno & legere discet, & inflectendi formas communes mandabit memoriæ. Quibus uerō aliquid superest temporis, his faciliores & breuiores Ciceronis epistolæ sunt proponēdæ, quales illæ sunt, quas ad Terētiā uxorem, & quedā, quas ad Tironem Libertum scripsit. Nos tres libros ex omnibus epistolarum uoluminibus elegimus, in quibus nō quid doctissimum sit spectauimus, sed quæ maxime idonea huic ætati essent, congesimus: neq; scio an quicquam sit, quod utilius à principio proponi possit.

Ordo Octauus.

Partitio Grammaticæ.

AD octauum ordinem, illis, de quibus dictum est, iactis fundamentis, prima studiorum progressio, primaq; industriæ exercitatio fiet. Nam qui præmia acceperunt, conabuntur ut sequēti anno, partum honorem nō perdāt: & ad nouam laudem uiam munient: & qui postremi fuerunt, ut ne rursus uincātur, elaborabunt, & nitentur pares esse doctoribus, aut etiam antecellere. Diligētior tum primis sex mensibus tradenda est grammatices partitio, uerū neq; obscura, neq; ad omnes exceptiones deducta. Duabus quotidie horis opus est ad hanc explicationem: id quod reliquum temporis est, æ glogis Vergilij & epistolis Ciceronis est tribuendum. Est autem id duarum horarum: quasi enim quatuor horis doceatur, ita præcipio.

Dissol

Diffolui Epistolæ debent, & flectēda atq; uarianda uerba singula, eaq; rursus coniungēda, & uniuscuiusq; consecutionis tradenda ratio. Sed rationem cōstruendæ orationis in posteriores sex menses diffro, cui doctrinæ horæ duæ quotidie sunt trāsmissendæ, alteras duas ut superioribus sex mensibus in Epistolis Ciceronis, & Vergilij æglogis alternatim ponere oportet. Consuescere hic puer Latino sermone incipit, & propositas sermone quotidianas sententias, formis Latinis cōmutare. Hæc enim exercitatio rectē stylum præcurrit. Carmina etiā modulari tum debet magister: idemq; puer consuetudine atq; exercitatione magis, quàm ratione imitari. Quodcūq; autem traditur, nisi id apertissimè explicetur, uitiosum est.

Ordo Septimus.

Vbi ad septimam Tribum ascendit, colligere post uires ingenij illa ætas incipiet, & de se aliquid promittere. Cognita enim hic tum sunt magna ex parte, nō minum uerborumq; & genera & inflexiones: præcepta etiam nō ignorantur orationis cōiunctæ. Sed repetenda hæc subinde sunt, & renouāda memoria: quapropter rectē distribuenda tempora sunt: ut ne horum reuocatio, insequentium rerum cognitionem impediat. Verborum enim atq; syllabarum omnium tempora atq; moræ sunt perdiscēdæ, neq; ignorādi orationum modi, & uersuum genera. Sed satis est horam unā huic præceptioni quotidie dare. Nam neq; multis tradēda est, & si quid decrit, quod cauere ne sit nimium oportet, si quid tamen decrit, in Sextis cōsumabitur. Proponēdi hic sunt duo illi libri Ciceronis & elegātes & pij, et ad intelligēdū faciles, unus de Amicitia, alter de Senectute. Atq; his alterā horam uacuam cætero labore uolumus. Tertianā poëtæ sibi uindicant.

Cicero de Amicitia & Senectute.

Poetæ.

cant. Aeneis Vergiliana uirtutes omnes heroici uersus habet, reliqua genera ex Catullo, & Tibullo, & Horatio sunt congerenda. Plura ex Catullo & Tibullo, si essent pudica, sed si id non licet, & si quæ desunt, meliora enim uix apud ceteros inuenias, tamen quæ desunt, ex Horatio colligantur. Sed nihil in pueri aures atq; animû intret, quod nō sit pudicum, pium, elegans, liberale. Stylo quartum dicēdi tempus concedatur, propterea quod in proponēdis argumētis, & corrigēdis scriptis, utilitas magna posita est, & plurimum temporis cōsumitur. Si quid autem supererit, id ei rei, quæ magis egebit, explicatione licebit surripere. Sed eruenda sunt argumēta, ex illis quæ audiuerunt pueri, ut cognoscant, unde sint capiēda uocabula, & sentētiarum formæ. Distinguenda quoq; diligentissimè poëtica uerba & figuræ, ab Oratorum puritate: cogitetq; nihil quod nō legerit in Ciccone, aut nō per-miserit Magister, esse Oratorum. In carminibus faciendis subleuanda pueri industria est. Est enim per se molesta, idq; principio, scribēdi cōsuetudo: Poëtarū uerò oratio, eò plus habet difficultatis, quò coniunctior est, atq; astringitior uerborum cōtinuatio. Quocirca transponenda bonorum carminum uerba sunt primis mēsis, ut solum in structura laborēt: post sentētiæ liberæ proponēdæ, sed tamen omnes ut harum inuestigatione nō habeat opus, sed in uerborum inuentione & connexionē sit occupatus.

De Memoriz̃ exercitatione.

TRes isti ordines magnam requirunt memoriæ exercitationem. Nam cuiuscumodi præcepta sunt quæ traduntur, ut omnia illa teneri memoria, eaq; perpetua debeant. Itaq; non plus legendum est, quàm recordandi uis possit sustinere. Quarundam tamen rerum intellectarum
loca

Stylus.

Verba poetica.

loca utilius notantur, ut exceptionum, quàm res ipse statim animo insculpantur. Sed sunt quædam quæ statim teneri perneccesarium est, ut $\kappa\alpha\tau\alpha\lambda\upsilon\tau\epsilon\varsigma$ artis, & inflexionũ formæ, atq; exempla. In Cicrone et Vergilio haud scio, utilius ne sit omnia quæ leguntur, an ea solum quæ insignè habent imitationem, posse memoriter commemorare. Inconsulta enim adhuc illa tum ætas est, & multa mandanda, quæ sua sponte nō faciet: neq; satis illud discitur, quod cum opus est nos fugit. Itaq; quotidie aliquid proponendum, non solum ad intelligētiam, sed etiam ad memoriam exercendam. Verum ut dixi, quantum uires, rerumq; natura ferre potest, tantum est imponendum. Repetēda etiā modico intervallo ad cogitationem renouandam, quæ semel didicerunt, sepe numero & statis temporibus. Sed illustriores fiunt animi sensus, ipsaq; reminiscendi facultas magis illuminatur, & singulorum faciliior est, & inuentio & usus, si partiantur, & communibus quibusdam iudicijs, quasi membratim incisimq; ad generalia capita cōgerantur: ut quæ mens ipsa composita memoriter recitare potest, sciat etiam quibus in locis eadem dissoluta atque distincta inueniet. Quemadmodum enim ualde nos illæ tabulæ Cosmographorum excitant, atque illustrent sensus, quæ eadem loca descripta habent, in quibus aliquando uersati sumus: ita etiam uasta sunt illa composita, quæ animo compræhendimus, propterea quòd una in re omnia stylus non complectitur, sed cum unum locum annotando cumulantur, explicant sese, & clarius intuentia proponunt.

De ratione docendi, & de Horis.

Sed alio loco tradenda est hæc ratio resoluendi: nunc Suerò antequam ad Sextum ordinem ueniamus, breuiter

Non diu docen-
dum, nec omnia
eodem loco, &
tempore.

Varietas tēdiū
expellit.

uiter de modo explicandi, & de Horis, quibus docendum est, quædam interponamus. Neq; enim onerandi sunt longis lectionibus pueri, neq; satis est magistrum præstantissimam delegere, eademq; intelligere, sed in explanando expeditissimam, utilissimamq; uiam cognoscere, atq; inire oportet. Quæ in re uituperandus illorum mos est, qui continētibus, multisq; horis aures occupant auditorum: neq; satis esse putant, id solum explicare, quod est in scriptore, neq; sufficere posse putant inchoatam sepe alicuius rei cognitionem, sed omnia conantur uno in loco docere, et plerunq; aliena adferunt, quo quàm diligentissimi, & quàm doctissimi esse uideantur. Equidem fateor semper aliquid uel audiendum, uel legendum, uel scribendum, uel cogitandum atq; querendum esse, sed fastidium parit continuata & proluxa attentio: uarietas uerò satietatem & offensionem aufert, & habet uoluptatem. Relaxata scholarum contentio, domestica studia, & secretas cogitationes excitat. Quatuor, aut ad summum quinque, sed non pauciores quàm quatuor, neq; plures, quàm quinque horæ sunt imponendæ magistris. Hæ pro locorum, & temporum, & cōsuetudinum ratione sunt distribuendæ. Facilitas in explicando semper tenenda est, ut quæcunq; audiant iuuenes, queant etiam intelligere. In postremis istis ordinibus uerba tantum, & uerborum cōiunctiones tradendæ: & sententiæ formæ interpretandæ ita sunt, ut et sensa illarum cōsequantur, & cognoscant quibus in locis similibus uti liceat. Primi autē cōsuetudinum, historiarū, cōsiliorum, ornamētorum, & insignium locorum, qui in arte continētur, explicationē requirūt. Verūm distribuenda suis temporibus omnia sunt: neq; artificiosi doctoris est quicquā alieno tēpore exponere, aut commemorare.

Delib

Deliberare igitur semper, cum re, & cum uiribus ingeniorum, oportet. Ex quouis enim ligno Mercurium uelle facere, ineptum est. Hærescē etiā, atq; sedere uno in loco diu, obstat, & officit celeritati, atq; festinationi mentis. Sed & præproperea festinatio sensus fatigat, & conturbat memoriam. Medium tenet, qui maturè agit, neq; plus proponit, quàm ingenia ferre, neq; diutius immoratur, quàm res, quæ ad cognoscendum exponitur, requirere uideatur. Varietas etiam eodem die uitanda est, illa inconsiderata, quæ fit aut singulis, aut iisdem horis. Quæ dierum interualla habet, utilior esse solet, sed nunquàm ad noua ueniendum est, antequàm susceptū argumentum perficiatur. Inchoatam enim aut argumentationem, aut narrationem, aut artis caput, intermittere, & aliquid interponere, intelligentiam distrahit, memoriam confundit, & mentem, quæ semper ad perfectionem peruenire conatur, grauat. Plura eodem die, quàm tria, exerceri, uituperandum est. Vtilius est in duobus consistere, sed aliquando necessarium est tertium adhibere. Quantū uerò pueri intelligant, & quantum consecuti sint, facile cognoscunt tum doctores, cum quæ audiuerunt, quasi repetunt interrogationibus, quæ breues sint & apertæ. Cauendæ enim omnino sunt, in scholis illæ orationum longæ & concitatæ circunductiones, quas etiam si animi celeritas assequatur, tamē memoriæ fidelitati semper est inimica, mentis etiam uegetationi, quæ spatium sæpenumero ad meditandum requirit, est ingrata.

Deliberandum quid res requirat, & quantum ingenia ferre queant.

Semel suscepta perficienda.

Duo aut ad summum tria eodē die exercenda.

Ordo Sextus.

Non mihi dubium est, quin consequatur puer quod pollicemur tribus hisce annis: ut Latine atque dilucidæ orationis præcepta teneat, ipse etiā uim aliquam facien

Res cognitæ
per exemplare
petendæ.

faciendi similia cōparet, si ingeniū studiumq; non desit, et si rectè, atq; hac ratione instituatur. Post nonū igitur decimū uē annū ingredi puer in eū locum debet, in quo educantur, quibus præcepta, reducenda potius in memoriā sunt, quā tradenda noua. Itaq; nisi quid addendum sit, quod antea doceri nō poterat, uacatio præceptorū danda est eo anno, et solum cognitarum rerum memoriæ consulendum. Id commodè in oratorum et poetarum explicatione fieri poterit. Pergere hic in Aencide adhuc debent, hora una, et absoluenda sunt ea, quæ ex Catulli et Horatii collectis carminibus restabunt. Deligendi etiam ex Cicerone speciosi et illustres quidā loci, ut sunt magnarum rerum infinitæ quæstiones, ut commemorationes quæ aliquam laudē, aut uituperationem, aut singularem quendam uel ordinem uel munionem habent. Sunt etiā argumentationū pulcherrimarū exempla nonnulla, quæ rectè ad imitandū proponuntur. Quidam sunt quoq; in Cicerone sententiarū circuitus, qui ornatum summum, qui figurarū non unū genus habēt, et utiliter mandantur memoriæ. Ipsæ præterea figuræ uariæ, et singulari sæpe ratione cōfuscentur, quæ nisi notentur, occurrere in scribēdo nō solent. Illa omnia huic curiæ tribus libris congeri ac distingui uelim. Scio equidē uituperādos esse illos libros, qui nobis pueris legebātur, et ex scriptoribus sine ordine coactas sententias habebāt, breues illas quidem, et subtiles, et elegātes, sed hoc genus memoriā uastat, aciem styli distrahit, et sæpe facit, ut multa ineptè scriptis interponātur. Sed quemadmodū summi oratores, quædā in forū Athenis et Rhomæ, scripta attulerūt, cætera parua cōmentatione quasi ante delineata dixerūt subito: ita etiā ego in scholis fieri uelim, ut

quæ

quæ ab oratoribus nō potuisse dici uideātur, nisi ante do-
mū cōposuerint, ea certo iudicio seligantur, & adstran-
tur in ludū. Neq; inutile est in hoc loco, etiā ex alijs scri-
ptoribus, aliquid ad cognoscēdū interpretari: Medij sunt
inter oratores, & Tragicos & Epicos & Melicos, Poë-
tæ, Historici, etiam Comici, qui & ipsi Poëtæ quidē cer-
tē sunt, sed tamen structura magis & argumenti genere,
quā uerbis atq; sententijs. Historici poëtica multa ha-
bent, uerba scilicet, & formas sententiārum, sed plura sunt
oratorū. At utriq; quædam habent peculiaria. Nā histo-
rici temporum sæpe ut tum usurpabātur uocabula reti-
nent, & liberum quidem cōpositionis genus habent, sed
ad legendū diligenter, quā ad recitandum celeriter as-
ptius. Cæsarem excipio, qui oratori quā historico simi-
lior suas res quotidiani sermonis uerbis maluit cōscribere:
Itaq; hūc solum in Sextam tribū admitto. Vtilis enim
in isto loco uoluptas erit, si inter Terentiū et Plautū in-
terponatur. Etiā Sallustium darem, sed trās fertur utilius
in Quartam, quod etiā in Plautinis malim teneri. In Te-
rentio est, Appellere animū, pro applicare sese: & Occi-
pere, pro incipere: & proh Deū atq; hominū fidem. etiā
in Plauto tum similia, tum etiam plura sunt, & libenter
uterq; postponit pronomina in clausulis sententiarum.
Sunt alia multa eius generis, quæ notare quidem pueros,
sed non uti uelim nisi in re simili, aut cum potest fieri de-
core, id quod à magistro est demonstrandum. Oratorum
stylus genus aliud orationis facit, & audaciores transla-
tiones similitudine explicat. Sic Catulus in secundo Ci-
ceronis libro de Oratore, Timidē tanquam ad aliquem
libidinis scopulum, sic tuam mentem ad Philosophiā ap-
pulsisti. Eodem uerbo usus est ille senex quo Terētijs, sed

Historici.
Comici.

Cæsaris com-
mentarij.

Oratorum more, expressa similitudine. Sed Terentio post Ciceronē nihil utilius est: purus est sermo, & uere Romanus: uerū ut oratorem statim & rectē sequitur, sic sine imitationis uitio nō potest precedere. Est enim ibi aliud orationis, q̃ illud genus dicendi oratorum. quod tametsi ab omnibus adiumenta capiat, uult tamē principio ex suis fontibus ut perlucidus amnis defluere. Habebunt igitur præceptores qđ duabus horis in gymnasio explicēt: tertia hora, id iterarē atq; redintegrarē quod esset utilius, id quod sæpe ad stylum est accommodādum: Cū enim carminis argumentū propositum est, rectē Vergilius bis recitatur: cum uerō epistola, aut argumentationis, aut loci cōmunis, utilius in illis tribus libris, de quibus dixi, pergitur. Mutari hic ordo nō debet, nisi cū res tempusq; postulat. Quartā horam scriptarū cōpositarumq; rerū emendationi damus, neque pœnitere nos debet eius temporis, quod in hac consumimus. Sed fit aliquādo, ut sit aliquid legendū. Itaq; libenter hoc tempore Cæsarem & Terentium proponam, alternatim & explicatione menstrua.

Emendatio cō-
positionis.

Ordo Quintus.

Superior annus, quasi finis est, eius discipline, quæ Latina, pure, atq; apertæ est orationis, & relaxationē quandam præceptionis concedit: hic autem illa repetenda est, & ad linguam Græcam est transferenda. Huc usq; enim Latina lingue elementis, tanquam Romæ, atque in Latio uersata pueritia est: nunc ueniendum ad Græci sermonis consuetudinem ceu Rhegium, aut ad aliquam ciuitatem aliam, ad quam Græci negotiatores conueniunt, & in qua ipsi doctores, quasi eius ciuitatis ciues, quæ commercium cum Græcis habet, utriusq; sermonis sint periti. Sed igitur primis mensibus semel quotidie, ex Græcæ lin-

Græca lingua.

æ lingue Grammaticis præceptis aliquid proponatur, in quibus quoniam multa cum Latinis cōmunia eademq; sunt, facilis est & cognitio & memoria. Secundum illos sex, per tres eius anni insequentes menses, fabellæ Aesopi Græcæ, pauca & faciles, cōuenienter explicabuntur: quibus postremo trimestri tempore Olynthiæ Demosthenis succedent. Hæc igitur in eum annum unius horæ sit occupatio. Alterius labor in Ciceronis libris, quos de Officijs scripsit, suscipiatur, si tres illi libri, qui ad Sextum ordinem adferuntur, sint perlecti. Non enim inutile est tertium huic loco relinquere, si absolui nisi præprope ra festinatiōe nō possit. Bis in Cicerone utilius quotidie est uersari in hac Curia, quàm in Poëtis, quare tertia hora, tametsi Georgicis Vergilij destinata sit, & primis mensibus tribus legenda ea sint continenter, tamen in sequētib; rectè interponetur Ciceronis aliqua oratio, qualis est illa pro lege Manilia, aut pro Q. Ligario habitata. Quartam horam scripturæ & compositioni relinquo: uerum coniungi huic debent Rhetorici Libri de orationis ornamentis scripti, quæ ex illa enumeratione, quæ est apud Ciceronem libro tertio de Oratore, & in Oratore, sunt petenda: sed perficienda, atq; explicanda horum præceptio ex Hermogene. Elocutio enim ideo præcedere inueniendi rationem debet, quòd ad cognoscendum faciliora sunt singula orationum ornamenta: inuentio melius inter scribēdum principio ultrò à pueris & à natura adhibetur, quàm ab iisdem docendo possit intelligi. Itaq; uerborum maior hic copia cōparanda est, & cumulandæ sententiarum formulæ. Nam hæc sonum, & sententias, ipsaq; argumenta adferunt, & sæpenumero sunt informatæ atq; figuratæ. Multos uidemus, qui in quoti-

Elocutio inuentionem præcedere debet.

diano sermone prudētiam prae se ferunt, at in lingua Latina aut Graeca, parum ab ignavis atq; indoctis differūt. Hoc non rerum ignoratio, neq; sententiarum destitutio, sed uerborum penuria parit. Vtiliter igitur cū styli exercitatione atq; correctione scriptorum, coniungentur modorum atq; figurarum partitiones, quae in tradendo singula indicari debent: mista uerò, atq; uariata cōmonstranda sunt in scriptoribus.

Ordo Quartus.

Quinto demum anno tentandū est, ut aequabiliter Graecis atq; Latinis progrediamur, & coniungamus cum Cicrone Demosthenem, & cum Vergilio Homerum, alternatim horis duabus. Nam tertia primis sex mensibus Grammaticae adhuc Graecae est impendenda, in qua quaedam fortasse de orationis structura, & de syllabarum moris atq; accentibus restabunt. Praecepta Rhetorica quartum locum cum stylo occupabunt, qui hic incipit esse ornatior, & ipsis praecipis consentiens. Omnes libellos Rhetoricos Cicronis Partitiones superant, si rectè explicentur, & mandentur memoriae. Sed praecepta Herenniana, quae libro primo tradita sunt, in hoc loco ante partitiones praeoscuntur celerius, neq; sine fruge. Sallustius post hanc praceptionē adiungi potest, & Plautus, non exemplorū gratia, quae in Cicrone & Demosthene duabus horis demonstrātur, sed ob historiam & singulare genus orationis, in quo cum iudicio uersandū est. Saepè enim cū decore adhibetur, elegantissimum est in oratore: ut in Cicrone Terētiana sunt, quibus sic utitur, ut nō solum ornata, sed etiam necessaria fuisse uideantur. Qui huic loco praefectus est, quomodo utendum istis sit doceat, & congesta habeat, atque deducta per sua capitula, quae

Graeca cum Latinis coniungenda.

Partitiones oratoriae Cicronis.

Sallustius & Plautus.

ta, quæcunq; lecta sunt per hosce sex annos, ita ut uulgata, & in cōsuetudine posita, à Poëticis & Historicis sint separata.

De resolutione Oratorum.

HAbent enim omnes artes propriam quandam resolutionē: sed eā uelim ita tractari ab oratore, ut nō solum cognoscat, quid factum sit ab aliquo in oratione, quem uel legit uel audit, aut etiā quomodo id sit confectum: sed ut & similia ipse efficiat, & quasi quendam penum congestas omnes & res, & rerū sententiarumq; formas, & earum partes, hoc est uerba, habeat: & plena possideat omnia loca artis, tanq̃ copiosus & locuples paterfamilias. Sit igitur illa oratorū ἀνάλυσις, orationis cōpositæ solutio, & reductio ad locos tum uerborum, tum rerum, tum artis. Quæ uerò reducuntur, etiā notari à studioso & congeri, & ita deduci per capita membraq; debent, ut quodcunq; in animum atque nostram linguam cadit, etiam inuenire possimus, quibus id uerbis, uel Græcè uel Latinè, exprimere concinnè, & doctè possimus. Verborum locos appello, qui in ipsis sententiarum formis reperiuntur. ut in his duo latent loci, Aliquem aliquid colere: Aliquem amicitiam colere. Partitio horum rectè ex ordine naturæ petitur, qui cum à nobis intellectus erit, facile ubi unumquodq; uestigandum sit, cognoscemus. Est autem illa diuisio humanæ naturæ accommodata, qua res omnes in ea, quæ sunt in natura, & ea quæ non sunt, partimur. Esse dico nō solum θεῖας, & quæ θεῶν κόστα nominantur: uerum etiam illa, quæ dicuntur accidere, nouem rerum adtributa, quæ sunt apud Aristotelem. Nō sunt autem particule ac uincula orationis. Rursus earum quæ sunt utrunq; aut Diuinū est, aut Na-

Resolutio oratoria.

Loci uerborū.

Partitio naturæ cōsistentia.

Naturalia.

Homo & hu-
mana.Triplex bono-
rum genus.

turale, aut Humanum: neq; quicquam est in natura rerū, quod non horum aliquod reſcratur. Quod uerò Diuinū est, aut est re uera id, quod eſſe dicitur, ut Deus, Angelus, Cælum: aut falſum eſt, & ex errore natū, ut Iupiter, Iuno. Eandem etiam diuiſionē habēt quæ ad hæc duo pertinet atq; adhibētur, Vera ſcilicet religio, Falſusq; cultus. Naturales autem res, aut Simples ſunt, ut Elementa, & nature quatuor: aut Compoſitæ, quæ uel ſenſu præditæ ſunt, uel ſenſu carent. Rurſum quæ ſenſu carent, aut ſub æthere in ipſoq; aëre generantur, ut fulgur, fulmen, tonitru, nubes, pluuiæ, nix, grando: aut ex aqua terraq; ſumuntur, ut mare, fluuius, inſulæ, continentes. Quæ uerò ſentiunt ſimilem diuiſionem habent, & aut in aëre, aut aqua, aut terra degunt. Latiffime fuſus eſt ille locus, neq; hic propoſitum eſt omnia perſequi. Naturalia uoco, quæcunque ortum & occaſum ſentiunt, præter hominem, cui propter dignitatem proprium locum tribuo. Illa igitur humana ab eo unde nominata ſunt, hoc eſt ab homine, incipiunt. Huic Deus uitam largitus eſt, & propter hominem cetera quoq; animantia in lucem produxit. Homo igitur uitæq; proponatur, ac ſub utroq; ambos ſexus Marcem atq; ſœmunam complectamur. Rectè enim coniunguntur contraria: itaq; ex altera parte mors etiam uitæ opponitur. Hominem præterea in Corpus Animūq; ſecamus, & ambo proprias ſuas habent partes, officia, figuram, quæ à medicis & phyſicis ſunt petenda. Sed hoc animal, quod homo appellatur, & cæteris omnibus præſtat, tria bonorum genera, tanquam agros & prædia poſidet: ut Animi, ut Corporis, ut fortune, ut iuſtitia, ars, ſanitas, libertas, & quæ ab his ſunt orta: ut à iuſtitia, ius, iudicium, hæreditas, proprium, alienum, pæna, pr.

poena, premium: ab iniustitia, caedes, rapinae, adulterium: Contraria enim, ut dictum iam est, semper sunt componenda. Omnia haec proprias actiones, & priuatos effectus habent. In animo est cogitatio, ratiocinatio, recordatio: in corpore ingressio, status, motusq;. Sed haec actiones uel Necessariae sunt, & natura fiunt, carētq; ratione: ut crescere, marcescere: item Quasi necessariae, ut edere, potare, & cetera quas nominare turpe est: uel Voluntariae, ut ambulatio, nauigatio. Has actiones quaedam praecurrunt aut sunt cōiuncta, ut locus, tempus, facultas, instrumenta, causae: quaedam uerò ex omnibus cōsequuntur, utile, bonum: quibus adiungi, sed seorsim, possunt, facile, difficile. Inter praecurrentia etiam locum habet multitudo, copia, uarietas, paucitas, solitudo. Genera quoq; rerum effectarum, nouum, iucundum, admirabile, ceteraq; eius generis recte hisce annectuntur. Operosum est hoc in loco omnia enumerare, uiam indico, per quam non difficile iter erit, quibus propositum est ingredi. Verborum igitur loci, ex hac partitione distribuendi sunt: sed distinguuntur hi ipsi loci rerum quatuor, substantia, quantitate, qualitate, & duobus alijs ex quibus unū facio, actione scilicet & passione. Philosophorum haec sunt & nomina & inuenta, sed maximas etiam oratori utilitates adferunt, & necessaria sunt in omnibus artibus ac disciplinis. Omnia igitur quae dissoluuntur ex illis quae esse in natura dicuntur, per haec quatuor distincta loca requiruntur. Sed & illis, quae acciderere dicimus quasi sub sensum cadāt, utimuri: itaq; ad primum genus & Oratio & Orator deportatur: ad alterū Oratio prolixa, & Orator copiosus: ad tertium Oratio suauis, & ornata, ut etiam suauem & ornatū Oratorem appellamus, ad postremū orationē habere, & dicere, &

Actiones animi
peculiares, &
corporis.

Praecurrentia,
& consequen-
tia actiones.

Quatuor loci
rerum.

Attributa aut
rerum, aut per-
sonarum,

perorare: Ita singula diuiduntur adtributa, in res & per-
sonas. Vtrunq; uel Simplex est ut oratio, lingua, eloquē-
tia: uel Coniunctum, ut oratio atq; lingua, uis eloquen-
tia, sapientia eloquētia, dicendi scientia. Omnia uerò ita
inter se cōnexa sunt, ut antecedentia, media, & cōsequen-
tia. Sic enim differunt consuetudo, amicitia, beneuolētia.
Naturæ quoq; ordo in actionum uarietate poterit tene-
ri, ut orationem instituere, orationem facere & ornare,
orationem perficere & perpolire. Sed actio etiam atque
passio per duo illa media distinguuntur genera. Diuisa
enim suis locis sunt, aliquem habere multam orationem
de re aliqua, & esse alicuius orationem perelegantem &
persubtilem: Ad contraria uerò certo ordine ueniendum
est: in amicitia enim primum est deligere amicos, deinde
amare, post augere, hinc confirmare, ex hoc permanere,
florere. Offensiones etiam existunt: & irrumpunt sepe
in amicos amicorum uitia, inde ledere, ex quo offendere,
& discindere amicitias, contingit, tandem etiam capita-
li odio disfidere. Sed hæc hætenus de uerborū & rerum
locis: sunt etiam artis hoc est rationis dicendi alij loci, de
quibus in Rhetoricis libris explicabimus. Nos si Deus no-
bis uitam largietur, pleniora hæc, atq; perfectiora paucis
annis edemus: neq; uideo quæ uia melior esse possit, quàm
hæc, assequendi eam orationis copiam & puritatem, qua
nostris scriptoribus ueteres præstant. Procul enim adhuc
omnes absunt, ab eo fine quem proposuerunt: & adhuc
homines iudicare melius de re facta possunt, quàm perfe-
ctum aliquid consummatumq; dare.

De ratione commentandi.

Longius ab instituta oratione digressi sumus: redeun-
dum igitur ad Quintam tribum est, & addēda quæ-
dam

dam sunt, quæ deesse uidebuntur. In hoc itaq; ordine nō contenti esse debemus, Scribēdi exercitatione, uerum memoriter etiam quædam nō scripta, recitanda sunt. Argumento igitur ad narrādum, aut probandum, aut amplificandum proposito, dandum spatium est discipulis eadem hora, qua docendum erat, ad cogitandum: ut quod antea scriptum adferre cōsueuerant, id iam meditatione atque cogitatione comprēhensum pronuntient. Tria enim in scholis facimus Dictionum genera, unum scriptum, alterum subitum, tertium quod intermediū est, et meditatum. Sed à Stylo principium faciēdum est, inde rectē ad Commentationem fit progressio. Subitæ dictiones suscipi nō possunt, nisi post diuturnam et assiduam scribendi atque cōmentandi consuetudinem. Commentatio rectē instituitur, quemadmodum et ipsa scriptura, in rebus notis atq; quotidianis, aut si illa Latine et aliena lingua recitent, quæ in Græcis scriptoribus sunt interpretata. Quales sunt Homeri et Demosthenis narrationes, laudes, uituperationes, amplificationes, et loci communes. Sed Poëtica ita referenda sunt, ut foro et circulis, quàm theatris atq; orchestris sint similia. In Oratoribus etiā liberam uolo linguam, ut illa solum retineantur, quibus nihil potest esse melius: quæ uerò similia sunt, cōmutentur, si uidetur: et quæ deteriora, quod fieri solet in formis deterioribus, aut uocabulis peregrinis, illa semper tollantur. Id etiam in scribendo est retinēdum. Verū adiuuanda industria est tenere ætatis magistrorum diligentia: et ut in primis ordinibus scripta argumenta dictantur à doctore, nō inueniuntur à pueris, uerba etiam dātur, et singula, et cōiuncta multa: sic hic prius explicādus est locus ille à præceptore, et ostendēda quæ sint insignia, et talia ut nihil præst

Commentatio.

Tria dictionū genera.

præstantius, quæ item cum Latinis similia, quæ diuersa. Satis enim profecerit puer, si principio rectè coniungit quæ audiuit, si æquabiliter pronuntiet, si non erret, si scripto similia esse appareant. Post hanc exercitationem, etiam contrariæ rationes inueniendæ sunt, neque solum quod Demosthenes narrauit, sub commetationem subire debet, sed etiam quæ à Media, & aduersarijs patronis uerisimile est potuisse adferri. Hec ab illo etiam, qui docet, sunt præmonstranda. Vt enim optandum est, qui crux fregit, illum si alteri innitatur incedere posse: ita etiam dignum maxima spe est, uel illa rectè referre puerum posse, quæ ante magister uoce præiuit.

Ordo Tertius.

Dialectica, &
Rhetorica præ
cepta.

EXtremo uerò pueritiæ anno, ad Tertiū ordinem adulescens ascendet, ubi cum præceptis rhetoricis Dialectica sunt componenda, & maior dicendi facultas, differendi ratione adiuta, comparanda est. Sed cōstringere oportet Dialectica ex Aristotelis libris, & exemplis philosophorum & theologorum illustrare. Sunt apud Aristotelem multa quæ non ad doctrinam artis, sed ad præceptorum demonstrationem pertinent, quæ hoc in loco sunt omittenda. Fidem enim iam nos habemus optimo magistro: suis ipse tum temporibus aduersarios habuit eruditos & doctos homines, quos nunc non habet: aut si habet, est illud eiuscemodi genus Sophistarū, quod à doctissimis semper scriptoribus est uituperatū. Artis igitur probationē hic nō requirimus, sed eius postulamus explicationem, & eam neq; prolixam, neq; operosam, neq; obscurā, sed breuem, expeditam, & planam. In Rhetoricis autē id legendum est, quod ex differendi ratione petatum est, ut sunt Ciceronis Topica. In hoc etiam ordine Demosthenis &

Aesch

Aeschinis aduersarias orationes, interpretādo explanari uelim, sed partiendæ illæ sunt propter prolixitatē, et Demosthenis orationem ad secundam Curiam, si absolui in tertia nō queat, uelim transferri. Hic illæ commentationes in quarta institutæ continuandæ sunt, & partes integre, in utriusque oratione postquam enodatæ sunt, sumpto ad cogitandum tempore, oratione Latina memoriter, dilatandæ. Ea exercitatio rectè adulescentulis, cum dimittuntur, imponitur, & audiuntur domo reuerſi. Surripere igitur huic labori quartam horam oportet: qua cum per tempus & recitationem earum rerum, quas cogitatione & meditatione habent complicatas, licebit, legere etiam utile erit, Historicum Sallustium, aut Cæsarem: ad Liuium tum, cum illi lecti erunt, perueniantur. Magnus ille quidem scriptor est, sed obseruator ætatum, & oratori dissimilior, quàm Cæsar & Sallustius. Thucydides enim magis Liuius, quàm Xenophon placuit, quem secutus est Cæsar. Sallustius rerum breuitatem, uerborum usu distincto & accommodatione propria compensat. Topicis Ciceronis, de quibus dictum est, haud scio an Hermogenes rectius præponetur: certè legēda in hoc ordine sunt quæ de statibus scripsit. Ita enim loco secundi libri qui est in Herennianis substituetur. Primus in quarto ordine interpositus est: quæ in quarto libro docet Herennius illa in quinto proposui explicāda. Tertius liber, quæ de Memoria habet, nolim explicari: Impediēt enim cursum nostrum: & artis obseruatio, & Dialectica præcepta magis, quàm illa, memoriam augent & stabiliunt.

Hermogenes
de statibus.

Ordo Secundus.

Postquam ingressus est adolescentum cœtū, qui antea puer erat, maturè ubi annum in tertia tribu uersatus est,

est, ad secundam progredietur: in qua finem ornatæ orationis præcepta & principium apti generis dicendi reperire oportet. Sed quæ finitima sunt, nõ solum continuari debent, uerũ etiam coniungi, atq; necessitudine uinciri: ita & in ornatu id quod decet inchoari, & in eo quod decet ornatus perfici debet. Tardè Cicero, & tum, cum sciret quid aptum, quidq; ineptum esset, didicit Remos inhibere, quid esset. Tironem etiam docuit, tum cum limari ab illo sua scripta pateretur, ineptum esse Fideliter inservire ualetudini. Quamobrem cõiunctam habere debent exercitationem, sed in præceptione tenendus est ordo, & modus, de quo explicatum est. Demosthenis igitur oratio, quam pro Ctesiphonte habuit, si in tertia classe non potuit exponi, hinc explanetur. Si uerò ibi explanata sit, delegatur ex cæteris quæ uidebitur idonea. Dialectica præcepta, de quibus scriptum est ita cogi & explicari debent ex Aristotele, ut duos annos in illis maneant adolescentes: sed tamẽ in hoc loco exercitatione magis, quam præceptione sunt erudiendi. Itaq; eadem hora, qua præcepta docentur, dialogus aliquis ex Platone, aut Cicero ne interponatur, in quo demonstretur utendi modus, & recta doceatur disputandi ratio. Partitiones etiam Ciceronis hic proponendæ sunt, ad illustrandam firmandamq; memoriam. Vtilissimus hic libellus est, ut antea proposui, & in omnibus scholis retinendus, sed explicandus expeditè. Pergant etiam in commentando & scribendo adolescentes, & seuerius iudicium scriptis corrigendis adhibeatur. Incipiet enim iam sese stylus foras efferre, & expectare omnium ordinum iudicia. Post cognitæ Partitiones ueniendum est ad Ciceronis Oratorem, ubi breui indicatur quid deceat, et quas res oratorem habere oporteat,

Exercitatio magis quam præcepta hic requiruntur.

teat, & quomodo perficiatur. Isto enim anno fundamenta operis perfecti iacienda sunt, quod uigesimo primo absolutum uolumus uidere.

Ordo Primus.

Decimus quintus annus libertatē adolescentibus promittit, & uiam ad primas artes, maximasq; disciplinas patefacit. Posthac enim conandum est, ut illud aptum genus dicendi adhuc adolescentes consequantur. Aptum appello, quodcunq; literarum est, & doctrina illuminatum, & liberale, & rebus personisq; accommodatum. Hoc teneri haud quaquā potest absque maximarum atque adeo propē omnium rerum cognitione. Et quanquā ne ornatus quidem affingitur honestus, sine liberali artium atq; Philosophiæ doctrina: tamen quo perficitur hinc habet, quod ex apto defluerit. Quæcunq; igitur philosophus summiq; uiri profitentur, elaborare decet ut adipiscamur: qua uerò uia ad huius studij arcem perueniamus, paulo post aperiemus. Ergo tenendi adhuc sunt hoc anno sub magistris, & maiorum rerum facienda principia, & discenda ea sunt, quæ postquā affecutus est adolescens, publicis doctoribus commēdetur. Proponendus igitur hic est liber Aristotelis περὶ ἡθικῶν, & alter liber eiusdem scriptoris de mundo, qui duo eodem anno, una aliqua hora quotidiana facile percipiuntur. Tradenda etiam Arithmetica sunt, & excutiendus Mela, & proponendus Proclus, & cognoscēda sunt Astrologiæ elemēta. Demosthenes adhuc etiam & Homerus interpretabūtur, quibus Ciceronis oratorios libros adiungo. Dandum etiam otium scripturæ & stylo est, neq; deponenda commentandi exercitatio. Deniq; quid superiori & proxime disciplinæ desit, & quid principio sit opus in sequenti,
dilig

Aptum dicendi
genus.

Aristoteles de
interpretatiōe
item de mūdo.

diligenter oportet considerare.

Defestis diebus, & de sacris lectionibus.

Stadiorū finis
pictar.

HActenus percurrimus omnes classes, & tributim omnem pueritiam digestimus: sed quoniam Pietatem finem statuimus studiorum, & de sacris literis nihil diximus, de his aliquid etiam est præcipiendum. Festi igitur dies huic auscultationi comparati sunt, quam rursus in duas partes distribuimus. Vna seorsum a populo in ipso ludo constitui debet, inde continuo ad alteram & ad publicam ducenda tota multitudo est, & collocanda cum populo. Verum in concionibus ordo præscribi non potest: est enim ibi seruandum tempori. Modestiam autem & silentium, & attentionem summam esse oportet, in primisq; cauenda est omnis populi offensio. Imaginem enim honestæ disciplinæ, iuuetus præ se ferre debet. Ornamentum non minimum ciuibus adfert, liberorum modestia, sanctimonia, studium: dehonestat Rempublicam, qui secus quam deceat, faciunt. In puerili gymnasio, curandum est, ut antequam ad liberas auscultationes ueniat, cognitam habeant adolescentem, omnem Christi atq; Apostolorum historiam, & ex Moyse quedam præcipienda sunt, quibus rerum gestarum & antiquitatis memoriam collegit, & utilia sunt ad cognitionem doctrinæ Christianæ. Festis diebus etiam is qui præcedit coniungi decet, in illis ciuitatibus, quæ unius diei solum uacationem habet. Postremo ordini catechismus explicandus est: tribus insequentibus, Latino sermone uersum esse debet id, quod interpretatur. Cæteris melior oratio, sermoque Græcus utilior. Duobus etiam primis Hebraica grammatica tradi debet, & cum primum fieri poterit, in ea lingua Moyses interpretatio ne est explanandus. Hoc modo primus, atque postremus dies,

Hebraica grammatica.

dies, Deo dicandus est, qui intermedij sunt, illis recordationem quidem & cogitationem diuinitatis deponere nō licet, eloquentiæ tamen & philosophiæ studia licebit recolere, sed ita ut ad illustrandam religionis doctrinam suscipiantur. Pomeridianis horis, postremo die hebdomadis, in Musicis omnes exercendi sunt. Liberalis enim est Musica, huius artis & scientia, & usus: & nisi à pueris cōdiscamus, serò grandiores cognoscemus.

De publicis & liberis lectionibus.

Publicorum professorum collegiū, tanq̃ populi liberi ciuitas est, in qua populus ipse sibi leges constituit, & quibus ipse se astringit: qui uerò in nouem ordinibus uersantur, quasi patres familias sunt, qui ut liberis, ita discipulis suis imperāt, quod honestū putant. Sed cū lex sit, qua Deus uniuersum mundū regit, nihil est quod omni ex parte legibus sit solutū. Itaq; ut liberū populum, ita etiā istas auscultationes propter illas pueriles, in quibus indulgetur minus, appello liberas, sed tamē certis legibus distinctas. Qui igitur summis, suisq; doctoribus proximi sunt, sed tamē longo interuallo proximi, admitti debēt ad hunc cōtū. Finis enim studiorū nō ita procul ut ante, uideri potest, quē quisq; inde ab initio debet proponere. Fecimus autē unum & primū studiorū finē, Pietatem literatā: sed multis illa certē modis exercetur, & diuidi se ipsa patitur in uaria officia, tanquā partes. Manet enim ipsa nō in Theologis solū, uerum etiā in Iurisperitis, & Medicis, & in omni professione manet. Et docere religionis ignorū, & defendere innocentē, & curare ægrotū, ad charitatē atq; Christianā religionē pertinet. Primum igitur unusquisq; se in consiliū adhibere debet, deinde etiam magistros & parentes, & amicos aduoca-

Varia pietatis officia.

m

re, atq;

re, atq; providere ad quod vite genus sit aptus. Ad quodcunq; uerò idoneam se naturam habere sentiet, ad id & consequendum & ornandum, omnes & cogitationes, & lectiones, & scriptiones, & auscultationes refrat: atq; ita refrat, ut in eo cæteris conetur præstare. Depravatum genus est hominū, etiam eas quas ignorant artes exercentiū, & qui eo ingenio sunt, neq; Theologi, neq; Iurisperiti, neq; Medici, neq; doctores ulli sunt ferendi. Non enim illud sine miserabili iactura fit acuminis, ualitudinis bonorū, & mētis. Neq; quisquam se potest excusare multitudine, qui minus sit affecutus, quàm proficteatur. Sed ut in Theologia, ita etiam in cæteris disciplinis, summū est, animi integritas, metuq; Dei: minusq; nocent indocti, si sint boni, quàm docti, si negligant uirtutem: uterq; tamen in uitio, sed minus alter, uerum in uitio tamen, qui dum id suscipit, quod efficere non potest, uel priuati proprij; studij, uel impudentiæ, uel stultitiæ, & inertie significationē præbet. Sit igitur is, qui ad publicum ludum, & istam liberalem disciplinam deligitur, natura ita bonus, ut uelit: & ita industrius ut possit: ita etiā erecto & alacri animo, ut nolit exercere priusquā eam quam sequitur artem, didicerit: atque cum hac uoluntate ad doctores ac magistros deducatur.

Integritas ani-
mi & Dei ti-
mor.

Quales publicæ interpretationes, &
quales priuatæ lectiones
esse debeant.

SED habet unaquæq; sæpe ars scriptores multos, uariosq; libros, & multiplicem præceptionem, quibus in rebus electio est facienda. Incidere igitur in libros inconsiderati hominis est: summo cum consilio, summoq; iudicio qui prudentes sunt, accedunt. Qua in re multos
illa

illa uulgata sententia fefellit, Nullum esse librū tam malum, qui non aliquid boni habeat : sed ad id genus tum est tandem ueniendū, cū quod optimū est, & quod obscuritatem magnam habet, & sine quo habere id quod sequimur, nō cōceditur à natura. Non omnia possunt etiā quæ utilia sunt explicari in scholis. Itaq; necessaria & optima ex optimis autoribus deligere præceptores oportet, cætera relinquenda priuatis studijs sunt, sine quibus impedita atq; imperfecta doctoris industria est. Commentaria priuatim legenda. Autorum explicatores, domi leguntur utilius, quā interpretentur in schola : ut enim ineptum esset Bartholum à iurisperitis recitari, Iustiniani scripta negligi : & ut imperitè, ac fædè fecerunt Sophistæ, qui Scotum & Thomam interpretati in suis cœtibus sunt, ita peræquè propè illi atq; hi, qui in explanandis Aphorismis, atq; simulibus Hippocratis scriptis, Galeni commentarios exponunt & interpretantur. In sacris literis, quod præter Euangelistas, & epistolas Apostolorum, & Mosis atq; Prophetarum libros explicatur, propè totū intempestiuum est. Ne Chrysostomum quidē, aut Basilium, et his æqualem Gregoriū legendum in gymnasijs Theologorum censeo: sed domesticis studijs cōmitto. Idem ego de omnibus Philosophiæ studijs iudico. Poëtæ excutiēdi sunt, qui graues sunt, & ad intelligendū difficiles, post benè perceptū Vergilium & Homerum: & quoniam multa sunt Poëtarum genera, ab utilioribus est incipiendū. Ouidius propè in omnibus facilis est, ideoq; relinquendus bibliothecis, & legendus domi. Fastorum tamen libri, & utilitatem habent & difficultatem. Metamorphosis legi omnino debet, at scholæ curriculum impedit. Græues, & difficiles Poëtæ explicandi. necessaria magis est Comicorū & Tragicorum Græcorum explicatio: sed non omnium, Comici & Tragic.

- Aristophanes.** uel Tragœdiarum, uel comœdiarum, sed Comicorum & Tragicorū omnium, sunt enim insignes ut Euripides, Sophocles, Aeschylus: Aristophanē propter Nubes, & Ca-
lumnias aduersus optimū philosophum Socratem fictas, atq; cōflatas, de ludo eijcerē, nisi utilitas in eo tanta esset, ut cum optimis cōparetur. Pindari hymni, & Horatiæ næ odae recte cōponuntur, & leguntur. Idem de Vergilij æglogis & Theocriti Idyllijs statuo: sed Vergilius pueri li ludo & inferiori ordini aptior est. Theocritus in hisce liberis collocādus. Præterierā Hesiodum, qui cū primis est legendus, neq; male Homero succedit. Aratū mathematicis cū Dionysio relinquo: Lucretius Philosopho dignus est, sed tamē concedimus illū otio Poëtarum: est in illo uetustas uerborū, & sententiarū insignes formæ sunt, cū de diuinis ac naturalibus rebus agit. Multa habet quæ uel oratorē deceāt. Olim Grammatici Poëtas interpretabantur, Poëta uerò tantū sua recitabāt: nostra tempora requirunt, ut idem sit & Grāmaticus & Poëta. In historijs facilis est lectio: nostri scriptores sine interprete cognosci possunt. Ex Græcis Thucydides, et Herodotus, et Xenophon, si intelligātur, ceteros domū licet cognoscere. Ex Thucyde sentētiarū grauitas, & plenorū uerborum collocatio, ex Herodoto lepos & profluēs genus compositionis, ex Xenophonte suauitas & puritas orationis locupletatur. Deniq; multa Herodotus, plura Thucydides, Xenophon nihil non habet quod sequaris. Hos tres Cæsari & Sallustio, quos dedi inferioribus ordinibus, sentio adiungendos. Liuius etiā opus habet explanatione, sed pars quædam eius est delegēda. Neq; tres illos uolo absq; intermissione totos legi: post singulos libros plerūq; permittitur nouæ materiæ interpositio. Ex philosoph

losophis illa legi & proponi uolumus, quæ necessaria sunt, & à doctoribus ceterarum artium non explican- Quæ ex Philo-
sophis præle-
genda.
tur, ut Dialectica, Ethica, Politica, & Physica, quæ à Mathematicis & Medicis nō leguntur, ut libri Aristotelis de anima, & de Naturalium rerum auscultatione, & Platonis Phædo, Animalium historia, & Humani corporis cōpositio, & Herbarū uires atq; notiones, & Platonis Timæus, & similitū rerū libri cum Medicis ad exponendum diuidi possunt: neq; potest Mathematicus ea ignorare, quæ sunt apud Aristotelem de Cælo & Mundo, quapropter hi duo philosopho adsint, qui non omnia simul docere potest, tamen si omnia debeat scire atq; profiteri. Iurisperiti etiā non omnia, quæ sunt apud Iustinianum, necesse habent excutere: quædam discipulorū sunt relinquenda industriæ. Sed quæ necessaria sunt, & uiam atq; rationem habent, & insignes utilitates adferunt, in illis professio suscipienda est. neq; ignarus potest esse, ut nec consuetudinis & iuris, sic etiam quæ de moribus & Rep. à Philosophis sunt explicata. Quapropter etiā hic postquam aliquid in sua arte absoluit, ex philosophis potest adferre quædā tum cum est in hac literarum disciplina necessarium ad absoluendum istud annorum quinque curriculum. Neq; immunis Theologus, qui scire debet, quomodo Respublica sanctè gerēda sit, et quomodo cuiusque inter ciues suos, & in sua familia sit uersandū, quare ad huius etiam officium pertinet docere, cum est opus.

De Aristotele, Platone, & Cicerone.

SED ex quibus sumenda sint, quæ traduntur, facilis est Consideratio. Habent enim omnes artes suos autores, in quibus errari non potest. Theologia duo genera certissima, perpetuāq; scriptorū habet. Apud medicos Hip- Cuiusq; artis
autores perfe-
cti.

m 3

poocrates

- Aristoteles.** pocrates ac Galenus perfectam artem confecerunt. Apud Iurisperitos nihil melius est, quàm quæ Iustinianus edicauit. Philosophis Aristoteles datus est, qui præter tot tantarumq; rerum explicationē, qua prope omnia docet, non solum eam artem perfecit, qua in omnibus artibus utuntur, & quam ad omnem disputationem adferunt, sed etiam dicendi rationem pulcherrima doctrina dilatauit.
- Plato.** Plato inter Philosophos copiosissimus & amplissimus auctor, dialecticorum exempla omnia suppeditat: neq; mihi dubium est, dialecticos in arte perficienda multum Platonis uestigijs adiutos esse. Sed & orator quàm plurima notare apud Platonem potest, quæ in dicendo imitetur. Inter sapientes eloquentiæ laus summa, & inter eloquentes sapientiæ locus primus huic philosopho debetur. Ita copiosus est in eius sermonibus Socrates, ut quodcunq; demas, id te credas amisisse: ita docet, ut discere uelle uideatur: ita concedit, ut uincat: ita uincit, ut non id uoluisse appareat. Itaq; post pueritiæ educationem interpretandi sunt huius dialogi, in quibus amplitudinis quidē & doctrinæ delectus haberi non potest: sed tamen ad studiorum progressionē, & ad ludi distributionem necessaria quedā & ratio et electio poterit accommodari. Quod uerò nomen inter Græcos philosophos Plato, id inter Latinos oratores Cicero est cōsecutus, sapiētissimus orator, eloquentissimus philosophus, oratorum omniū clarissimū lumen, & unicū omnium literatorū exemplum. Summa laus apud hos tres manet, & ut uideo mansura perpetuo est: & cum omnia cognoscenda sint, quæ scripserunt, tamen quoniam ab uno atq; altero interpretari omnia non possunt, partitione opus est, ut doctorū unusquisq; quod suam artem ornare posset, putet ad se pertinere. & quoniam

niam ne sic quidem omnia legi possunt, seligi primum necessaria, deinde optima debent, cætera priuatis studijs atque bibliothecis concredenda.

Distributio publicarum lectionum.

Communicare igitur inter se doctores docendi mu-
 nera oportet, & distribuere operas: quod si facient,
 & in curijs inferioribus firma fuerint posita fundamēta,
 facile reliquū opus ædificabimus. Sunt autē Lectorum Nouem lecto-
rum genera.
Theologi,
Iurisperiti.
 atq; Doctorum nouem genera. Vnum, quod sacras lite-
 ras explicat, quod primū est, & summū: alterum iura, le-
 gesq; interpretatur: tertium quod cōseruādæ, recuperan-
 dæq; sanitatis præcepta tradit. Atq; in his tribus exerce- Medici,
 tur uita humana. Quicquid enim agūt homines, faciunt
 id aut animi mētisq; causa, quā Deo deuotam uolunt: aut
 ob uitæ custodiam atq; productionem: aut ut sua honestè
 tueātur, amplificēt, tradātq; quasi per manus nepotibus.
 Nostris paucis hisce seculis qui horum trium doctrinam
 consecuti essent Doctores uocari placuit, nouo uocabulo Doctores: vul-
go!
 in hac significatione. Vnaquæq; enim ars suos Doctores
 habet, quæ admodum Rhetorica Hermeten & Hermago-
 ram habuit, & Grāmatica Aristarchum. Sed sunt quidā
 quibus horū trium professio, uel difficilior est, quàm ut as-
 sequantur, uel nō exercere cupiunt: otiumq; quod malūt
 sequuntur. Itaq; quartū genus quoddā est, quod se Ma- Mathematici,
 thematicis dedit, in eoq; ætatē consumit. Est etiam quin-
 tum amans antiquitatis, quod in legendis scribēdisq; hi- Historici.
 storijis consultū esse cupit sibi, uitæq; humanæ. Quidam
 etiā excellentes ad letitiam nascuntur ingenij ui, & im-
 petu mentis plurimum ualētes, ideoq; numerosum genus
 orationis sequūtur, qd' est Poëtarū. Nōnulli uerō Philoso- Poëtæ.
Dialectici.
 phorū sunt administri, ut Dialectici: aliq; oratorū, ut Rhe-

Rhetores Grā-
matici.

tores: aliqui poetarum atq; historicorū, ut Grammatici, quod genus nos hodie in pulverē detrudimus, & molestissimis astringimus laboribus: minimum nunc inter eruditos, olim uerò professione magnum. Itaq; de hoc dictū est ante, nunc de his octo est explicandum.

De consensu artium & rerum omnium & de numero
lectionum.

Philosophus
scientiam rerū,
orator eorum
quæ sciri pos-
sunt uerum or-
natum profite-
tur.

Disciplinæ in-
ter se cōnexæ.

Septem docto-
res publici.

Sed in his octo Philosophū atq; Oratorē cōtinere uo-
lo, quorū uterq; omnia posse profiteri atq; suscipere
uidetur: sed alter scientiā rerum, alter dictionem uerumq;
ornatum illorum, quæ sciri possunt, pollicetur. Ut igitur
hos duos in horum omnium, de quibus dictum est, scholis
uersari atq; educari uolumus, sic etiā hi in minorem nu-
merum poterunt constringi. Nemo enim omnium perfectē
unius alicuius doctrine scientiam consecutus est, qui cæ-
teras ignoret. Omnes enim res, quæ in natura posite
sunt, quæ uē ortū & occasum habent, perpetuo & sem-
piterno cōnexæ sunt inter se uinculo quodam societatis:
& quemadmodū res, sic rerum etiam discipline perenni
sunt constrictæ necessitudine, ut qui unā earum perfectē
norit, reliquarū quoq; profiteatur se nō esse ignarum. Cō-
trahamus igitur octo illa genera, & ex paucioribus ma-
gistris gymnasiū cōstituamus. Nā & Poëta ille etiā hi-
stóricos interpretari poterit, & Grammaticam pueritiæ
præfecimus. Quocirca septem sunt qui docebunt quoti-
die, ita ut neq; horas, neq; scriptores eosdem occupent.
Etiam eiusmodi uiam poterunt atq; rationem ingredi,
ut unus ex omnibus artibus ac literis, quantum satis est,
ad excellentem doctrinam consequatur. De Iurispru-
dentia & de Medicina, & Theologia nullum dubium
est,

est, quin qui discere tantum non potest quinque illis annis si unam quotidie horam uersetur in scholis, ut per se reliqua assequatur, ineptus sit ad illam doctrinam, ad quam se applicarit. Neq; dubium aut ambiguum est, Poëtam illum atq; historicum, iactus his initijs, quæ in illo inferiori gymnasio fieri uolumus, tantum quinque annis efficere posse, ut in omnibus scriptoribus egressus adolescentiam iuuenis expedite sine interprete uersetur. Dialectico plus oneris impositum est. Nam quoniam Philosophi, qui propè solus omnia profitetur, administer est, rationē differendi, & perspicendi atq; dijudicandi omnem debet tradere: uiam etiam patefacere ad earum rerum sciētiam, quæ de moribus & uita, & quæ de rebus naturæ à maximis uiris, hoc est à sapiētissimis tradita sunt, & cognitio-
ne in hac uita quantulacumq; est compræhensa. Qua in re adiutorem illum Rhetorem habet, Oratorum famulum, qui nō solum dicendi præcepta dare atq; perficere debet, sed etiā ea cognoscere omnia, quæ in oratione subtili acumen subeunt, & suscipiunt orationis cultum cōuenienter ac honestè. De differendi ratione nemo melius Aristotele explicari potest. Rhetorici libri extant complures, sed tres illos Aristotelis, & tres de oratore, & Hermogenis, quos scripsit de dicendi formis, uitiosum est ignorare: reliqua quæ de moribus præcepta sunt, & scribuntur de natura, à Platone et Aristotele sunt petēda. Sed & morū optimus informator, et in ciuitate præclarus consiliarius Theologus est. Percurri breuiter quæ de his septē doctores sentirē: cætera institui cōmodius, q̃ præcipi possunt.

Quæ lectiones Theologo, quæ Iurisperito,
quæ Medico, quæ cæteris
sint audiendæ.

Qui igitur necessarias illas tres hominum uitae artes cognoscere uolent, ita in his eos uersari oportet, ut à cæteris artibus ac literis, quibus adiuuari hæ tres possunt, nō deficientur. Itaq; ille Dei quasi interpres, et cælestium rerum præco Theologus, neq; ignarus sit disserendi, dicendiq; sciētiae, et eos cognoscat, à quibus conseruata est antiquitatis memoria, et præscripta ratio cōstituendarum Rerump. atq; familiarum. Iurisperitus uero, indignus eo nomine est, si quæ de Rep. et moribus philosophi statuerūt, ignoret: et amouendus à sua curatione, si non cognouerit, quid maiores eius, à quibus leges accepit, egerint, neq; legerit ætatum omnium historias. Et quoniam Christiana Respub. quasi imaginem diuinitatis exprimere debet, tenēda etiam sunt illa, quæ Deus literarum monimētis mandari à sacrarum rerum scriptoribus uoluit: et cū è ludo Iurisperiti multi prodeant regum cōsiliarij, et gubernatores Rerūp. uox quoq; eius rhetoricis præceptis est erudiēda: et quia sæpe disceptandū est de iure, scire cum cæteris et illa debet, quæ traduntur à

Quæ theologus scire debeat.

Quæ iurisperitus.

Quæ Medicus.

Dialecticis. Medico etiam multa necessaria sunt ad artis suæ perfectionē. Nisi enim illa habeat quæ philosophi de rebus naturæ explicarunt, nō poterit cum magnis numerari, à Philosophis igitur et Mathematicis multa cognoscenda sunt, si iustum curriculum suæ professionis uolet percurrere: quo in studio, si differendi scientia destituitur, deficiēt etiam ea quæ in perfectis Medicis sunt summa. Non infinita sunt ea quæ præcipimus, uix credi potest, quantas et quàm multas res humanus animus annis quinq; possit perlustrare, post illam puerilem disciplinā. Difficilis est, fateor, et plena fastidio sex horarū auscultatio: at qui quatuor recusat, haud scio an dignus, ut ap-
pelle

pelletur sapiētiæ studiosus, uideri debeat. In hoc igitur pu-
 blico & literato gymnasio, ut in illo puerili quatuor ho-
 ras quotidie doctorem audiat, qui uolet esse magnus aut
 Theologus, aut Medicus, aut Iurisperitus. Ita uerò qua-
 tuor hæc tēpora dispēsset, ut quinto sextoq; atq; etiā se-
 ptimo carere possit. Ita uerò illi sex interpretes sua tēpo-
 ra distribuāt, ut quæ singularia sunt artis, & cetera stu-
 dia nō multū adiuuēt, tum legāt, cū parti alicui utilius
 est alia cognoscere. Neq; enim necesse habet Theologus
 audire Medicū, cū tradit curationē oculi: at cū anato-
 mica docet, & humani corporis partes, & partiū singu-
 lorum & actiones & figurā indicat & oculis subiicit,
 ac quasi cōtrario ordine quā eo, quo factū est, animal in
 quo mens est, resoluit, eò utiliter & poēta & Theologus
 accedit. Cū igitur liber Galeni de pulsibus legitur, mi-
 nui potest labor Theologo: cū Iuris interpret singularia
 quæ in Iustiniano sunt capita explanat, abesse potest:
 at cū quatuor illi libri interpretātur, quibus informatur
 Iuris consultus, non potest sine inertie suspitione abesse.
 Sunt omniū artium scholæ quedā, quæ ad omnes nō per-
 tinent, quæ ita digerēde sunt, ut studiorū cōtinuationem
 nō disturbēt. Quod de tribus dictum est, id etiā ad illos
 pertinet, qui in nulla professione necessariæ doctrinæ eta-
 tem degunt, neq; certis limitibus sese coerceri patiuntur,
 sed otio tantum, & literarum oblectatione acquiescunt:
 quibus tamen ita uiuendum est, ut illorum etiam uitæ ac
 studiorum ratio apud amicos constet. Nam quo liberior
 est, & quò minus se arctioribus artium atq; literarum lo-
 cis includi patiuntur, eò plus possunt percipere.

De duplici partitione in ora-
 tione docendi.

Ten

Generalis ar-
tium traditio.

TENENDA igitur in scholis duplex uia & ratio est. Vna est, qua generatim res uniuersa traditur, nulla disceptatione cum aduersarijs suscepta. altera singulariũ rerum, quæ proprias quasdam habent & exceptiones, et quæstiones, & demonstrationes. Est etiam altera partitio, quã maxime sequi in scholis utile est. Aliquãdo enim sine autore, nulloq; proposito scriptore ars aliqua docetur, tum cũ magister id potest breuius & planius, quàm hi qui de eadem re scripserũt: id quod fieri potest in multis: aliquando etiam liber adfertur, in quo rursus bipartitus est modus in docendo. Nam aut omnia ordine atq; singulatim excutiuntur, aut quædam omittuntur, & ea solum aperiuntur, quæ sunt necessaria, quod in multis fieri potest apud Aristotelem, & Galenum, aliosq; scriptores multos, quibus aliter, quàm ars ipsa desiderabat, propter aduersariorum opiniones explicandum de rebus fuit. Itaq; illa generalia quotidie, nisi à quatuor tradi debẽt, quò omnibus cognoscere liceat: tres uerò semper sint, qui illa, quæ singularia sunt, et redacta in angustos quasi carceres earum artium, quarum quæstiones habẽt, eos doceant, quos proprios perpetuosq; auditores habent. Hoc modo assequemur quod uolumus, ut intelligamus ac teneamus illam omnium artium atq; literarum consensionem.

De priuatis studijs.

AT parum adferunt utilitatis scholæ, si secreta studia domi nulla instituantur. Etsi enim nulla sine interprete ars perfectè percipi potest, & magnam uim ad excitandum eius qui docet uox habet: tamen in eodem sunt uitio, & qui nullam exercitationem domu suscipit, & qui se non finit à doctore erudiri. Sed utrunq; suas habet & commoditates, & impedimenta. Nam qui in coctu cum
mult

multis instruitur, is hoc quasi emolumentum capit, quod quæ domi magno cum labore uix consequi possit, ea ipse breui auscultatione, certius & perfectius cognoscit, quàm si sua inuestigatione nitatur. Illud uerò est in eadē re incommodi, quod sæpenumero mentis acies in ludo turbatur, & animus ad alienas cogitationes rapitur, quod in nostra bibliotheca cum asidemus, tametsi accadat etiam, tamen quæ ibi aguntur, quæruntur, inueniuntur, quasi priuata sint, & à nobis nata sic amplectimur, ut firmius animis inhaerescant. Sunt aliæ multæ utilitates utriusque rationis, ut nisi coniuncta sint hæc duo, paruos progressus in literis facturi simus. Sed in frequentia, & in publico conuentu simplex labor suscipitur, in quo diligens attentio, firmaque memoria requiritur: ille uerò secretior locus duarum rerum curationem præscribit. Vna est, ut reuoluat, quæ in ludo tractata sunt, ut & singula intelligat, et quæ distracta fusaque sunt, ad communes generum summas reuocet: altera ut ea priuatim legat, quæ doctoris industriam subleuent, & quarum ui sæpe id quod tantum inchoatum à præceptore notatur, perficiatur, ut plenus progressus, expeditus ascensus ad arcem doctrinarum fiat. Sæpe etiā accidit, ut uel morbo impediti, uel occupationibus necessarijs auocati, non adsimus cum docetur. Aliquando etiā utile est, aut comœdiæ, aut orationis, aut historici libri recitationem præterire, tum cum uacamus melioribus, quas incommoditates priuata diligentia, nostraque bibliotheca compensat, si sine magistro & interprete nos eadē assequamur. Semper aliquid ei, qui uolet esse magnus, est aut quærendum, aut audiendum, aut legendum, aut disputandum: qua in contentione cum soleat satietas & fastidium esse, reficiendus animus uarietate, relaxandus inæ-

qual

Veritas publicæ auscultationis.

Duo priuatis studijs agenda.

qualitate, ut facilia grauibus, læta tristibus, noua ueteribus succedant, & à lectione ad scriptionem, à scriptione ad ludum, à ludo ad sermonem eruditum, & literatam familiarium congressionem accedatur.

† De Disputandi & Declamandi
consuetudine.

Prescriptum iam à nobis est, quomodo puerilis educatio instituenda sit, & quomodo quinque illi anni postremi ad perfectionem studiorum sint impendendi: sed de discipulorum exercitatione, quæ in ludis suscipi solet, nihil est hætenus explicatum. Sunt autem eius consuetudinis duo genera, unum Disputandi, alterum Declamandi. Disputandi morem bis per mensem repeti moderatum laborem habet. Hic ut excitatio adhibeatur, quatuor sunt personarum genera comparanda, Vnum eius est, qui respondebit: alterum eorum, qui subsidium adferent: tertium id est, quod in aduersariorum subsellijs sedet: quartum, quod uniuersam disputationem moderatur. Hæc quatuor in duo contrahi possunt, ut unum differentium sit, alterum iudicantium. Qui uero questionis capita proponit, unus sit, isque solus interrogetur ab his, qui contra disserunt: Sed quia fit sæpe ut subito nobis in mentem non ueniat, quod commodè respondeatur, addi huic tres debent, qui quasi subsidio ueniāt: sed dandæ illis respondendi partes sunt, ab eo qui omnibus præest, ne perturbatio oriat, & ne se impediāt mutuo, qui tanquam in cōuiuium rex sit, & unicuique quod uidebitur imperet. Iudicare autem hūc non prius oportet, quam recurrat interrogatio ad primum. huic enim illud cōcedendum est, ut bis rogetur: Liberalis decet hunc cœtum disquisitio, carens metu & stupore: uerum alacritas adsit & reuerentia. Itaque is, qui in-

dex

Officium eius
qui disputatio-
ni præest.

dex constitutus est, estimatoris se partes, non obiurgatoris sciat sustinere. Pudor enim subrusticus et metus, etiam quæ meditata scriptaq; habemus, tollit: alacritas uerò et excitatio multa sæpe subito, et ex tempore inuenit, quæ cum domi sumus, nobis in mentem non ueniunt. Res etiã ipsa, quæ ad disceptandum proponitur, talis sit, ut in contrarias partes uerisimiles sententias habeat: id quod non solum in probabilibus fieri potest, sed necessaria quoque pronuntiata sæpe habent aduersarias opiniones, quibus uidentur infirmari. Conclusiones et argumentationes aptæ, breues, atq; simplices, et singularum partium interrogationes, utiliores principio sunt, quàm perpetuæ, et prolixæ orationes, et argumentorum multitudo: ad quas tum ueniendum est, cum facultatē disputandi fuerint maiorem consecuti: at in his ipsis longis probationibus, siue scriptæ adferantur, siue nascantur ex ipsa cōcertatione, epilogi breues atq; cōcinni faciendi sunt, qui efficiūt, ut intelligenter disceptent. Sed aptissima disputationibus breuitas est, et ad intelligēdum, et ad uitandum insidias aduersariorū, idonea. Suspecta enim est propositionū cōglobatio, et sæpe à Sophistis adhiberi solet. Protagoras quidē à Socrate facetè laudando irridetur, quod et copiose, et breuiter interrogatus respondere possit: at ab eodē oratores uituperantur, qui σμικρὰ ἰρωτηθέντες ὁδὶ λόγον κατατίνοσι τοῦ λόγου. Sed hæc de disputandi consuetudine: Declamādi uerò exercitatio, nō solum ad uerborū uolubilitatem, sed etiã ad præcepta philosophiæ est accommodanda, ut nō solum disertæ, sed etiam sapiens sit oratio. Triplex autē eius est tractandi uia: aut enim subitæ dictiones fiunt, aut dato ad cogitandum spatio, aut domi sunt scrip-

Quæ in disputationem uocanda.

Breuitas disputationibus aptissima.

Triplex declamandi ratio.

ptæ

ptæ. Prima illa duo expeditam promptamq; requirūt memoriā: postremum etiam ex scripto poterit recitari, quā consuetudinem nō possum improbare, si non solum pronuntiet adolescens quæ scripsit, sed etiam quam uiam secutus sit indicet. Hoc enim modo et plus utilitatis auditoribus adfertur, et ipse qui recitabit maiorem ad scribendum diligentiam et curam est adhibiturus. Poëmatum etiam et carminum festiuorum, et concinnorum et argutorum lectiones admitto: est enim liberalis exercitatio, et magnas utilitates adfert etiam in orationem. Hec de declamandi, scribendiq; consuetudine sine qua exercitatione nihil præclarum in literis effici potest. Sed uidendum est, ne in disputando loquaces, et in scriptura tumidi, et inanes, et impuri, et negligentes simus. In disputando subtilitas, et acumen: et in stylo uis, et ornatus, et elegātia, et diligētia laudari solet. Scribere quā plurimum, et disputare quā sepius oportet: neq; prolixitate diligentiam, sed ornatu et acumine estimamus. Quod concinnum est, etiam si breue sit, tamē laudem industriæ habet: quod uerò inconditū et mendosum, quantumuis prolixum sit, cadit in uituperationem. Est autem in omnibus argumentorum habenda ratio, ut ea seligamus, quæ subtilitatem, acumen, ornatumq; capiant: quæ in re illud uidendum est, ne quod proponimus nobis sit ignotum: quod enim ignoramus, neq; elegātia cōueniēti neq; ingenio subtili potest esse locus. Notū igitur sit quod tractare uolumus, et capax omniū quæ studemus affingere.

De Concordia, & Modestia, & Diligentia professorum.

IN his rebus, et in cæteris omnibus studijs, discipulorum industriam alere debet magistrorum diligētia. Et quāq;

quanquam Diligentia in primis in doctoribus spectanda est, tamen Concordia atq; Modestia maxime præceptores decet. Offensiones enim turbulentiæ, & spiritus effrenati, ab auaritia plerunq; & ambitione oriuntur: quorū alterum impium, alterum illiberaie, utrunq; semper indignum magnis ingenijs fuit. Sæpe turbare studia solet inuidia, & nulla re magis religio, quàm ambitioe uitiat: & in quocunq; illa duo sunt, nullus ibi locus est charitati. Vt autem ipsarum artium atq; doctrinarum, quarum professio in Ludo suscipitur, sempiterna consensus, & firmissimum uinculum est: ita etiam necessitudine coniungi harum doctores decet, ut similia sint in tali quasi collegio studia, eadem consilia, & consentientes uoluntates. Qui inuidia torquentur, & iactantur ambitione, in illis nihil fidum, nihil perfectum, nihil quod cuiusquam uirtutem possit oblectare. Et si quibus unquam temporibus religio magna exempla desiderauit, nostra maxime desiderant, in tanta potentia & copia aduersariorum. Ferendæ igitur in illis locis offensiones nō sunt, ubi seuerior instituitur disciplina, quæ ad omnes homines pulcherrimas quasi demanantes commoditates habet. Plerunq; enim ut regum uoluntatem & cultum, cæterorum nobilium habitus, sic discipulorum studia, magistrorum rationes, etiam ineptissimas imitantur: Itaq; non doctrinam ad posteros uitiosi transmittunt, sed uitiorū stirpem radices agere sinunt, atq; in sempiternum, quantum in ipsis est, propagant. Consensus igitur sit studiorum & laborum, & communicatæ uoluntates, & distributæ operæ. Illud etiam elaborandum est, ut non solum ea teneamus, quæ nos docere oportet: uerum etiam cætera cognoscamus, quoad possumus, quæ à reliquis, uel qui infra, uel
n qui

Docentis officium,

qui supra nos sunt, traduntur. Nam & quæ ante didicerunt pueri, ea in superioribus locis sunt etiam retinenda: & quæ in manibus sunt, insequentibus sunt accommodanda. Præsentia doceri, præterita renouari & futura prædicari debent, hæc enim plurimum ad excitandum, custodiendum, erudiendum ualent. Versatur autem omne docentis officium in docendo, corrigendo, cohortando, dehortando, quæ omnia dissensione perturbantur. Sed sunt quædam necessaria concertationum genera, ut pueritiæ, & ueritatis. Errores enim ex hominibus tollendi sunt, & contra inscientiam doctrina, & contra uitium uirtus est defendenda. Sed abesse debet ab omni inquisitione ueritatis animi perturbatio. Itaque recte à philosophis Socrates laudatus est, cuius suauissimus sermo ita cum Sophistis instituitur, ut ueritatis studium susceptum esse uideatur: & maximus lepos, atque humanitas appareat cum docet, cum emendat, cum contra sentit, cum ridet: sine contumelia, sine ira, sine scurrilitate, ut uitia uitasse, homines uerò non odisse uideatur. In pueris etiam & adolescentulis honestæ contentiones excitantur: alitur enim his illorum industria, & frænari moderarique possunt à præceptoribus tum, cum præter modum exardescunt. Non uituperandum est, si uinci turpe, & doctrina excellere gloriosum esse existiment. Turpe enim est nunquam excitari, & semper ignauie inertieque condemnari. Deinde non mancant in puerili etate affectus, imò summæ amicitie ex talibus contentionibus efflorescunt. Ut enim causarum aduersarij, maximi que patroni, cum orant grauiter contendunt, & uociferantur: ubi uerò peroratum & iudicatum est, reconciliantur: sic etiam post puerilia hæc dissidia, quæ literarum doctores moderantur, summa plerumque inter grand

grandiores existit charitas & benenolentia. Sed magis
 strorum studia magis quàm concertationes exerceri de-
 cet, & si quæ contentiones esse debebunt, quod fateor:
 sint illa comitatis, humanitatis, charitatis, non asperitatis,
 nō crudelitatis, nō odij: & talis in literarū gymnasio cō-
 uictus, qualē poëtæ in Helicone & Parnaso Musarum
 esse fingunt, summa cum concordia, ut uocum, numero-
 rum, instrumentorum, sic uitæ, studiorum, atq; uolunta-
 tum. Percurri breuiter, quæ de puerili educatione, &
 de aperiendis literarum ludis in præsentī præcis-
 pi poterant: & uiam quandam si non pa-
 teseci, at commonstravi saltem
 iter, in quod si intremus,
 facilius ea quæ ma-
 xima sunt,
 cōsequa-
 mur.

FINIS.

Ex concilio Gabalionensi, capite tertio.

De scholis Canonorum instruendis.

Oportet etiam ut sicut Dominus Imperator Karolus uir singularis māsuetudinis, fortitudinis, prudentiæ, iustitiæ, temperatiæ, præcepit, scholas cōstituant, in quibus & literalis solertia disciplinæ, & sacre scripturæ documenta discant, & tales ibi erudiant, quibus meritò dicatur à Deo, Vos estis sal terræ, & qui condimentum plebibus esse ualeant, & quorum doctrina non solùm diuersis hæresibus, uerum etiam Antichristi monitis, & ipsi Antichristo resistent, ut meritò de illis in laude Ecclesiæ dicatur, Mille clypei pēdēt ex ea omnis armatura fortis.

Ex concilio Toletano XVI.

De conuersatione Clericorum in uno condaui.

Prona est omnis ætas ab adolescentia in malum. Nihil enim incertius, quàm uita adolescētium. Ob hoc constituendum oportuit, ut si qui in Clero pueri, aut adulescentes existunt, omnes in uno Conclauī atrij cōmorentur, ut lubricæ ætatis annos non in luxuria, sed in disciplinis ecclesiasticis agant: deputati probatissimo seniori, quem & magistrum doctrinæ, & testem uitæ habeāt. Quod si aliqui ex his pupilli existant sacerdotali tutela foueant, ut & uita eorum à criminibus intacta sit, & res ab iniuria improborum. Qui autem his præceptis resolutauerint, monasterijs deputentur, ut uagantes animi & superbi, seueriori regula distringantur.

D. Nic

197
D. Nicolaus Gerbelius
ad lectorem.

*Quis Cereris dotes, quis dulcia munera Bacchi,
Quis'ue Olei nosset gratia quanta foret?
Alma Ceres fruges, blandus ni uina Lyæus,
Monstrasset, latices docta Minerva suos.
Sic foret & ratio studiorum immersa tenebris,
Sturmîus hanc medica ni reparasset ope.*

Ioan. Sapidus Selestadien.
ad lectorem.

*Si te tangit amor conatus, lector, honesti,
Et cupis humanas res sapienter agi:
Non potes Argentorati non totus amare,
Digna & conscriptos tollere laude patres,
Quòd satagunt summo docilem molimine pubem
Formari rectis instituiq; modis.
Tu studijs gratare bonis, uotoq; fideli
Opta principio numina dextra pio.*

LVGDVNI APVD SE-
BASTIANVM GRY-
PHIVM
ANNO
M. D. XLII.

Z 672 3



88: 851363